

Fünck, Livre Belge (279) ---

Mit 28 (von 39) Kupfern

von Coru. u. Theod. Galle.

(fehlen: 3, 7, 8, 13, 15, 16, 19, 21, 27, 30, 32)

Prov.: Lambert Krahe

~~Charissimam meam in gloriam etc.~~
~~Quod deus dedit tangit et quod a longo~~
~~tempore etc.~~

ah! proh: Dolor

Emicat ex parvis Divina potentia
Rerum

pag. 534.

N^o 3^a.



Alms Ling. 40


Omnia cum Deo Archid sine

et

MEMENTO
MORI

Wilmh Dörfl. 40

Laudemus viros gloriosos, et parentes nostras in generatione sua. Eccli. 10. 1.



SVB NOMINE ET AVSPICIIS ADMODVM R. D. ANTONII DE WINGHE ABBATIS
ET MONACHORVM LÆTIENSIVM, RELIGIONI ORNANDÆ, PVBLICA LVCE DONATI,
EXCVDENTE IOANNE GALLÆO ANTVERPIÆ M. DC. XXXIV.
Cum Privilegio.



21 k. a. 20
2 Bri

ABREGÉ
DES VIES
DES PRINCIPAUX
FONDATEURS
DES RELIGIONS DE L'EGLISE,
REPRESENTEZ DANS LE CHOEVR
DE L'ABBAIE DE S. LAMBERT
DE
LIESSIES
EN HAYNAVY:

Avec les Maximes spirituelles de chaque
Fondateur.

*Par le R.P. ESTIENNE BINET, de la
Compagnie de JESVS.*

A ANVERS
Chez MARTIN NVTIVS.

L'AN M.DC.XXXIV.



Rara
K.R. 20



A MESSIEVRS
LES REVERENDS PERES
RELIGIEVX
DE L'ABBAIE DE S. LAMBERT
D E
LIESSIES,
DE L'ORDRE DE S. BENOIT.

MESSIEVRS



E fus ravi, passant par vostre Abbaie,
tant celebre: & i'y vis trois sortes de
Saints; à scauoir des morts, des viuants,
& d'autres en peinture. C'est donc
vne terre de Saints, vn païs de Lieste
du ciel, & à vray dire, vne terre de promesse &
de benediction. Parmi les biens que vous m'y fistes,
aussi vray vous m'y fistes vn grand tort, & en suite

A 3 vn

vn grand mal. Car en effect Monsieur vostre Abbé & vous m'y desrobastes le cœur, de telle sorte, que depuis il m'a esté impossible de le retirer de voz mains. Et vous m'avez faiçt encor bien piz. Car vous m'arrachastes la langue, & me couppastes la main droite, me defendant solennellement de parler ou d'escrire de voz louanges. Pour acheuer tout, vous me deuiez donc creuer les yeux, affin que ie ne visse pas l'esclat de voz vertus, & la beauté de ce Paradis terrestre. Mais malgré vous, Messieurs, voz Saints ont faiçt miracle, & m'ont rendu la main, la langue, & le cœur. Et faut que vous souffriez, que ie vous dedie ce petit ourage, & ces images, qui sont les portraits de vostre chœur & de voz cœurs; où sont les originaux des vertus viuantes de ces venerables Fondateurs. Vous auez sur voz testes tous ces Saints en chantant: mais en pleurant dans voz cellules, vous les grauez viuement dans voz cœurs. O que vous estes heureux, & bien benits du ciel, de viure tousiours dans la terre sainte, & de voir incessamment tant de Saints viuants, & morts, & en peinture!

Quand i'estois logé dedans vostre chasteau, si commodement basti dans l'enclos de vostre Abbaie, i'admirois à loisir les misericordes que Dieu vous faisoit si liberalement. i'admirois la modestie,
la

la deuotion, le profond silence, la psalmodie Angelique, la charité cordiale, & la paix dorée de cette deuote maison. Il me sembloit de voir encor en vie ce Venerable Louis de Blois, vostre bon Pere, l'ornement de vostre monastere, & de tout l'Ordre: & que non seulement ie voiois corporellement les images de ces grands Patriarches, pendantes sur voz testes; mais que ie voiois les images viuantes de leurs vertus au milieu de voz cœurs. Je crû qu'il seroit à propos que tout le monde participast à ce contentement, & que la veue de ces saints personnages donnast de la consolation à tous les gens de bien. Je priay Monsieur vostre Abbé (qui a plus de cœur & de bonté, que ie n'ay de discours, & qui ne respire que la gloire de Dieu) de faire faire ce que vous voyez, & de le donner au public. Et n'ayant eu ma priere desagreable, comme il scait qu'il peut tout sur ma plume, & qu'il a vn empire absolu sur mes volontez; il m'ordonna de faire ces Eloges, sans y mesler ses louanges, ni les vostres. Je l'aime tant, & ie le crains si fort, qu'il faut resoluement se taire. Mais quel tourment est ce à mon pauure esprit de traiter avec des personnes, dont les merites sont au dessus de toutes les paroles, & n'oser dire mot! Si faut il obeir innocemment: & vous dire seulement, Messieurs, que ie vous offre ce petit ouurage, qui
vous

vous est deu par cent bonnes raisons. Vn iour vien-
dra, que ie m'affranchirai, & que ie publierai par
tout les obligations infinies, que vous auez à Dieu,
qui vous a tellement benits, qu'on void bien, qu'il
respend sur vostre maison tresreligieuse les influen-
ces extraordinaires de ses grandes misericordes. Or
puissiez vous tous estre des saints Benoits, des saints
Lamberts, & des Anges du ciel! Puissiez vous tous
estre des images viuantes de toutes les vertus; & puis-
siez vous par voz saintes prieres m'obtenir ceste gra-
ce, que ie puisse imiter voz eminentes vertus, & pren-
dre part à voz merites. Dieu m'en fasse digne, &
d'estre

M E S S I E V R S,

vostre treshumble seruiteur en I.C.

E S T I E N N E B I N E T.

A V L E C T E V R.

IE vous ameine icy, mon cher Lecteur, les Patriarches & Saints Fondateurs des Religions principales, qui fleurissent dās l'Eglise de Dieu. Leur veue porte iene scay quoy de veneration, & tous morts qu'ilz sont, encor donnent ilz la vie aux bons cœurs, ou au moins de la deuotion. Ce sont de grands soleils du firmamēt de l'Eglise, & des astres de bon angure. Je vous donne leur vie en petit volume, & vn raccourci de leur sainteté incomparable. Toutesfois vous uoirez dans ces petits miroirs les traits principaux de leur perfection eminente. Tout cecy vient du chœur de Lieffies, Abbaie trescelebre en Haynaut: où ilz sont peints de bonne main, & font vne tresbelle monstre. Ces bons Religieux ont trois grāds aduantages entre les autres dons du ciel. Ilz ont les Reliques des Saints en grand nombre dans leur Sancta Sanctorum: chaque Religieux au chœur a sur sa teste vn ouale, où est tiré vn de ces Fondateurs: & ce qui est plus important, c'est qu'ilz ont dans leurs cœurs les vertus de ces Saints empraintes bien auant. Quand on veut faire que les plumes des colombes innocentes representent l'esmail des plus belles couleurs, on en met vne grande diuersité deuant les yeux des meres: qui à force de les regarder, se les imaginent de sorte, que leurs petits les rapportent en leurs plumages. Ainsi ces vrais Religieux, à force de regarder ces portraits, conforment leur deuotion à celle des Saints qu'ilz y voyent representez: & chantant sous leurs pieds, ilz impriment leurs vertus dans leurs ames.

Les Romains aux grands iours ouuroient des buffets, où estoient en or & argent leurs ayeulx couronnez de lauriers immortels

B

G.

Et raionnans de gloire. C'estoit affin que leurs enfans admirans ces vieillards deuinsent amoureux de leurs belles actions.

Le bon Abbé qui fit embellir son chœur des portraits raiissants de ces venerables Patriarches a voulu transformer les cœurs de ses Religieux es cœurs de ces saints personnages. L'Abbé moderne, qui de cet original a faittirer les copies que vous voyez icy, a desiré piquer les vostres par la veue de ces fidelles seruiteurs de Dieu: dont chacun est plus grand que l'autre: chacun a quelque chose que nul n'a eu que luy: Et tous ont cela d'admirable, qu'ilz sont si grands, que vous diriez que nul d'entre eux n'ait iamais eu son semblable.

Il est bien malaisé, que parmi tant de Saints vous n'en trouuiez quelqu'un qui vous touche le cœur, Et vous soit agreable. Touts ces astres distillent tant Et de si douces influences, que vous n'en scauriez choisir pas un, qui ne vous soit de bonaugure, Et qui ne vous serue d'heureux horoscope, si vous auez le courage de le regarder de bon œil. Toutes ces estoilles vous conduiront à bon port, Et malgré les orages, qui renuersent la mer de nostre vie, elles vous feront surgir au haure de grace; si vous regardez bien les rayons de leur admirable vie. C'est le dessein que i'ay eu, en vous façonnant ce petit ouurage, Et vous l'offrant de tresbon cœur. Je prie Dieu qu'ilz soient tous plustost vos aduocats, que vos iuges: Et que les imitant, vous les contraigniez de plaider vostre cause, plustost que de condamner vostre lascheté, Et vostre peu de vertu en ce monde. Dieu vous en fasse la grace, Et à moy aussi: Et que vous Et moy puissions auoir le bonheur d'accomplir entierement toutes ses volontez, Et de iouir de la compagnie de ces bienheureux Saints à toute eternité.

I. ELIE.



terre, il desira mourir, & dit, Mon Dieu, mon createur, retirez moy de cette vie, ce m'est vne mort de voir que tout le monde vous abandonne de la sorte. Vn Ange vint qui l'esucilla: car la tristesse l'auoit endormi: il le fit manger du pain du ciel, & boire de l'eau, ce qui le fortifia si fort, qu'il fut 40. iours sans manger, & arriua iusqu'à la montagne d'Horeb, où il ouit la parole de Dieu dans vn petit Zephire.

Les corbeaux le nourrissoient au desert lui portant du pain & de la viande. la vesue le receut, & lui donnant trois gouttes d'huile, lui miraculeusement lui en donna vn ruisseau tout entier. il resuscita son petit enfant mort. Il tarit les nuées, & ferma le ciel trois ans & demi, sans qu'il en tombast vne seule goutte: puis il en fit tomber quantité aiant prié Dieu, & tenant sa teste appuyée sur ses genoux, car c'estoit sa posture ordinaire: & il predict cette pluie au Roy. Il fit descendre le feu du ciel sur deux capitaines de cinquante hommes d'armes, & reduisit tout cela en cendres. Il fit mourir 500. faux Prophetes aiant attiré le feu du ciel, sur son sacrifice. tellement que sa langue estoit la clef de la nature & du ciel. Chose estrange: avec son manteau il fendit en deux le Iordain; il le ietta sur le dos d'Elisee: qui fut si fort touché de Dieu, qu'il quitta tout pour suiure Elie, qui le tint tousiours avec soy vestu d'vn sac, & d'vne peau assez rude, & l'establit Prophete apres soy.


Dieu, qui l'auoit reserué pour la fin du monde, affin qu'il s'opposât à la rage de l'Antechrist, enuoia des Anges avec vn char tout de feu pour l'enleuer, & le porter tout vif au Paradis, ou bien au lieu, où il est avec
Enoch:

Enoch: mais au parauant, il promit à Elisee son double esprit, & il lui tint parole. Il vit donc auioird'huy avec Enoch & les Anges, qui possible lui donnent sa prouision pour viure, s'il mange encor: car possible vit'il sans manger; & vit comme vn Archange. Il eut l'honneur de voir Iesus Christ, & d'assister à la Transfiguration. Dieu lui a fait des priuileges qu'il n'a fait à nul autre. On dit la Messe tous les ans le 20. de Iuillet par permission du S. Siege & de Sixte V. & il n'y a que lui seul duquel on die la Messe estant encor en vie. Il sera Martyr à la fin du monde, & puis resuscitant il fera creuer ce dragon de l'Antechrist. Sept ans apres son rauissement il enuoia vn paquet de lettres au Roy Ioram, qui fut bien estonné. Il est le septiesme des hommes qui vont depuis le commencement du monde iusqu'à la fin: Adam, Mathusalem, Sem, Iacob, Amram, Ahias Silonites, Elie. C'est vne tiffure de miracles que sa vie, & à vray dire c'est quasi vn homme sans pair.

IL

IL SOVLOIT DIRE:


1. *Mon Dieu le zele me deuore, & ie me meurs voiant comment tout le monde vous abandonne.*
2. *Viue Dieu, en la presence duquel ie vis continuellement.*
3. *Le moien de viure, considerant les malheurs de la terre, & la meschanceté des hommes?*
4. *Helas! que ie souhaite d'estre là où sont mes peres: car ce seiour infortuné me fait mourir sans cesse.*
5. *Ou corrigez les hommes, mon Dieu, ou bien ostez moy de ce monde.*
6. *Dieu me poursuit, les hommes me poursuient: mais ie me donne à Dieu.*
7. *Tous mes desirs sont de voir Dieu vne fois en ma vie, en attendant l'eternité: car la veüe des creatures remplit mon cœur de cent mille amertumes.*



S. IOANNES BAPTISTA

Saluatoris præcursor, Eremitarum
exemplar, Monachorum magister, in eremo
nutritus, in eremo vixit. Martyrio
afficitur a. Christi 31.

C. Galle sculp. T. Galle aedid.
Cum privilegio.



II. S. IEAN BAPTISTE.

VOicy le premier homme du monde, regardez le bien: car depuis Adam homme du monde n'est nai d'aucune femme, qui ait esté plus grand que lui. Il est filz de la grace plustost que de la nature, puis qu'une mere sterile l'a enfanté, l'Archangel l'a annoncé, & que veritablement il est nai parmi les miracles. Il fut sanctifié deuant que d'estre enfanté: il prophetisa deuant que sortir du ventre de sa mere, & il adora le petit Messie deuant que de saluer le soleil, & voir le monde. Il naquit l'an du monde 5199. & Herodes regnant. Il fut filz de Zacharie des descendants d'Abia, & d'Elisabeth de la tribu d'Aaron: tous deux sans reproche. Son nom fut Iean, que le ciel lui imposa par la bouche de l'Ange. Tout le voisinage receut vne ioye incroyable à sa naissance. Il fut visité de Iesus Christ deuant que d'estre nai, & de la tressainte Vierge Marie: & tout cela fut plein de mysteres; le saint Esprit remplissant le pere & la mere. l'Abbrege de sa vie consiste en dix faueurs du ciel.

1. Il fut annoncé au monde par le mesme Ange Gabriel, qui fut enuoie à la tressainte Vierge Marie pour lui annoncer Iesus Christ son filz, & l'Incarnation: mais ce fut deuant le Sancta sanctorum, & dans le temple parmi les sacrifices, que Iean fut annoncé; & ce fut dans vne pauvre chambrette qu'il annonça Iesus Christ nostre maistre.

2. Il ne fut pas sanctifié seulement dans le ventre de sa mere, comme d'autres, mais rempli du S. Esprit.

C 2

3. II

3. Il faut de ioye dans le ventre de sa mere, & adora la diuinité du petit Iesus, & honora sa sainte Mere: chose inouie au monde.

Damian.
serm. de
S. Ioañne
Baptista.
Surtus.

4. En naissant il fit naistre la ioye au monde: car tout le voisinage s'en ressentit, & l'Eglise iadis laissoit dire trois Messes ce iour là, comme à Noël. Damian dit que quelques vns asseurent, que nostre Dame le prit en ses mains incontinent apres sa naissance. Si cela est vray, quel bonheur d'estre tombé en si bonnes mains que cela! Tout le monde pleure en naissant, & il rit quand le petit Iean vient au monde; aussi est ce miracle de voir naistre vn Ange des hommes.

5. Estant encor enfant, le saint Esprit le mena au desert pour en faire l'idée des Hermites, & des Religieux; soit de son propre mouuement, soit par la main de sa mere. Là il fit vne vie d'vn Ange sans manger, sans boire, ce dit Iesus Christ; & sans vestir, adiouxt S. Bernard: car le miel sauuage & les sauterelles ne sont non plus viandes; ni la rosée du ciel, & de l'eau claire, la boisson, qu'vn cilice n'est pas vn vestement. Trente ans durant ou enuiron il fit vne vie d'vn Serafin; mais hélas! tout cela est caché, & c'est la plus belle partie de sa vie. Quelle virginité! quel silence! quels colloques avec Dieu! quelles contemplations! quelles visites des Anges! tant ya, on l'appelle Ange, plus qu'Ange, Elie, Prophete, plus que Prophete, precurseur de Dieu, la voix du Verbe, Apôstre du Pere eternal, trompette du saint Esprit. & Damian dit qu'il faut dire, *Non surrexit maior Ioañne Baptista in choro Seraphinorum.*

6. A l'aage de trente ans il sort du desert, il commence à prescher,

prescher, avec vn stile si haut, & vne reputation si grande, qu'il ne tint qu'à lui qu'il ne fut tenu pour Messie. Herodes mesme le craignoit. La sainteté de sa vie le mettoit en grande veneration. Il baptisoit tout le monde dans le Iordain.

7. Il est choisi pour estre precurseur du Messie, & mesmes pour le baptiser. il se defendit tant qu'il pût: mais en fin l'obeissance surmonta son humilité. il vit le saint Esprit, les Anges, & le paradis mesme.

8. Ce fut le premier qui eut plus de conoissance de la Tressainte Trinité, il ouit la voix du Pere dans la nuée, il vit le Filz dans le Iordain, & le saint Esprit dans la colombe.

9. Il fut canonisé tout vif par la bouche de Iesus Christ, qui dit que c'estoit le premier homme du monde, vn Ange, Elie, plus que Prophete; cependant les Apostres estoient desia au monde, dit S. Augustin: car le Sauueur le prefera à tous les hommes. Il assembla des disciples, & il fit comme vn seminaire d'Apostres de Iesus Christ.

10. Apres auoir esté vierge, Apostre, Prophete, Patriarche, Hermite, Predicateur, Euangeliste, Ange, Serafin, en fin il fut Martyr: car Herodes le fit decapiter à la sollicitation d'Herodias, & à la demande de sa fille qui auoit danlé le iour de sa naissance en presence de ceux qui estoient au festin. Il fut decapité en prison, enseveli par ses disciples. Et est à remarquer, que l'Eglise qui est la mere des Eglises, à scauoir S. Iean de Latran, est dediée à ce glorieux precurseur de Iesus.

*Damian.
serm. de
S. Ioaime
Baptista.*

IL SOVLOIT DIRE:

- Mat. 3.* 1. Nunc gaudium meum impletum est, quia illum oportet crescere, me autem minui.
- Mar. 1.*
- Ioan. 3.* 2. Ego sum vox clamantis: Parate viam Domino.
- Luc. 3.* 3. Venit fortior post me, cuius non sum dignus procumbens soluere corrigiam calceamentorum eius.
4. Facite fructum dignum pœnitentiæ. Potens est Deus de lapidibus istis suscitare filios Abrahæ.
5. Ego à te debeo baptizari, & tu venis ad me?
6. Ecce agnus Dei, ecce qui tollit peccatum mundi. Et vidi, & testimonium perhibui, quia hic est filius Dei.
7. Tu es qui venturus es, an alium expectamus?
8. Amicus sponsi, qui stat, & audit eum, gaudio gaudet propter vocem sponsi.
9. Non potest homo accipere quidquam, nisi datum ei fuerit de cælo.
10. Qui credit in Filium, habet vitam æternam.

LES MOTS DOREZ DE S. IEAN:

1. *Ma ioye est au comble, puis que Iesus mon maistre croit tous les iours, & moy ie diminiue.*
2. *Je ne suis rien qu'une voix qui crie dans les deserts, qu'on se prepare pour recevoir le Messie.*
3. *Je ne suis pas digne de deslier les sandales, helas! & on me prend pour Messie.*
4. *Rendez vous dignes de Dieu, car il peut tirer de ces cailloux, des enfans d'Abraham.*
5. *O Iesus est ce vous que noz cœurs desirent? ou s'il nous faut esperer quelque autre?*

III. IESVS CHRIST
NOSTRE SEIGNEVR.

LE Fondateur des Fondateurs de Religion c'est le doux Agneau, & le Seigneur Iesus. Sa vie diuine a esté le pretieux miroir où on a veu l'eminence de la vie reguliere, & sa tressainte parole ç'a esté l'oracle qui a peuplé les deserts d'Hermites, les cloistres de Moines, & les Religions de Religieux de toute sorte. L'Essence de la Religion consiste aux vœux de pauvreté, chasteté & obeissance. Nul homme sous le ciel n'a iamais gardé cela plus souuerainemēt que le Verbe incarné. La pauvreté, parce que outte qu'il est nai dās vne estable empruntée, qu'il est mort tout nud sur vne croix infame pour lors. durāt le cours de sa vie diuine, iamais il n'a eu rien. Lui mesme a dit, Les petits oyseaux du ciel encor ont ilz leurs pauvres petits nids dans les arbres, & font leurs pouffins sur ces lits mollets de duuet ramassé, & de brins de paille choisie; & les renards ont chacun sa taniere; mais le pauvre filz de l'homme n'a pas seulement vn caillou comme Iacob, qui puisse seruir d'oreiller pour reposer sa teste. La chasteté fut en lui si virginale, & la pureté si transcendante, que le soleil n'est pas plus luisant, ni la neige plus blanche que sa diuine humanité. & possible que l'vn des grands torments qu'il souffrit à sa mort, fut de se voir mourir tout nud, à midy, deuant vn million de personnes. le soleil voiant la honte qu'il auoit, se courrit de honte pour le couvrir du voile de la nuit, & s'eclipsa; & la lune ensanglantant en fit tout de mesme. L'obeissance fut en lui si sureminente, que pour ne perdre point vn grain

D

d'obeis-

d'obeissance, il aima mieux perdre la vie, & verser iusqu'à la dernière goutte de son précieux sang. De trente quatre ans de sa vie, il y en eut trente passés dans le sein virginal de l'obeissance, & on ne sçait pas ce qu'il fit, si non qu'il obeit, & puis c'est tout. *Et erat subditus illis.* Il creut que l'obeissance valloit autant que tous les miracles, tous les sermons, toutes les conuersions qu'il eut peu faire. Les trois ans derniers de sa vie ce ne fut que pour obeir à son

Ioan. 3. Pere. *Hic est enim cibus meus, vt faciam voluntatem eius qui misit me, Patris.* Voila l'abregé de toute ma vie, & la viande de laquelle ie me nourris, & voila mon pain quotidien, c'est de faire absolument la volonté de mon Pere, & obeir punctuellement à tous ses commandements. Pour les autres exercices de la Religion, il les practiqua diuinement; il passoit & perçoit les nuits en l'oraison, & dans les diuines contemplations; il passa les quarante iours entiers dans l'hermitage, & dans vn ieune perpetuel; il prescha incessamment, & ne vaquoit qu'à gagner les ames à Dieu son Pere; il alloit par tout où il y auoit vne ame à gagner: la Samaritaine, la Magdaleine, la Chanañée, les enfans, les pecheurs, les malades, les hospitaux, & la piscine, la mer & la terre, les villages, les villes, tout estoit consolé de sa presence, & instruit par sa parole tout-puissante. Tellement que toutes les Religions, solitaires, actiues, & celles qui embrassent l'vne & l'autre vie, voient en la vie du Seigneur Iesus l'idée de la vraye Religion, & de toute la sainteté, qu'on se pourroit représenter, & imiter en ce bas monde. Tellement que S. Cyprien appelle la Religion vne des belles fleurs de l'Eglise de Iesus Christ, & l'vne des riches pieces de ses sacrez thresors. Heureux helas! qui
le

le peut imiter, & lui estre fidele en lui rendant ses vœux.

LES PAROLES
DE IESVS CHRIST,
QVI ONT FONDEES TOVTES
LES RELIGIONS.

1. *Qui amat patrem aut matrem plus quàm me, non est me dignus.*
2. *Qui non odit patrem & matrem, insuper & animam suam, non est me dignus.*
3. *Ecce nos reliquimus omnia, & secuti sumus te, quid ergo erit nobis? omnis qui reliquerit patrem, &c. centuplum accipiet in hac vita, & vitam aeternam possidebit.*
4. *Qui non accipit quotidie crucem suam, & sequitur me, non est me dignus.*
5. *Si vis perfectus esse, vade, vende omnia quae habes, & da pauperibus, & sequere me: & habebis thesaurum in caelo.*
6. *Qui non nubunt, neque nubentur, erunt sicut Angeli Dei.*
7. *Non potestis seruire Deo & Mammona: nemo potest duobus dominis seruire.*
8. *In mundo pressuram habebitis, sed confidite, quia ego vici mundum.*
9. *Beati eritis, cum vos oderint homines, & persecuti vos fuerint propter me, gaudete & exultate: ecce enim merces vestra copiosa est in caelis.*


1. Qui aime son pere ou sa mere plus que moy, il n'est pas digne de moy.
2. Quiconque ne hait pas son pere, sa mere, & son ame, il n'est pas digne de moy.
3. Qui laissera tout pour moy, il aura le centuple en ce monde, & paradis au bout.
4. Celui qui ne prend point sa croix tous les iours, & qui ne me suit pas, il n'est pas digne d'estre mon seruiteur.
5. Si tu veulx estre parfait, vend tout, donne le aux pauvres, & suis moy, & tu auras vn thresor dans le ciel.
6. Ceux qui ne se marient point sur la terre, seront des Anges sur le ciel.
7. Vous ne scauriez seruir à deux maistres, à Dieu & au diable.
8. Vous serez pressez dans le monde, confiez vous en moy, car ie l'ay surmonté.
9. Vous serez bienheureux, quand pour l'amour de moy on vous accablera d'iniures, à l'heure resiouissez vous, car vostre recompense sera tresabondante dans le ciel.



S. MARIA

Dei Mater et virgo, Religionum
patrona, Sanctimonialium primiceria,
perfectioris Evangelicæ speculum
norma, assumpta est in caelum anno
post partum suum virginem 48.

C. Galle sculpit. T. Galle fecit. non privilegio



51

IV. LA TRESSAINTE VIERGE,
MERE DE TOVTES LES RELIGIONS,
ET LE MIROIR DE PERFECTION.

LA vic sureminente de la glorieuse Mere de Dieu est la vraye idée de toutes les Religions. C'est la premiere qui a fait vœu de virginité au temps mesme que c'estoit quasi vne espece de malediction. Sa pauureté a esté extreme, puis qu'elle ne peut pas mettre le Verbe incarné mieux que dans vne estable, & encor empruntée, ni le racheter qu'avec deux pauvres colombes, & tousiours a rendrement aimée & la pauureté, & propriété sainte, mais non pas la propriété. De l'obeissance à Dieu, à son filz, à son cher espoux il se peut dire, qu'elle estoit la plus parfaite apres son filz, qui se soit iamais veüe sur la terre, & possible dessus le firmament. On l'a tant de fois veüe avec vn grand manteau royal tenir sous les pans de sa robbe toutes les Religions, les embrassant d'un amour maternel: qu'on ne peut pas doubter, que comme Iesus Christ est le pere de ces saintes familles, qu'elle aussi n'en soit la bonne mere. En effect c'est elle, qui leur donne le lait de la deuotion, & qui les nourrit de la manne des graces de Dieu, qu'elle leur obtient de la misericorde infinie de la Tres-sainte Trinité. De rechef il se peut dire, & il est vray, qu'elle a ou enfanté tous les Ordres, ou qu'au moins elle les a maintenez sous l'aïsse de sa protection maternelle. Les
Chiar-

Chartreux eussent ensepueli dans les neiges de la Charteuse, le feu de leur charité de leur Ordre sans elle, & ces Venerables Peres n'oublient pas ce bien fait. S. Dominique & S. Francois furent donnez par elle à Iesus Christ, qui vouloit perdre le monde. Elle espousa Robert Fondateur de Cisteaux avec vne bague d'or, & donna de son lait à S. Bernard second Pere de ce saint Ordre, & toutes leurs maisons portent le nom de nostre Dame. S. Benoit, S. Norbert, S. Albert, S. Hierosme, S. Augustin, bref tous les autres, & en particulier la Compagnie de Iesus & de Marie a cette obligation si particuliere à la sainte Mere de Dieu, que nul Ordre ne subsisteroit possible aujourdhuy dans l'Eglise sans la manutention de cette Emperiere du ciel & de la terre. Et certainement tandis que la deuotion enuers la sainte Vierge Marie est fleurissante dans les Religions, on remarque à veüe d'œil que la sainteté y fleurit, & qu'elles sont abondantes en biens du ciel & de la terre. Derechef quand quelque Ordre commence à relâcher la rigueur de sa discipline, & que tout panche à la ruine, il n'y a ni meilleur, ni plus doux, ni plus puissant moyen de le restablir, que d'auoir recours à elle, & lui offrir quelque nouvelle deuotion. D'abondant S. Francois, S. Dominique, S. Benoit, S. Bruno, S. Ignace, tous les Saints vous diront, que durant les orages des persecutions, qui veulent deuorer ces familles dediées à Iesus Christ, il n'y a nul moyen plus prompt, ni plus puissant pour soustenir l'effort de la tempeste, & surgir au bon port, que l'assistance particuliere de cette souueraine Dame. Puis que donc on scait bien que c'est elle qui mene par la main les hommes à la Religion, qui les y conserue si soigneusement &

avec

avec tāt de tendresse maternelle, & qui les fortifie à l'heure de la mort, & comme dit S. Bernard, c'est l'eschelle par où les Religieux montent en paradis. Est il pas raisonnable qu'elle soit icy parmi les Fondateurs, puis qu'elle est mere & Fondatrice des Fondateurs mesme?

CE QUELLE A DIT EN

CE MONDE:

Elle a tant fait, & si peu dit en ce monde, que nous n'en scauons quasi rien. O si nous pouuions scauoir ses pensées, ses maximes, ses discours avec Dieu! quel thresor pour noz cœurs?

ELLE DIT:

1. *Cogitabat apud se, qualis esset ista salutatio Quomodo fiet istud? Ecce ancilla Domini, fiat mihi secundum verbum tuum.*
2. *Conseruabat omnia verba hæc, conferens in corde suo.*
3. *Fili, quid fecisti nobis sic? Ecce pater tuus & ego dolentes querebamus te.*
4. *Magnificat anima mea Dominum, quia respexit humilitatem ancille sue, &c.*
5. *Fecit mihi magna qui potens est. Fecit potentiam in brachio suo.*
6. *Fili, vinum non habent.*
7. *Facite quodcumque dixerit vobis.*

E

i. Quel

1. Quel salut est-ce cy? Ange à qui parlez vous? scauez vous pas que ie dois estre vierge? comment est ce que tout cecy se doit executer?

2. Au milieu de son cœur elle ruminait les paroles de Iesus son filz bien aimé.


3. Helas! mon filz pourquoy nous traitez vous de la sorte? vostre pere & moy auons pensé mourir de douleur.

4. Toute mon ame magnifie mon Dieu en tout, & par tout.

5. Ha! que le Tout puissant m'a fait de choses grandes! Il a eu commiseration de ma bassesse, c'est pourquoy il a pris plaisir de me faire des misericordes si excessiues.

6. Mon cher filz, & mon sauueur, ces pauures gens n'ont plus de vin: aiez pitié de leur misere.

7. Faites tout ce que mon filz vous dira, il fera tout ce que vous desirerez.




S. PAVLVS

Decimo sexto aetatis anno persecu-
tionem fugiens, in eremum se abdidit.
Vixit ad centesimum decimum tertium
solitarie viuens, Anachoretice vitae
mitum dedit. Obijt anno 343.

C. Galle sculpsit.

T. Galle exc. cum priuilegio.



VI. S. PAUL PREMIER HERMITE.

Ce venerable vieillard vous dōne t'il pas de la deuotion, seulement voiant en peinture le premier homme du monde qui ait ozé viure les cent ans dans l'horreur effroiable des solitudes abandonnées des hommes? A vray dire il n'est pas Fondateur de Religion, parce qu'il n'eut point de disciples, & il se contenta d'estre de la confrairie des Anges où Dieu seul presidoit. Mais son exemple a fondé les monasteres, & a ouuert les deserts pour les peuples de saints Hermites.

Il naquit cet homme de Dieu enuiron l'an de Iesus Christ 230. & mourit l'an 343. & vescu 113. La furieuse persecution soubs Dece & Valerian fit vn nombre innombrable de Martyrs: S. Cyprien & S. Corneille Pape furent mis à mort, Origene souffrit vne quantité de suplices, les sept Dormants se cachèrent dans vne cauerne, où ilz furent enuiron 200. ans ou viuants & dormants par miracle de Dieu, ou dormants du sommeil de la mort: & 200. ans apres leurs saints corps furent trouuez. Grand nombre de Chrestiens craignant l'effort de la persecution, se ietterent dans les deserts; entr'autres le petit S. Paul aagé de quinze ans quand ses parents moururent, & de 23. quand il quitta le monde, fut forcé de se ietter dans les deserts, partie par la tempeste publique des persecuteurs, partie par la domestique & les meschancetez de son beau frere, qui vouloit deuorer sa substance. Nostre Seigneur l'attendoit au paradis de cette solitude, & lui auoit préparé vn hermitage dans le ventre d'vne montagne, où il auoit planté vne pal-

*Dionys.
Alex. Ba-
ron. anno
253.
Hieron.
in epist.
& in vi-
ta Pauli.*



me tresbelle, & fait couler vn ruisseau d'eau tresclaire. Ce ieune homme conduit là comme par la main de Dieu fit là son seiour, & y acheua sa vie, & fut enuiron cent ans sans voir homme du monde, ni estre iamais veu de personne. Les Anges, & les rochers sont les seuls tesmoins de ses larmes, de ses austeritez, de ses rudes combats contre les diables qui lui firent mille maux, & qu'il domta fort glorieusement. Nous ne scauons rien de sa vie, sinon par ce peu que S. Antoine en dit, & ce que S. Hierosme en laissa par escrit. Tous les iours vn corbeau lui portoit la moitié d'un pain. de vous dire où il le prenoit, où demeurait l'autre moitié, & quel pain c'estoit, de vray ie ne vous le scaurois dire: mais ie scay bien qu'on le pouuoit appeller le pain de Dieu. Tant y a que 60. ans durans cela fut. Pour le reste il est vray semblable qu'il vescu des dattes du palmier, des racines, & qu'il ne beuuoit que l'eau toute claire. Il se façonna vne haire de feuilles du palmier, dont il couurit son corps. helas! que ne scauons nous ses deuotions, le train de sa sainte vie, sa psalmodie, ses contemplations, les visites des Anges, l'estat de son cœur! S. Antoine aagé de 90. ans fut inspiré de l'aller voir: quand il arriva là, S. Paul lui ferma la porte, craignãt possible que ce ne fut quelque monstre de la forest, ou plustost pour exercer le zele de S. Antoine, qui dit qu'il mourroit là s'il ne lui ouuroit la porte. en fin il ouurit: ilz s'embrasserent, & se salüerent par leur noms, & ilz penferent mourir de ioye. Ces deux Serafins parlerent de mille choses, sur tout de l'eternité & de Dieu. Les grosses larmes leur tomboient des yeux. Au millieu du discours voilà le corbeau, qui vint sur leurs testes, & porta vn pain tout entier. S. Paul le prit,

prit, & remercia Dieu, qui auoit redoublé la prebende à la venue de son nouuel hofte. Là donc au bord de la fontaine ils firent le festin innocent des Saints : puis benissant nostre Seigneur, ilz passerent la nuit en louant le bon Dieu, & mettant le paradis sur la terre. Tout à coup S. Paul va dire, Mon frere allez, ie vous prie, prendre le manteau que l'Archeuesque Athanase vous a donné, car i'en ay à faire. S. Antoine bien estonné, & marri, qu'il le faillit quitter, obeit simplement, & commença à courir. Il arriva à son desert, pleurant sans cesse: & il ne dit mot à ses Religieux, sinon avec de grands sanglots, Ha! dit il, i'ay veu vn saint, hélas! & ie suis si miserable. Il prend le manteau, s'enuole à la cauerne, vid en chemin l'ame de S. Paul portée par les Apostres & les Anges dans le ciel. Cela lui fit redoubler le pas: mais arriuant il vid Paul à genouil, il s'agenouilla tout aupres: mais comme Paul ne souspiroit plus à sa coustume. il creut qu'il estoit mort; il le prit, il plora, il le baïsa cent fois, il l'enueloppa du manteau d'Athanase. deux lions coururent pour faire vne fosse, & gratter la terre: puis baïssant la teste, comme demandant la benediction, s'en retournerent dans les pais des forests. S. Antoine dit quelques pseumes, ensepuelit le Saint, prit sa tunique de palmiers, & la porta toute sa vie les iours de Pasques & de Pentecoste, & auoit tousiours Paul au cœur, & à la bouche. Cè pretieux depost a depuis esté recouré, & porté à Venise, où il est encor auourd'huy.

Baron.

an. 343.

n. 1.

NOVS

NOVS NE SCAVONS PAS CE QV'IL DISOIT,
MAIS I'OZE CROIRE QVE MILLE ET MILLE FOIS IL DIT:

1. *Quid prodest homini si vniuersum mundum lucretur, anime verò sua detrimentum patiatur?*

2. *Quid mihi est in celo: & à te quid volui super terram? Deus cordis mei, & pars mea Deus in aeternum. Psalm. 72.*

3. *Ecce elongaui fugiens, & mansi in solitudine.*

4. *Omnia arbitratus sum vt stercora, vt Christum lucrifaciam.*

5. *Absit mihi gloriari, nisi in cruce Domini nostri Iesu Christi, per quem mihi mundus crucifixus est, & ego mundo.*

6. *Ducam eam in solitudinem, & loquar ibi ad cor Ierusalem.*

7. *Non enim existimaui me aliquid scire, nisi Iesum, & hunc crucifixum.*

8. *Mihi viuere Christus est, & mori lucrum.*

1. Que gagneroit l'homme, si gagnant l'vniuers, il venoit à perdre son ame?

2. Dieu de mon cœur, qui at il sur le ciel, ou sur la terre, qui ie desire que vous seul?

3. Je me suis escarté des embarras du monde pour espoufer la solitude.


4. L'estime tout ce monde autant que du fumier: viue Iesus, ie n'aime rien que lui.

5. Dieu me garde de me glorifier en rien du monde qu'en Iesus Christ crucifié: car ie suis mort au monde, & le monde aussi est mort pour moy.

6. Je conduirai l'ame au desert, & là ie parlerai au cœur de Ierusalem.

7. Iamais ie n'ay rien sceu, ni voulu scauoir, que Iesus crucifié.

8. Ma vie est Iesus Christ, & mourir pour Iesus, ce sont mes plus cheres delices.




S. ANTONIVS

Egyptius nobilis, monachis in vnum coactis,
condatisq; monasterijs, cōmunem vitam restituit,
ac cœnobiticæ vitæ in eremo iecit fundamenta.
Migravit è vita a. Christi 358. Ætatis suæ 105.

C. Galle sculp.

T. Galle exc. cum privilegio.



VI. S. ANTOINE PATRIARCHE
DES HERMITES.

TOus les malins esprits enragent contre ce ieune Hermite, qui a esté si hardy que d'assembler quasi le premier des Moines dans l'horreur des deserts, pour faire sur la terre ce qu'ilz n'auoient sceu faire dans les delices du paradis. C'est Antoine qui naquit l'an de Iesus Christ 200. & tant, en Come bourg d'Egypte: il demeura orphelin en l'aage d'environ vingt ans. Aiant oui lire dans l'Eglise ces paroles de Christ, *Si tu veux estre parfait, vends tout ce que tu as, donne le prix aux pauvres, &c.* il donna vne partie à sa sœur, & le reste de ses biens. il le distribua aux pauvres, puis il se retira dans l'horreur des deserts. Il y auoit quelques Hermites semez comme des estoilles dans cette solitude, mais ilz viuoient chacun separement: ce ieune solitaire les alloit visiter, & imita si bien leurs vertus, qu'en bref il remplit les hermitages d'vne douce odeur de sainteté bien grande. Le diable creuoit d'enuie, & fit tous ses efforts pour estonner ce saint garçon; mesme assemblant vn regiment de malins esprits, apres auoir sifflé, hurlé, estonné d'horribles cris, ilz le penserent assommer de coups. quãd il fut vn peu reuenu de l'esuanouissement, où les cruels suplices l'auoient reduit; soupirant doucement il dit, Ha, doux Iesus où estiez vous quand l'enfer m'accabloit de peines: le Seigneur Iesus respondit, l'estois icy pour te secourir, mais ie prenois plaisir à te voir cōbattre si genereusement. Le diable se transforma en mille figures pour l'espouuanter: mais le saint Hermite s'en moquoit, & desffoit,

& lui, & toute la racaille d'enfer. Il redoubla ses martyres ordinaires & l'austerité de sa vie. il perçoit les nuits en oraisons, & se plaignoit du soleil qui lui venoit donner aux yeux à la fin de sa priere, qu'il auoit commencée au soleil couchant; il mangeoit vn peu de pain avec du sel, & beuuoit de l'eau yne fois le iour apres le soleil couché; il estoit couuert de cilice, & dormoit sur la terre, ou sur des ioncs bien rudes; il ieusnoit tousiours, il passoit les trois iours sans manger. Quand vne armée de demons le tenoit assiegé, & le menacoit de mille maux; Ha! disoit il, que vous estes foibles, puis que vous estes tant contre vn ieune garçon, qui vous desfie tous, tant que vous estes! puis que Dieu est avec moy, ie ne craind plus rien en ce monde. Il se retira dans vn vieil chasteau ruiné, où il fut vingt ans enfermé dans vne caue, vn garçon lui portoit tous les ans deux fois seulement vn peu de prouision de pain, & lui iettoit par vn souspirail: & il ne vid durant ce temps là que Dieu, les Anges, & les images de toutes les vertus. La sainteté perçe les rochers, & penetre tout. On sentit l'odeur de sa vie Angelique par toutes ces contrées, & on couroit à cette caue, comme à vn reliquaire, où estoit enchassé vn corps saint. On le coniueroit de toucher les malades, & d'instruire les ames. Dieu & les hommes le firent en fin sortir de ce paradis terrestre. On croioit de voir sortir vn squelete d'vn tombeau, & on fut rai d'aïse le voiant frais, beau, & aimable comme vn Ange du paradis. Il establit vne vie commune des Moines viuants en communauté, & ces deserts en moins de rien furent tous peuplez d'Ange ou d'hommes Angeliques: les maximes qu'il leur donnoit se diront à la fin. Il brusloit d'ardeur & de soif du martyr: il
fit

fit tout ce qu'il peut pour l'estre en Alexandrie, & accompagnoit ceux qu'on menoit au suplice & au martyre, esperant qu'on le ioindroit aux autres. Dieu lui reseruoit vn long martyre, & falloit qu'il fut Pere des Moines, des Martyrs, & des Confesseurs, qui valent bien des petits Martyrs. Son nom faisoit peur au diable, & le chassoit; il souffrit mille assauts des demons, & il se moquoit d'eux, disant: Je suis seruiteur de Iesus Christ, faites ce qu'il vous commande, tenez, deuorez moy, s'il le veut de la sorte. A ce mot ilz s'esuanouissoient honteusement. Il estoit chaste & modeste comme vne tendre pucelle. Entremille moines on l'eut reconnu à cause de sa modestie virginale, & douceur angelique. Il auoit en horreur l'heresie d'Arrius: & il se prosternoit deuant les Prestres demandant humblement leur benediction. Les Empereurs lui escriuoient, & se recommandoient à ses prieres. S. Athanase se glorifioit de l'auoir autrefois serui, & lui porté de l'eau à sa cellule. Didyme aueugle le vint visiter, lui tesmoignant la douleur qu'il auoit d'estre aueugle. Ha! dit le saint Hermite, hélas! pourquoy sentez vous tant la perte d'une chose qui nous est commune avec les fourmis, & vous ne remerciez pas Dieu de la veüe de l'esprit semblable à celle des Anges du paradis? Sa façon de gouverner estoit avec vne douceur si puissante, qu'il faisoit tout ce qu'il vouloit de ses Moines. Fuiant les honneurs qu'on lui rendoit à cause de sa sainte vie, & de ses miracles; il s'eclipça, & s'alla cacher ou enseuelir plustost dans vn rocher où estoient vne infinité de serpens, & de bestes venimeuses. il chassa toute cette vermine, &

jouissoit là d'une tranquillité incomparable. Ses disciples
 le chercherent tant, qu'en fin ilz le trouuerent, & le ra-
 menerent pour le bien de ses enfans, qui l'aimoient com-
 me leur bon Pere, & l'honorioient comme vn Archang-
 ge du paradis. Il fit le pelerinage pour aller voir S. Paul
 Hermite, comme ie vien de dire: & l'Eglise a eu vne telle
 creance à sa parole, qu'à son seul rapport ell'a tenu S. Paul
 pour vn saint. Il escriuit diuerfes lettres pleines d'une elo-
 quence du ciel; on tenoit ses lettres comme des reliques.
 En fin il eut reuelation qu'il mourroit en bref. Il s'y pre-
 para, comme on se peut imaginer; quoy qu'il fut tousiours
 plus prest à mourir qu'à viure. Par son testament il le-
 gua à S. Athanase vn manteau de poil de cheure, & lui
 rendit vn vieux manteau, que iadis saint Athanase lui auoit
 donné. Il legua vn autre saye de poil de cheure au celebre
 Euesque Serapion: en fin il laissa son cilice à ses disciples;
 & ordonna que son corps fut enterré en lieu caché, de
 peur que les Égyptiens par simplicité ne lui rendissent de
 l'honneur. Il donna de bons aduis à ses enfans. Puis tout
 estant consumé, il ioignit ses pieds sur sa couche, & vit ve-
 nir la mort d'un visage riant, parce qu' avec la mort il vit
 Iesus Christ, & la sainte Mere & les Anges, qui vindrent
 pour enleuer son ame sainte au ciel. Il mourut donc l'an
 358. de Iesus Christ, & le 105. de son aage, le 17. de Ian-
 uier. Son corps apres fut trouué, & honoré, puis trans-
 porté en France au lieu appellé de son nom S. Antoine
 de Viennois, pres de Vienne & de Grenoble, où il y a le
 General & le chef d'Ordre de S. Antoine, & où ce sacré
 corps a fait quantité de miracles, sur tout pour guerir
 ceux qui sont incommodéz du feu sacré. Sa vie escrete
 par

par S. Athanase fut cause de la conuersion de S. Augustin, & des Religieux Cenobites, qui commencerent à s'establiir par l'Italie apres auoir leu sa vie portée à Rome par S. Athanase. Mon Dieu que ce simple Hermite condamnera bien de gens scauants en l'autre monde! Toute sa science ne consista qu'en deux points, à scauoir d'aimer Dieu de tout son cœur, & de ne faire nul estat du monde. l'autre estoit de viure en sorte, qu'il pût en fin gaigner le royaume des cieux. Qui scait bien cela, il scait tout; mais qui ne scait pas cela, il se peut dire qu'il ne scait rien, quand mesme il scauroit tout ce qui se peut scauoir en ce monde.

SES

SES MAXIMES ESTOIENT:

1. *Qu'il falloit faire estat de n'auoir encor rien fait, & de recommencer tous les matins.*
2. *On peut trouuer paradis en tout lieu, moiennant que le cœur de l'homme soit dans le cœur de Dieu.*
3. *Le diable craind infiniment les bonnes prieres, la vraye humilité, & la charité bien fidele.*
4. *Pour estre bien tost parfait, il ne faut que deux points. A scauoir de croire qu'on a commencé de seruir Dieu aujourdhuy, & qu'aujourdhuy c'est le dernier iour de nostre vie.*
5. *Le plus puissant moien de surmonter le diable, & les vices, c'est la ioyecordiale, & la presence de Dieu.*
6. *La maistresse des vertus c'est la discretion.*
7. *Le plus grand de tous les miracles, c'est la profonde humilité.*
8. *L'homme peut tout qui se desfie entierement de soi mesme, & se confie absolument en Dieu.*
9. *Il n'y a rien de si puissant, qu'un cœur qui aime Dieu bien solidement, & ne fait nul estat de tout l'uniuers.*

VII. S. BASILE.

SI vous voiez la sainteté du cœur, comme vous voiez la maiesté du visage, vous diriez que c'est icy le portrait de la sainteté. C'est pourtant le Grand S. Basile, Patriarche des Moines qui vivent en communauté. Il naquit en la prouince du Pont : son Pere se nommoit Basile, & sa mere Eumelie : ilz eurent dix enfans, & ce fut vne maison toute pleine de Saints, parmi lesquels le petit Basile estoit comme vn grand soleil. Il estudia à Athenes, avec S. Gregoire de Nazianze : & certes c'estoient les deux Cherubins qui couuroient l'arche de la sapsience diuine, & qui portoient l'Ange qui rendoit les oracles. Par l'inspiration de sa sœur sainte Macrine il quitta l'estude des lettres humaines, pour embrasser les diuines. Il se retira dans les deserts avec S. Gregoire de Nazianze, & ilz viuoient tous deux dans vne chaumine, & menoient là vne vraye vie d'Archanges. Ilz passoient les iours en prieres, en ieusnes, en austeritez, en diuines conferences, en contemplations eminentes : & là d'vne forte complexion, dont il estoit doué, il fit de son corps vn vray squelete, qui n'auoit que la peau cousüe sur les os. Il ne beuuoit que de l'eau, il ne viuoit que d'herbes : si c'est viure pourtant que de mourir de faim. Il voulut aller en Hierusalem, & là il voulut estre baptizé dans le Iourdain par les mains de l'Euesque Maxime : qui fut bien estonné, quand il vit tomber du

ciel vne boule de feu, & sortir de là vne colombe blanche comme neige, & toute l'assistance fut rauie en admiration. Viuant dans les deserts plusieurs Moines se ioignirent à lui, attirez par l'aimant & douces influences de sa fainteté eminente. Il dressa des regles pour ceux qui viuoient en communauté, & ioignit heureusement les contemplations de Magdelaine, avec les soings de Marthe. Et s'il n'a esté le premier fondateur des Cenobites, certes il en a esté legislateur, patron, & le principal auteur. Pour scauoir ce qu'il falloit faire, il ne falloit que regarder ce qu'il faisoit; car il estoit vne regle animée. Les heresies qui saccageoient l'Eglise, le firent sortir hors du paradis de sa solitude. Il alla en Antioche, où l'Euesque Velée le fit Diacre, comme Hermogene Euesque de Cesarée le fit Prestre. Or il preschoit si puissamment, qu'il fendoit les cœurs les plus opiniastrés, & gaignoit les affections de tout le monde. Vn petit bruit courut sourdement qu'on le deuoit faire Euesque: mais le saint homme fendit le vent, & à la faueur de la nuit se glissa hors la ville, & s'alla ensepuelir dās les deserts. Mais Dieu le ramena, & le contraignit de porter la croix, & de se laisser faire Euesque de Cesarée. S. Gregoire de Nazianze eut vn grand pouuoir sur son esprit, & apres Dieu ce fut lui qui lui mit la mitre sur la teste. Pour estrenner sa dignité Pastorale, il vendit tout ce qu'il auoit au monde, pour secourir la ville de Cesarée qui estoit accablée de faim & de miserés extremes. Il fit des homelies si diuines, & si penetrantes, qu'il menoit les ames où il vouloit, & s'estoit rendu l'Empereur des cœurs de tout son Diocese. Valens Empereur Arrien, & les heretiques enrageoient de se voir en teste vn si puissant ennemi. Je ne
scay

scay ce qu'ilz ne firent pas pour l'estonner, & pour le per-
 dre. Tous les iours ilz forgeoient d'atroces calomnies, tous
 les iours ilz parloient de feu, de fer, d'enfer; mais ce rocher
 faisoit creuer ces orages à ses pieds, & iamais ne branloit.
 Iulien l'Apostat fit tout ce qu'il pût pour l'attirer à son par-
 ti: mais le Saint ne fit comte de l'esclat de ses promesses.
 Iulien iura qu'à son retour de Perse il le feroit mourir: mais
 on dit que S. Basile pria si viuement nostre Dame d'arrester
 le cours de ce cruel tyran qui rauageoit l'Eglise de son filz,
 qu'un coup venu du ciel fit bien voir le pouuoir qu'auoit
 eu sa priere. Valens succedant à l'Empire, succeda pareil-
 lement à la rage de son predecesseur. Sollicité par les im-
 portunités des Arriens il voulut bannir, perdre, massacrer
 S. Basile, qui estoit adoré des peuples, & admiré du ciel &
 des Anges. Que ne fit il pas, pour en venir à bout? il fit
 brusler quatre vingt Prestres dans vn nauire en haute mer:
 il ordonna au Prefect Modeste homme cruel & sauuage
 de l'estonner de menaces: il enuoia des soldats farrou-
 ches pour lui faire peur, & le massacrer si le cas y escheoit.
 Je ne scay ce qu'on ne fit pas, pour briser ce cœur de dia-
 mant. Mais ce saint homme, qui estoit vn agneau parmi
 les brebis de son Diocese, estoit vn lion parmi les loups des
 heretiques. Valens alla en personne dans l'Eglise durant
 le diuin seruice: S. Basile ne se remua non plus qu'une sta-
 tue. Il sembla à l'Empereur de voir Dieu le Pere, & son
 throsne enuironné d'Archanges, quand il vid la maiesté
 de ce diuin Prelat, & le clergé qui sembloit vne Hierar-
 chie d'Anges. Il offrit de riches presents, pensant par là
 flatter S. Basile: mais ni lui, ni nul du clergé ne voulut seu-
 lement toucher du bout du doigt les offrandes d'un he-
 retique.

retique. Valens se despita, & se resolut de proscrire S. Basile, qui estoit inuincible, & qui seul dissipoit toute la faction Arrienne. Mais quand il fallut signer l'arrest de son bannissement, tout lui manqua, plume, cachet, la main, le bras perclus, & frappé de la iustice diuine: en fin bongré malgré, il fallut tout quitter, & laisser S. Basile en sa place. Le Prince filz de Valens tomba malade: l'Emperiere pria qu'on fit venir S. Basile: à son arriué l'enfant fut demi gueri. Valens fit entrer les Euesques Arriens: ilz le guerirét de tous maux: car l'enfant mourut sur le champ. Mais en fin le miserable Valens fut puni rigoureuſemēt: car fuiant vn iour apres vne bataille perdüe, il se cacha dans vne pauure chaumine, où il fut bruslé tout vif, & tout son Empire s'en alla en fumée. On ne scauroit croire les grands miracles que fit ce Prelat le non pareil. il arracha des mains des diables la cedula de ce miserable qui auoit signée de son sang sa damnation eternelle. Il conuertit ce medecin Iuif, qui iamais ne s'estoit voulu conuertir, & le propre iour de sa mort il se leua, s'en alla vers l'Eglise, le baptiza, & toute sa famille: cela fait, il s'en alla froidement se coucher au lit pour mourir. & n'est ce pas se iouier de la mort que mourir de la sorte: Le nombre des miracles, & des liures qui valent quasi autant que des miracles, & des actions miraculeuses qu'il fit, sont innombrables. S. Ephrem fut ravi en admiration voiant cette colonne de feu qui alloit iusqu'au ciel, & sa bouche tout en feu quand il chantoit au chœur, & ses discours de feu, & sa vie embrazée de charité. quand il embrassa ce saint Prelat, il creut d'embrasser vn Serafin de terre. Toute sa vie estoit quasi vn miracle continuel; ses propos, des oracles. il eut tant de pitié des pauures, qu'il ba-

stif

stit vn hospital si bien réglé, que S. Gregoire de Nazianze le
 nomme le huitiesme miracle du monde. Estant donc plein
 de merites, & de iours, & estât saoul de viure parmi nous, il
 vit venir à soy les Anges qui venoient querir son ame pour
 la porter au ciel. il la leur donna de bon cœur, & expira en
 disant ces paroles, Mon Dieu, ie vous recommande mon
 ame, & la consigne entre voz mains. Il mourut l'an 378. de
 Christ apres auoir esté Eueque 8. ans, six mois & seize
 iours, le 1. iour de Iulien, mais la feste se fait le 14. Iuin,
 le propre iour qu'il fut Eueque. Les iours que nais-
 sent ces sacrez Saints, n'ont point esté connuz à tout le
 monde, auant de leur mort: car c'est vne
 grande deloyance, par l'Eglise, de faire des pertes si

grandes.

SES

SES MAXIMES ORDINAIRES:

- Epist. 1. ad mon. laps. 1. Ozeriez vous bien promettre à Dieu tant de fois une chose, & ne la pas tenir, vous qui faites profession de ne rien promettre aux hommes, que vous ne teniez voz paroles?
2. Ne vous amusez point à disputer des grandeurs ineffables de l'adorable Trinité: mais imitez les bassesses de Iesus Christ, & sa humilité.
3. Il n'y a qu'une ioye au monde, qu'on trouve dans le sein virginal de la vertu. Et il n'y a qu'un seul subiect de tristesse à scavoïr le peché.
4. Le vray thresor du cœur c'est la vraye humilité. Tout sans cela n'est rien; rien avec cela, c'est tout.
5. Quiconque aime bien Dieu, peut il apres cela aimer la creature, & s'arrester à cela?
6. Voulez vous tousiours faire bien tout ce que vous faites? representez vous que Dieu vous regarde, & que lui & le bon Ange sont voŕ deux tesmoins ordinaires.
7. Faire tout, & croire de ne rien faire, c'est signe qu'on fait bien ce qu'on fait.
8. Ne vous tuez pas pour vous remplir l'esprit de sciences; mais aimez Dieu bien purement, & vous voila parfaitement scauant.

VIII. S. PACHOME.

CE saint vieillard de 110. ans qui a les yeux & le cœur
 collez au ciel, c'est le bon S. Pachome Pere de 8300.
 moines, & l'honneur les deserts. Ses parés estoient idolatres:
 ependât dez son enfance il estoit ennemi iuré des idoles,
 & le diable ne vouloit dire mot quand ses parens le menoi-
 ent au temple. Il fut gens d'arme en l'aage de vingt ans: mais
 voiant la charité des Chrestiens, il s'informa qui estoient ces
 gens là, qui auoient tant de soin des pauvres: & resolutement
 il voulut estre baptizé. La nuit de son baptesme il eut vn
 doux songe, car il lui sembloit que le ciel s'ouuroit, & qu'il
 distilloit de la manne sur sa main droite, & il ouit vne dou-
 ce voix qui dit, *Pachome ouvre les yeux & le cœur, & recois cette*
pluie des benedictions du ciel. L'abondance des graces le mit
 en appetit des friandises du ciel, & il sentit vn grand des-
 goust du monde. Il sceut qu'il y auoit vn vieillard fort se-
 uere & austere, mais vn grand seruiteur de Dieu: il alla
 hurter à sa porte, & vid sortir vn vieillard haue, hideux,
 aspre, qui d'une voix amere, & d'un visage refrogné lui de-
 manda assez brusquement qu'est ce qu'il vouloit dire, ven-
 ant ainsi interrompre le silence de sa solitude? Mon Pere,
 dit il, ie viens icy affin que vous m'appreniez à estre serui-
 teur de Dieu. Vrayement, dit il, vous m'avez bien la mine
 de faire ce qu'il faut pour estre Hermite. ce bon enfant
 plora tant, & le pressa si fort, qu'en fin il le receut. Dans peu
 de temps Palemon vid bien que le disciple surpasseroit le
 maistre: car ce ieune nouice faisoit vn progresz inëcroiable

au chemin de la perfection. Le vieillard le menoit rudement, pour briser ses volonte:z. Pachome estoit si feruent, qu'il ne sentoit point les pointes agües de la mortification. En peu de temps il deuint vn Ange par la sainteté de sa vie: il estoit eminent en toutes lès vertus. Vn iour estant à Tabenne dans vne profonde contemplation, il entendit vne voix qui lui dit, Pachome bastis icy vn monastere, & gouerne les Moines que Dieu t'enuoira selon la regle qu'vn Ange te dictera. En effect on lui offrit vn tableau où estoit la regle du ciel, que le saint Esprit lui auoit prescrite de mot en mot. Le saint ieune homme ne se fia point à tout cela, mais il consulta l'oracle, & communiqua le tout au bon Palemon son bon maistre: qui approuua tout cela, & lui dit qu'il suiuit le traict de Dieu, & qu'il le laissa faire. Cependant le saint vieillard tout concassé des rigueurs de sa vie, & de ses années passées, rendit son esprit dans le sein de son filz Pachome, qui l'inhuma, & l'arrousa de ses larmes cordiales. Puis il commença à penser à l'execution de l'Ordre receu du ciel.

De rien il commença à faire quelque chose, & à bastir vne espece de monastere sans auoir rien du monde. Son frere aîné, qui l'estoit venu voir, & s'estoit rendu compagnon de sa solitude, voiant cette entreprise qu'il iugeoit temeraire, le tansa si aigrement que rien plus. Dieu lui fit voir sa faute en peu de temps, & le toucha au vif, tellement qu'vne nuit toute entiere il ne fit que plorer, & demanda mille pardons à son bon frere. Or comme Pachome aduançoit fort l'affaire, & que les gens s'assembloient au serui ce de Dieu, l'enfer vomit mille monstres horribles pour effraier le saint Abbé, & lui faire quitter l'entreprise. Tantost

tost il voioit vn regiment de soldats qui marchoi-
 ent deuant lui, & crioient, Place place à l'homme de Dieu, place;
 tantost c'estoit vne danse de ieunes filles: puis il faisoit pa-
 roistre dix mille fantosmes. A tout cela Pachome ne faisoit
 que rire, & d'un signe de croix chassoit toute cette vermine
 d'enfer. Il auoit vn si grand ascendant sur les bestes sauua-
 ges, qu'il se ioüoit avec elles comme avec des moutons.
 Quoy que les gens vinsent à la foulle attiréz de l'odeur de
 sa vie se rendre moines, il les esprouoit trois ans entiers
 deuant que de leur donner l'habit de la Religion. Il estoit
 vn Decalogue viuant, & vne reigle animée, & sa vie estoit
 remplie de routes les vertus en eminence. Il estoit mort au
 monde, & sa sœur le venāt visiter, iamais il ne la voulut voir,
 de façon qu'elle se resolut de faire vn monastere de fil-
 les en ces mesmes quartiers: elle disoit, qu'au moins quand
 elle seroit morte, son frere l'ensepueliroit. Il ne souffroit
 nul murmure parmi les moines, ni tendresse vers les pa-
 rens, ni rien qui sentit les aulx d'Egypte. Il les faisoit viure
 comme des Anges dans vne grande simplicité, & scauante
 ignorance, car nul d'eux n'estoit Prestre; à la fin pourtant
 il en receut quelqu'un. Theodore aagé de quatorze ans
 aiant quitté vne grosse maison d'où il estoit sorti, se fit moi-
 ne. sa mere esperdüe l'alla visiter à dessein de le retirer. Pa-
 chome lui permit de la voir: l'enfant dit à l'Abbé: Mon
 Pere voulez vous respõdre pour moy au iour du iugement
 du scandale que ie donnerai à mes freres? Non dea, mon
 filz, ce fit Pachome, non ie n'en respond pas, & loüe bien
 fort vostre zele: mon filz n'y allez pas, vous me ferez plai-
 sir. en effect il n'y alla point: la mere piquée de cela se
 rengea avec la sœur de S. Pachome, & finit là ses iours.

Il estoit fort exacte à garder, & faire garder la regle enuoïée du ciel par vn Ange. Il estoit fort seuer à domter les mutins qui sous couleur de sainteté faisoient leurs propres volonte, & vouloit chasser Sylvain, si on n'y eut mis remede. Mais d'ordinaire il estoit doux comme vn agneau, simple comme vne colombe, & il y auoit fort peu du serpent en son fait, ni de prudence humaine. Il haïssoit les heretiques à mort, & les vices encor plus, & l'auarice si fort, que quand ses moines auoient fait quantité de nattes faisant les mesnagers, il faisoit brusler tout cela. Vn ieune moine l'importunoit infiniment de le laisser courir au martyre: le saint Abbé lui fit voir la temerité de son dessein. ce ieune esprit croioit qu'il pouuoit faire tout ce qu'il auoit medité. En fin il le fallut laisser aller: le voila faisi au collet par les Barbares, qui le menerent à l'idole pour y sacrifier. en y allant il se moquoit de ces Arabes: mais quand il se vid le poignard à la gorge, ie vous assure que le pauure Hermite bût du vin des idoles & y sacrifia. il s'en retourna chargé de confusion aux pieds de Pachome: qui lui ouurit ses entrailles, & le receut à penitence, qu'il fit fort rigoureuse l'espace de dix ans, & puis mourut en paix, & fut sauué, comme on reuela au saint Abbé.

On ne scauroit croire les miracles, que Dieu fit par ce saint homme. Il faisoit peur aux diables, il chassoit les maladies, il auoit tout credit dans le ciel. Mais les plus grands miracles c'estoient ses vertus Seraphiques. Il brusloit d'amour diuin, il estoit humble profondement, c'estoit la douceur mesme; il ne mangeoit quasi rien, & viuoit plus des rosées du ciel & de saintes prieres, que de pain & de sel, ou de quelques racines, qui seruoient plustost de tourment

ment

ment que d'aliment. Il y auoit enuiron 1400. Moines dans son monastere, & enuiron 8000. espars par les deserts qui despendoient de lui. Vn papier tomba du ciel, avec lequel il eut le don des langues, pour auoir le moien de conuertir les estrangers, que Dieu lui enuoioit de toutes les parties du monde. On ne scauroit dire le comble des merites qu'il acquit en 110. années de vie menée archangeliquement. Dieu lui reuela l'heure de sa mort, & lui la fit scauoir à tous ses disciples, qui assisterent tant qu'ilz pûrent à son heureux passage, pour voir mourir vn si saint personnage. Il establit des successeurs, il dit ses dernieres paroles, qui penserent fendre les cœurs & fondre en larmes toute l'assistance; lui seul rioit d'aïse de se voir deliurer de cette facheuse captiuité de la vie miserable. En fin aiant fait tous les deuoirs d'vn bon Pere, il expira fort doucement le 14. de May, l'an de Iesus Christ 405. ou six, & fut inhumé avec beaucoup de larmes & de solennité. 110. ans de seruices seront bien paieez dans l'estendue d'vne heureuse immortalité.

LES

LES SENTENCES DOREES
DE S. PACHOME:


1. *Quand vous feriez miracle sans conseil & direction, voz miracles ne seroient plus miracles.*
2. *Parmi ces 8000. Religieux il me semble que ie ne remarque rien de si miserable que le pauvre Pachome, qui est le seruiteur inutile, & indigne de cette compagnie d'AnGES du paradis.*
3. *Mes freres, ne vous hastez pas de courir au martyre: la vie que nous menons, c'est vn long & rude martyre, quand on vid comme il faut.*
4. *Le monde ne demande que des miracles pour croire qu'on est saint: i aime mille fois mieux vne humilité bien solide, & vne obeissance parfaite, qu'un mort resuscité.*
5. *Qui conque a mis son cœur dedans le cœur de Dieu, n'a plus de cœur pour aimer la terre & le monde.*
6. *Noz deserts ne sont plus deserts, depuis que le paradis y est tombé par le moien des souveraines consolations, & des torrents de delices que Dieu y fait rouler.*
7. *Qui aime bien Dieu, n'a plus de peine en ce monde: l'amour & la peine ne sont pas en vn mesme cœur.*



S. AVGVSTINVS

Afer, Hipponensis Episcopus, Doctor Eccle-
siae, institutos Apostolorum tempore Canoni-
cos Regulares, scripta Regulâ restauravit.
Moritur anno Christi 430. aetat. suae 76.

C. Galle sculp. T. Galle excud.
Cum privilegio.



IX. S. A V G V S T I N.

PVis que S. Augustin est nommé la langue de l'Eglise de Dieu, ie voudroi bien qu'il m'eut presté sa langue pour faire dignement l'abbregé de sa vie. car lui seul la peut dire. Il naquit en Numidie à Tagaste en Afrique l'an 355. son pere se nommoit Patritius, sa mere Monique. Ce ieune enfant estoit l'aigle parmi ses compagnons: en moins de rien il les surpassa en toutes les sciences. Il se laissa vn peu emporter aux bouillôs de la ieunesse, & fut Academien & Manichean, & assez libertin en sa vie. Il en versa tant de larmes en ses Cõfessions qu'il a nayé tout cela dans l'abyfme des misericordes de Dieu. Il enseigna l'eloquence à Rome & à Milan, & il se faisoit admirer de tout l'Italie. Sainte Monique fit tant qu'elle le contraignit de voir souuent S. Ambroise, qui auoit de la peine de renger ce ieune esprit: mais en fin il en vint à bout, & il le baptiza l'an 34. de son aage. Dieu le toucha apres si puissamment, qu'il lui brisa le cœur, & avec vne voix qui vint du ciel, *Tolle, lege*: Pren, lis; il prit S. Paul, il le leut, & si à propos, que son cœur se liquefiant il pensa verser sa vie par ses larmes. Il se resolut de quitter le monde, & retourner en Afrique pour y bien seruir Dieu. Sa mere mourut à Ostia, & mourut comme vne Sainte: il la plora amerement comme estant deux fois sa mere. Estant de retour en Afrique, il establit vne communauté de Prestres qui viuoient selon les canons establis par les SS. Apostres. Il viuoit là en vne sainteté eminente, ieunant, priant, estudiant, faisant la vie d'vn Ange en terre.

Baron.
Ann. Pof-
fid. in vi-
: a S. Au-
gustini.
p. Da-
mian. lin-
gua est
Ecclesie
August.

Il craignoit si fort qu'on ne le fit Prestre, qu'il fuioit tousiours les villes où il n'y auoit point d'Euesque, de peur que malgré lui on le fit ou Prestre, ou Euesque. Dieu fut le plus fort, & fallut passer par là. Car le peuple d'Hippone à viue force se presenta à l'Euesque Valerius, pour lui donner l'Ordre de Prestre. Le pauure Augustin plora tant, qu'il fit pitié à tout le monde, voiant sa tresprofonde humilité. Qui sera donc Prestre, disoit le peuple, si Augustin n'en est pas capable? les meschants disoient qu'il ploroit parcequ'on l'auoit fait Prestre, & non pas Euesque. Ce saint homme fit vn monastere où il viuoit en commun avec des bons seruiteurs de Dieu. Le bon S. Valere Euesque qui estoit Grec, & n'auoit pas le Latin à son commandement, fut le premier qui fit monter en chaire vn simple Prestre, pour prescher deuant lui par son autorité. S. Augustin donc commença à prescher: mais si puissamment, qu'il estoit le maistre des cœurs, & foudroioit les vices. Mille heretiques se soufleuerent en son temps, mais lui comme vn Hercules domta tous les monstres: aussi estoit il estimé generalement la haine des heretiques, & le marteau qui les mettoit en pieces. On le craignoit comme la tempeste, & Fortunat, Felix, Emeritus, Pascentius, les Manicheans, les Donatistes, les Pelagians, les Circumcellions, & toute cette vermine infernale fut esclatée par la puissance de son profond scauoir, & par la pointe de son esprit inuincible. Ce que S. Augustin ne scait pas, ce dit on, c'est ce que Dieu n'a pas reuelé à l'Eglise. Il composa tant de liures, que c'est tout ce qu'un homme pourroit faire de les lire, & bien entendre en sa vie. Il a cela de propre, que parmi les disputes il y glisse des aspirations si cordiales, qu'en mesme temps qu'il remplit les esprits des
raions

raisons de sa science, il embrase les volontez du feu du paradis. Il estoit aussi vray Serafin en ses deuotions, que Cherubin en ses sciences, & vn soleil par tout. Helas! tout fut bien perdu quand on lui parla de le faire Coadiuteur de S. Valere, & Euesque de son viuât. On s'estonna qu'il ne mourut pas de douleur: car il se croioit tout à fait indigne & incapable d'une charge si releuée. Mais que feroit on là? faut il pas que Dieu soit le maistre; & résistera t'il à vne populace qui est resoluë de le voir son Euesque? En fin il le fut: mais la vie qu'il mena, estoit vn miroir de toute sainteté. Il viuoit en commun avec ses Prestres: il auoit vne cueillier d'argêt, tout le reste du seruice de sa table estoit de bois ou de terre, & ie ne scay quelle saliere de marbre; son lit pauvre; ses mets fort petits, & communs; sa table bordée de saints, on lisoit durât son disné; il auoit fait grauer sur sa table deux vers qui disoient, qu'il ne falloit dire mal de personne, ou qu'il falloit aller disner ailleurs. Si quelqu'un s'emâcipoit, il se faschoit, & disoit avec chaleur: Ou changez de propos, ou ie m'en irai prier Dieu en ma chambre. Ni parente, ni femme n'entroit iamais en sa maison; iamais il ne parla seul à seul à nulle femme, quelque secret qu'elle eut: & il vouloit tousiours vn tesmoin qui vid ce qui se passoit, quoy qu'il n'entendit pas ce qui se disoit en secret. Je ne crain pas seulement le mal, disoit il, mais le scandale. Que dira t'on de voir vn Euesque parler tout seul avec vne femme; & qui veut deuiner si elle est sainte ou fainte, & de mauuaise odeur? Il ne manioit ni argent, ni rien. Il ne vouloit auoir que ses pures necessitez. Quand il n'auoit plus rien, il le disoit à son peuple en preschant. Il voulut donner toutes les possessions de l'Eglise à la ville, à la charge qu'on lui

donna, & à ses Prestres leurs petites necessitez. Quand il n'auoit plus rien pour donner aux pauures, il castoit les calices, & les reliquaires pour en nourrir les membres viuants de Iesus Christ: il n'auoit ni clef de sa maison, ni bague, ni rien, & laissoit entierement que l'œconome fit la mise, la recepte & tout. Sa vie estoit prescher sans cesse, estudier iour & nuit: combattre, battre & abbatre l'heresie, prier & respandre des larmes de deuotion: visiter les vesues malades & les orphelins, & nul autre: receuoir les pelerins avec vne charité cordiale; respondre aux lettres qu'on lui escriuoit de tout costé comme à l'oracle de l'Eglise. Il fut si humble, que reuoiant tous ses ouurages, il y remarqua les fautes, retracta ses erreurs, & les voulut publier aux quatre coings de la terre habitable; & dans ses Confessions il se confesse au ciel & à la terre, de tous les libertinages de sa ieunesse: & que ne dit il pas, & comment est ce qu'il exaggera ses fautes, & les plora tresamerement! Il estoit bien plus humble qu'il n'estoit scauant. Et voila sa vraye grandeur. Il estoit vn agneau fort doux aux bons, mais aux meschants il estoit vn lion. Pour gouverner ses Religieux on remarquoit qu'il estoit fort moderé, & supportoit avec vne grãde bonté les petites fautes: mais si quelqu'vn se rendoit refractaire, insolent & opiniastre, certainement il leur parloit d'accent, & falloit bien ou quitter, ou venir à la raison, & à la regularité des autres. Pour scauoir ce qu'il falloit faire, il ne falloit que regarder ce qu'il faisoit d'ordinaire. Ses deuotions estoient fort cordiales, tendres, viues: il ne faut que lire ses ouurages, pour y voir les traits de son cœur. Quelle Messe disoit il! quelle quantité de larmes verfoit il sur l'autel! quelles œillades amoureuses iettoit il vers le ciel!

ciel!

ciel! quels sermons toutpuiffans faisoit ce saint Euesque! Helas! vn tel homme ne deuroit iamais mourir. Sur sa vieillesse estant cassé de tant de traux, il commença vn peu à s'appesantir. La vie lui deuenoit amere, à cause des maux qu'il voioit couvrir la face de la terre. La ville d'Hippone fut assiegée par les Barbares, les Gots, & les Vandales, qui furieusement rauageoient le païs. Le saint vieillard sentit assieger son cœur de tristesse, & disoit bien souuent: *Mon Dieu, ostez nous ces Barbares, ou donnez à ce pauvre peuple des cœurs fortifiez de vostre grace, pour supporter ces incommoditez: ou s'il vous plait m'oster de cette vie, & m'attirer à vous.* Dieu auoit d'autres desseins. Tant y a que la fieure saisit ce saint Prelat: & se sentant mourir, il se voulut disposer au voiage du ciel: il fit retirer tout le monde, il se fit escrire les Pseaumes de la Penitence, continuellement il lisoit, il ploroit, & il imploroit la misericorde de Dieu. Il dit que nul ne deuoit sortir de cette vie, sinon en faisant penitence, quoy que sa conscience ne le remordit point du tout. Il s'arma de tous les Sacrements de l'Eglise. Il dit à ses disciples, tout ce qu'on pouuoit attendre d'vn S. Augustin en cet estat là où il estoit. il eut la veüe, l'ouïe, le iugemēt entier iusqu'à la fin; & entre les mains de ses bons enfans il rendit son esprit au souverain createur l'an 430. de Iesus Christ, & de son aage 76. aiant esté Euesque 36. ans. Il ne fit point de testament, parcequ' il n'auoit rien du monde, ce dit Possidius qui a escrit sa vie, & auoit vescu avec lui enuiron quarante ans. L'Afrique perdit plus en perdant ce saint homme, qu'elle ne fit pas avec tous les rauages des armées des Vandales. Durant sa vie, & apres sa mort, il a fait quantité de miracles.

LES SS. AFFECTIONS
DE S. AVGVSTIN:

1. Il se nommoit d'ordinaire, le seruiteur des seruiteurs de Iesus Christ.
2. Je croi que ie mourrai du desir d'aimer Dieu. Plus ie l'aime, & plus ie le voudrois aimer.
3. Grand Dieu vous auez transpercé mon cœur du dard de vostre amour: qui ie serois heureux si mon cœur deuenoit vn dard pour transpercer le vostre!
4. Quand ie vois Iesus Christ, quand ie vois la Vierge Marie, ie ne scay où ie suis, ni de quel costé me tourner; ce sang me nourrit, ce lait m'engraisse, hélas! tous deux enleuent mon pauvre cœur.
5. Je veux bien qu'on scache que Dieu est mon bon maistre, & qu'Augustin ne veut point d'autre Seigneur que lui.
6. Viure & mourir c'est vne mesme chose, quand nostre volonté est vnue à celle de Dieu.
7. Je ne scay que veulent dire tant de larmes qui tombent de mes yeux, est ce point que mon ame voudroit aller en paradis?
8. Je ne scay ce que ie veux, ie ne scay ce que ie dois faire, mon Dieu. Da quod iubes, & iube quod vis; commandez tout ce qu'il vous plaira, mais donnez moy tout ce que vous commandez.
Il y en a vn million de semblables en ses liures.




S. BENEDICTVS

A quo benedictionis nomen heredita-
mus, Nursiae nobilis, omnium pene totius
Occidentis Monachorū pater et institutor,
Regulam scripsit discretionē præcipuam.
Obijt anno 543. ætatis 63.

Cornel.
Galle
Fulpsit.

Theodor.
Galle recud.
cum privilegio.



x. S. BENOIT.

Silence Lecteur. voicy S. Benoit le doigt sur la bouche. Paix là. Voicy le beau soleil Oriental del'Occidēt, & le Pere des Moines qui vient establir la vie commune des Religieux en Italie, & par toute l'Europe. Ce grand Patriarche naquit l'an 480. à Nursie d'Anice Eutrope son pere, & d'Abondance sa mere. Cet enfant ne fut iamais enfant, mais sage comme vn homme; il estudia à Rome, & à l'age enuiron de 14. ans s'achemina aux deserts. S Romain lui donna vn habit de Moine, & le nourrit à Sublaque dans le ventre creux d'vn rocher, où il vescu inconnu au monde. Dieu seul estoit tesmoin de sa premiere sainteté: & le diable enrageoit de voir cette vie Angelique, il lui donna vne atteinte si viue, que le ieune solitaire fut forcé de se ietter & de se deschirer parmi les chardons, pour y faire mourir la concupiscence. L'esclat de sa sainteté parut, & l'odeur s'en respendit par tout. certains Moines le voulurent auoir pour Abbé, mais ces libertins là ne peurent pas souffrir vn si saint Abbé, & ilz le voulurent faire mourir. Ce venerable Patriarche destiné ailleurs, quitta ces mauuais esprits, & bastit 12. monasteres aux enuiron de Sublaque. Ses miracles, son esprit de prophetie, la sainteté de sa vie, son profond silence, ses oraisons & ses visions, ses ieusnes quasi continuels, la douceur de son gouvernement, ses maisons reglées comme des Hierarchies d'Ange, la perfection de S. Maur, S. Placide, & ses premiers Religieux, tout cela rauit tellement le monde en admiration, qu'il

n'y auoit rien de si celebre, rien de si fleurissant & rauissant en ce siecle, que ce saint Abbé & ses saintes maisōs. Nul Saint ne se trouua iamais sans contradictions; Florence Prestre le voulut par malice enuenimer avec vn pain empoisonné; le saint homme reconut la malice noire, & fit emporter ce pain par vn corbeau, en vn lieu où il n'y pût faire mal à personne. Il prend resolution d'aller au Mont Cassin, où Dieu & les Anges le fauoriserent extraordinairement, & plus mesme qu'à Sublaque. Là & ailleurs par soy & par ses disciples il destracina les restes de l'idolatrie, & abbatit plusieurs idoles. Tertulle & Equice Senateurs Romains meuz du bruit de la sainteté de ce grand Abbé, & de ses enfans, furent expres au Mont Cassin pour faire vn don solennel de tout ce lieu là, & transporter tous leurs droits à cette sainte congregation, qui estoit le bonheur du monde. Là le glorieux Patriarche fit vne vie d'Archange, & ses Moines estoient des Anges du paradis. Il dressa cette regle diuine, qu'il publia lui mesme où il estoit, & S. Simplicie par toutes les prouinces. Cette regle est la mere & l'idée des regles, & dictée par le saint Esprit. C'est chose incroyable comme tout l'vniuers la receut avec admiration. Le silence continuel, la psalmodie perpetuelle, les douces contemplations, les austeritez de la vie, & sur tout vne profonde humilité, & vne charité Seraphique, estoient leur vie, & leurs exercices ordinaires. Quand on lui dit, que S. Placide son cher disciple estoit Martyr avec ses bons freres, & que S. Maur marchoit sur les eaux, & que les autres faisoient des miracles; on ne scauroit dire la ioye de son cœur, voiant que nostre Seigneur benissoit cette sienne famille couronnée des benedictions celestes. Il establit avec &

pour

pour sa bonne sœur le monastere de Plombariole pres du Mont Cassin, qui fut le premier pour les filles de son Ordre. Il receut de Dieu des faueurs admirables, & des visions du tout diuines. Le saint homme a caché tout cela dans son sein. Vn iour aiant parlé du paradis avec vne grand ferueur, estant de retour dans sa cellule il voulut regarder le ciel où estoit le thresor de son cœur. En mesme instant qu'il ouurit la fenestre, il vid l'ame de S. Germain Euesque de Capoue, qui montoit au ciel, enuironnée d'une gloire immortelle. Il vid comme dans vn soleil, & vne excessiue lumiere tout l'vniuers raccourci, & il vid tout cela estre si peu de chose comparé à la grandeur du ciel, que plus que iamais il se sentit poussé à desirer le seiour eternal où sont les seules & les vrayes grandeurs. Il predit à Totila toute sa bonne & mauuaise fortune. il lisoit dans les cœurs des hommes, & scauoit les pensées les plus secretes de ses disciples. il auoit vn parfait discernement des esprits, & enuoiant bastir des monasteres, il choisissoit tres à propos ceux qu'il falloit enuoier, S. Maur en France, S. Placide en Sicile, & les autres; qui firent par tout des merueilles. La lettre ou les patentés qu'il donna à S. Maur, furent ces paroles du ciel, Mon filz la 60. année de Religion sera la derniere de vostre vie, & puis vous irez droit au ciel, comme le bon Dieu daigne me reueler hier. Il estoit quelque fois les 40. iours en oraisons quasi continues. On dit que par humilité il ne voulut iamais estre Prestre. ie croirai cela aisement; d'autant plus que c'est plus grand gloire à lui d'auoir tant merité ce degré, & iamais ne l'auoir voulu accepter, s'en reputant indigne. L'espace de 50. ans qu'il fut moine, il ne sortit iamais du

monastere, que pour fonder de nouveaux monasteres, ou
 pour instruire sa sœur & ses compagnes vne seule fois l'an.
 Mais en vne seule fois il leur disoit des choses qui suffi-
 soient pour vn an tout entier de pratique. Nostre Seigneur
 lui reuela precisement le iour de son heureux trespas. Il
 fit donc ouvrir son tombeau, il s'en alla le voir à l'Eglise, où
 il demeura quelque temps, & la fieure le saisit si fortement,
 qu'on vid bien que sa prophetie s'alloit accomplir. Il for-
 tiffa son cœur des SS. Sacrements de l'Eglise à la façon
 que pouuoit faire vn S. Benoit. il fit vn petit sermon à ses di-
 sciples qui fondoient tous en larmes. puis iettant ses yeux
 vers le ciel pour fraier le chemin à son ame, il se fit leuer
 tout debout par les mains de ses enfans. affin de mourir
 tout droit, & comme s'il eut deu monter en paradis en
 corps & en ame. & en fin apres auoir dit des mots à Dieu,
 qui faisoient fendre les cœurs, il rendit son heureux esprit
 aux Anges pour le porter à Dieu, & son corps à ses enfans
 pour le mettre dedans la terre. Il fut enuoié estudier à Ro-
 me à l'aage de 7. ans, à 14. il se retira à Sublaque, au 40. il
 donna l'habit à S. Maur & S. Placide, au 49. il alla au Mont
 Cassin, il mourut le 63. le 21. de Mars, l'an de nostre Sei-
 gneur 543. dans l'Eglise du Mont Cassin. Le mesme iour
 S. Maur à Auxerre, & deux autres en diuers lieux virent
 comme vne galerie royale pleine de lumieres resplandif-
 santes, & tapissée des tapisseries du paradis, car iamais on
 ne vid telles pieces, & vn vieillard venerable, qui pouuoit
 bien estre S. Pierre, qui leur dit, *Voicy le chemin, par lequel
 on a conduit en triomphe l'ame de Benoit, vray seruiteur de
 Dieu.* On fit les funerailles comme il estoit conuenable à
 vn tel Patriarche. L'odeur de sa sainte vie, & de son entrée
 dans

dans

dans le ciel remplit l'vniuers d'un desir incroyable d'aimer & d'honorer ce grand Saint. On se iettoit à la foule dans ses maisons, on y portoit des biens incroyables: tellement que Trithemius dit, que S. Benoit a eu autrefois quasi la troisieme partie des biens de l'Eglise donnez par aumosne, & multipliez par l'œconomie des hommes, & par la benediction de Dieu. Ce saint Ordre a donné vn nombre innombrable de Saints, & de rares personages à l'Eglise:

Papes	52
Cardinaux	200
Patriarches	5
Archeuesques	1600
Euesques	4000
Gens eiminents en scauoir	15000
Empereurs ou Emperieres	43
Leurs enfans	44
Roys ou Reines	96
Leurs enfans	107
Princes & Seigneurs	fans nombre.
Saints canonizez enuiron	50000.
Et des millions de Vierges, Confesseurs, Martyrs, & Saints inconnuz.	
Monasteres.	52000.

LES

LES MAXIMES DE S. BENOIT:

1. N'attendez iamais rien d'un homme s'il n'est cordialement humble, quelque talent qu'il puisse auoir d'ailleurs.
2. L'ame du gouvernement c'est d'aimer chèrement ceux qu'on gouverne, & estre aussi aimé tendrement d'eux.
3. Si vous n'aimez le silence, la solitude, la deuotion, & la pureté de cœur, iamais vous ne ferez rien qui vaille au seruice de Dieu.
4. Le bon Abbé doit auoir deux choses, à scauoir bien dire, & bien faire. Pour instruire les bons, suffit la parole; pour les mauuais, il leur faut monstrier bon exemple.
5. Faites tout, & ne croiez iamais auoir rien fait, vous aurez bien tost un cœur selon le cœur de Dieu.
6. Les deux aïses qui vous esleueront au sommet de la perfection, c'est l'humilité cordiale, & la charité desinteressée.
7. Que ne feroit on pas si on goustoit bien ces diuines paroles, Cherchez premierement le royaume des cieus, & puis toute sorte de biens abonderont en vostre ame.
8. Il ne faut iamais oublier ce beau mot de Iesus Christ, Qui ne quitte tout, & qui ne hait son ame, n'est pas digne de moy.



S. SCHOLASTICA

Soror S. Benedicti, sacrum Virginum sub fra-
tris regula Deo militantium Antesignana, eodem,
quo frater, anno decessit in monaste-
rio suo Beate Marie de Plombariola.

Corchia & Galle
sculpsit.

Theod. Galle excu-
sit. cum privilegio.



XI. SAINTE SCHOLASTIQUE.

Cette sainte fille, vraye colombe du paradis, sœur jumelle de S. Benoit, imita si bien son bon frere, qu'elle se rendit Mere des filles de Dieu, comme son frere fut Fondateur des moines. Elle naquit enuiron l'an 480. & dez son enfance elle fut douée d'une grande maturité, & simplicité virginale. c'estoit vn miroir des pucelles de son siecle, on voioit reluire en elle toutes les vertus des ames d'élite, & bien choisies de Dieu. Soubs la regle de son frere, elle établit la maison de nostre Dame de Plombariole en Italie quatre milles pres de Mont Cassin, où elle nourrissoit dans le sein de la perfection quantité de filles bien choisies, & vrayes espouses de Iesus Christ: là on gardoit la regle fort religieusement, & c'estoit vne vraye Hierarchie d'Ange. Tous les ans S. Benoit son frere l'alloit visiter vne fois, & il estoit receu par ses bonnes filles, comme vn Archange du ciel. Le saint Abbé les instruisoit parfaitement bien; tous leurs discours n'estoient que de Dieu, du paradis, de la perfection. Vn iour apres auoir bien discouru de l'éternité, la nuit le surprit. sainte Scholastique le coniuira de passer là cette nuit, avec les Moines qu'il auoit à sa compagnie. Le saint homme n'y voulut iamais consentir, disant qu'un vray Religieux ne dormoit iamais mieux qu'en sa cellule, & qu'il ne deuoit iamais coucher hors de son cloistre. La bonne fille, au rapport de S. Gregoire, ioignit ses mains sur la table, & mit sa teste sur ses mains, & versa quelques larmes, avec vne ardente priere, supliant son espoux qu'il arrestât cette nuit là son bõ frere, qu'on ne pouuoit persuader de ce

L 2

faire.

faire. Le temps estoit si beau, qu'on ne voioit pas vne seule nuée: tout à coup, voila vn si furieux orage, & vn deluge si estrāge, qui va tomber, que S. Benoit en souffriant va dire, le vois bien ma sœur, qu'en fin nostre Seigneur vous exaucera plustost que moy, & que ie serai condamné à demeurer ceans bongré, malgré. Dieu vous le pardonne: que pensez vous faire, nous arrestant icy à coups de tonnerre, & avec vn deluge d'eau? Comment, dit elle avec vne gayeté virginal, ie vous ay prié, mon frere, de nous faire cette charité de nous parler cette nuit des années eternelles, & vous vous estes rendu inexorable; ie me suis adressée à nostre Seigneur, & sa bonté nous a esté fauorable. allez vous en donc, mon frere, si vous voulez. Cela fut cause que toute la nuit se passa avec des discours de la vie eternelle, & dās vne ioye qui ne se pourroit pas bien exprimer. Qui veut scauoir la vie de sainte Scholastique, il ne faut que voir la regle de S. Benoit son frere: car ce que la Sainte faisoit, c'estoit iustement tout ce que disoit la regle, & les filles qui estoient gouuernées par elle, c'estoit veritablement de filles dignes d'vn tel Pere, & d'vne telle Mere: qui estoient deux soleils de l'Eglise, naiz en vn mesme iour, morts en vne mesme année. La plus assuree opinion dit que ce fut l'an 543. que ces deux soleils se coucherent. Trois iours apres la visite de S. Benoit, & le miracle de la pluie, estant en sa cellule du Mont Cassin, il vid vne blanche colombe monter droit au ciel, & il sceut par reuelation que c'estoit l'ame de sa sœur, qu'on conduisoit au ciel. Apres auoir remercié Dieu, il enuoia querir ce corps virginal, & le fit mettre dans le tombeau qu'il auoit fait preparer pour soy mesme; il voulut qu'ayant esté conceuz en mesme iour, naiz à mesme heure, serui Dieu

en

en mesme lieu, & sous la mesme regle, vescu comme vne ame en deux corps, couronnez dans le ciel en mesme année, que ces deux corps fussent aussi en repos en mesme sepulture, comme deux riches thresors.

Leurs sacrez corps furent portez en France, & pour ne rien dire de S. Benoit, dont on dispute tant, i'ay veu dans les anciens Manuscrits de Iuuigny noble Abbaie de filles de S. Benoit en Lorraine, diocese de Treues, & i'ay veu dans vne tresbelle chaste les sacrées reliques de sainte Scholastique, qu'on garde là en grande veneration. La Reine Richilde femme du Roy Charles le Chauue fit bastir l'Abbaie, & du Mans l'année 874. au mois de Iuin elle transporta à Iuuigny ce riche thresor. & en confirmation de cette verité se font encor auiourdhuy des miracles, & s'en est tousiours fait en quantite. Veritablement ces bōnes filles tiennent ce grand present du ciel avec tant d'honneur & de deuotion, qu'elles meritent bien d'auoir ce sacré depost en leur garde. L'Histoire ne nous a pas marqué sa maladie, ses dernieres paroles, la sainteté de sa vie, la benediction du ciel sur son heureux trespas, la ioye qu'elle eut d'aller en ce beau paradis duquel elle auoit parlé toute la nuit avec son bon frere, quand elle lui dit le dernier Adieu la larme à l'œil, apres auoir discouru à souhait de la ioye eternelle. Tant y a, elle mourut comme vne sainte espouse du saint Esprit, aussi monta elle au ciel en forme de colombe, comme le saint Esprit a coustume de descendre du ciel en terre en forme d'vne belle & blanche colombe. Cette sainte Vierge a esté mere d'vn million de vierges, qui en gardant la regle de S. Benoit à son exemple, ont gagné les couronnes de lauriers eternels, & des lis, & des roses, qui ne meurent iamais.

LES PLUS DOUCES PENSEES
DE SAINTE SCHOLASTIQUE:

1. *Le silence c'est l'Ange Gardien de la vraye deuotion & recol-
lection.*
2. *l'Oraison c'est l'element du cœur, & le propre air d'une bonne
ame.*
3. *Quiconque aime bien le paradis, ne scauroit plus aimer rien
sur la terre.*
4. *Qui me donnera des aïstes de colombe, pour voler au lieu du re-
pos de mon cœur, & donner dans le cœur de Iesus mon espoux?*
5. *Ou il faut parler de Dieu, ou il se faut taire: car qu'y a il icy bas
qui merite qu'on en parle?*
6. *Ha! si on scauoit les douceurs, & les delices que Dieu cache &
garde à ceux qui le seruent, le monde seroit trop petit pour compren-
dre ceux qui le voudroient seruir.*
7. *Vn iour bien employé pour le seruice de Dieu, vaut mieux qu'un
million d'années pour conquerir toute la terre.*
8. *Ie ne scay pas ce que Dieu m'a fait; mais ie scay bien que ie ne
scaurois plus rien aimer que lui en cette chetive vie.*
9. *Vne œillade que ie iette sur le crucifix, efface tous les maux que
ie souffre sur la terre.*

S. WALDETRVDIS




Vidua S. Vincenty, Comitis Hannonice,
circa annum Domini 650. Montibus fundavit
monasterium, quod hodie est primum colle-
gium nobilium Canonicorum, hoc fere habitu.

C. Galle sculp.

T. Galle excudit.

Cum privilegio.



XII. SAINTE WAVTRVDE,
ou WAVDRV.

Cette belle Princesse, la perle des Princeses, fut fille de Waubert, & de Bertille. Ilz furent le soleil & la lune qui allumerent cette belle estoille dans le ciel de l'Eglise. Elle naquit enuiron l'an 600. & tant, en Haynau, & elle fut fille des prieres, plustost que de la nature, comme aussi sa bonne sœur Aldegonde. Estant en aage elle espousa Madelgaire Seigneur yssu du sang de France du costé maternel. Dieu! quel mariage du ciel, puis que tout le monde deuiet saint! le mari fut saint, nommé apres S. Vincent, elle, & leurs quatre enfans, à scauoir S. Landrique, S. Dentelin, sainte Aldetrude, & sainte Maldeberte. Leur vie dans le mariage estoit tresinnocente: il sembloit que tous les pauures estoient leurs vrais enfans, tant ilz leur faisoient incessamment de grandes aulmosnes. Si vous voulez scauoir quelle nourriture elle donna à ses petits enfans, il suffit de vous dire que tous quatre deuindrent quatre Saints. Il y a des gens au monde qui ne valent rien que pour faire des Saints. Cette sainte Comtesse de Haynau prescha si bien son mary, & lui graua si profondement dans le cœur le mespris des choses perissables, qu'en fin il quitta tout, & se fit Religieux, & s'y prit de si bonne façon, qu'en fin il deuint S. Vincent, en l'Abbaye d'Aumont. Elle se voyant en pleine liberté, s'addonna à toute sorte de vertus eminentes; de deuotion, de charité, d'aulmosne. Le diable deslia mille langues viperines pour l'enuenimer, & acca-

*Baron.
in mart.
30. Ianu.
de sancta
Aldegonde.*

M bler

bler de calomnies. cela lui ferra le cœur iusqu'au mourir: mais l'Ange du ciel lui releua le cœur, difant, *Vous ma ſœur eſtre mieux traitée du monde que le Seigneur Ieſus, qui fut appellé Beelzebub?* S. Guillain lui dit, que c'eſtoit vn ſtratageme du ſaint Eſprit, qui voulant deſſier ſon cœur de l'amour des creatures, y verſoit du fiel à deſſein, pour l'en deſgouſter. En effect elle donna vn coup de pied à ce globe du monde, & dreſſa vn petit oratoire ſur vne montagne nommée *Chateau Dieu*; ie voulois dire *Chateau Lieu*, mais i'aime bien d'auoir failli; car de vray ce fut pour elle vn Chateau de Dieu. où elle mena vne vie diuine. Par ſon exemple, & par ſa ferueur elle gagna le cœur de ſa bonne ſœur Aldegonde, & l'attira à vne vie retirée, & ſes deux filles auſſi. L'aimant attire à ſoy le fer, & l'aimant de la charité attire les cœurs d'or, & les raut au monde. Certainement par les ſecrettes influences de ſa ſaineté elle attira quantité de vierges, qui voulurent viure & mourir avec cette ſainte Princeſſe. Le diable enrageoit, & vn iour lui voulut ſauter ſur le cœur, pour l'eſcraſer. elle aſſiſtée de l'Ange, inuoca Ieſus, chaffa le diable, & courut apres lui, & le deſſiant diſoit, *Ha! eſprit glorieux tu voulois donc combattre le grand Dieu, & vne femme te chaffe miſerable apoſtat?* Si le diable eut pû creuer, auſſi vray il fut creué ce coup là de male rage, voiant vne femmelette qui l'alloit pourſuiuant. Cette bienheureuſe Comteſſe aimoit d'amour la paureté, & rioit de bon cœur quand tout lui manquoit, hors mis Dieu. Sa vie eſtoit vn parfum compoſé des odeurs pretieufes de toutes les vertus. Autant valoit quaſi viure à Chateau Lieu de Haynau, qu'à Chateau Dieu de là Haut, & du paradis: car de vray ces innocentes pucelles viuoient comme des Anges.

ges. Je ne m'estonne donc pas si vn Ange la vint aßeurer de la part de Dieu, qu'elle & sa sœur estoïent predestinées; mais ie m'estonne bien fort, que le cœur ne lui esclatta point de ioye, oïant cette nouvelle. Au bout de quelque temps, elle vid la tressainte Mere de Dieu, les saints Apostres Pierre & Paul, & quantité de Saints luisants cōme des soleils, qui menoient comme en triomphe sa chere sœur Aldegonde vers la voute du ciel: elle connut qu'elle venoit de rendre l'ame. Et imaginez vous si son ame pensa se destacher du corps, pour voller en paradis en si belle & si amoureuse compagnie. Cette veüe lui ouurit le cœur, & l'embrafa si fort, qu'elle commença à renoueller ses ferueurs. & comme si elle n'eut encor rien fait digne de Dieu, vous l'eussiez veüe brusler d'vn desir de faire quelque chose digne du ciel. O que ma sœur est heureuse, ce disoit elle, qui a si bien serui son espoux, qu'en peu d'années elle est arriüée à vn si haut point de gloire! ma cadette en terre, est deuenüe mon aînée dans le ciel. Disois ie pas bien tousiours, que ie ne faisois chose qui vaille, puis que ma sœur a gagné le deuant, & moy ie traïsne encor l'aïsle, & ne fais que remper sur la terre? Or comme on lui auoit reuelé qu'elle seroit esgale à sa sœur Aldegonde dans le seiour de l'eternité; croiant qu'elle estoit encor bien esloignée de sa perfection, elle se tuoit de bien faire, affin de gagner païs & paradis. Elle couchoit sur la dure, & si durement, que vous eussiez dit qu'elle alloit là plustost pour massacrer son amour propre sur le cheualet, que pour donner du repos à son corps sur le cheuet d'vne pauvre couche. Elle ne viuoit que de ieusnes, beuuoit plus de larmes que de vin, & ne respiroit autre air que celui des souspirs, & des desirs enflammez de s'vnir

avec Dieu. Pour ses penitences, elles estoient connües à Dieu seul & à elle. tant elle couuroit toutes ses vertus, sous le voile espais d'une grande humilité, & extreme retenüe. Mais ce que son cœur cachoit, son visage le descouroit trahissant son silence. on lisoit assez dans son visage passe & attenüé le mesnage de ses austeritez, & les cruautez amoureuses, dont elle martyrisoit son corps innocent. Le plus grand plaisir qu'on lui pouuoit faire, c'estoit de lui parler de Dieu, & des années éternelles. Au plus fort de ses maux, elle auoit en son cœur vne fermeté inefbranlable, & vne constance inuincible, sur tout quand elle se resouuenoit qu'elle estoit asseurée de sa predestination.

L'Vne des riches pieces de sa vie pretieuse ce fut la fondation du celebre college des Dames de Mons en Haynau; college, qui comme vn beau ciel, a tousiours esté diapré de mille belles estoilles de filles eminentes en toutes fortes des vertus. Auourd'hui que ie parle, ce college est rempli de filles tresillustres de race, & encor plus par la noblesse de leurs saintes actions, & par la viue imitation de leur sainte Patronne: dont elle voit sans cesse, & l'image viuante de ses vertus, & ses pretieuses reliques. On ne scauroit croire, combien elle fit de bien sur le declin de sa vie, tant en fondant des maisons, où Dieu estoit bien serui, comme aussi en toute sorte d'œuvres de misericorde. L'Antiquité nous a trop espargné le nombre de ses miracles, & de ses faits heroïques & dignes de l'éternité.

De son viuât elle fit diuers miracles, & en fit encor apres sa mort: mais le plus beau de tous ses miracles, c'est de s'estre faite vne grande Sainte, cooperant puissammēt aux graces que Dieu lui faisoit. La ville de Mons capitale de
Hay-

Haynau doit à cette Princesse vne grande partie de son bonheur en terre, & dans le ciel aussi on l'a pris pour Patronne. Toutes ces bonnes filles qui viuoient avec elle, trembloient de peur, que la mort ne leur enleuast ce precieux thresor. Elle au contraire faisoit l'amour à la mort, & desiroit avec vne sainte passion de mourir au monde pour viure dans l'eternité. Ses souspirs ardents, ses mortifications redoublées, ses prieres embrazées estoient les avant-coureurs de la mort. En fin elle fit tant, qu'elle fut la maistresse, & obtint de Dieu qu'elle mourut bien tost. Tant s'en faut qu'elle eut de la peine, & qu'il y fallut des ceremonies pour lui dire qu'elle s'en alloit trespasser. Elle vit venir la mort d'un œil sec, d'un visage ouriant, ou au moins plein d'une grande serenité. Bref elle fit tous les preparatifs, que pourroit faire vne ame grandement espurée: & apres auoir dit mille fois Adieu à ses filles, & dit des paroles toutes d'or pour les encourager à la perfection, en fin elle rendit son heureux esprit à son createur. L'Histoire ne le dit pas, mais i'ay bien de la peine de m'empescher de croire pieusement, que sa sœur Aldegonde l'assista en ce passage, &, comme il est vraysemblable, nostre Dame, S. Pierre, & S. Paul, & les mesmes Saints du paradis, qui auoient mené au ciel en triomphe sa bonne sœur sainte Aldegonde.

LES PLUS CHERES DELICES,
ET LES MAXIMES DE S. WAUDRV:

1. *Las! que seruiroit il d'auoir gagné le monde, & puis estre damné?*
2. *Fay bien, ce que tu fais, Dieu l'aura agreable: il ne veut que cela.*
3. *Si Iesus est pour nous, & avec nous, detestable Sathan, oze tu bien attaquer sa seruante?*
4. *O mon cher paradis! he que vous estes beau! qui aime paradis, peut il plus rien aimer en l'enfer de ce monde?*
5. *Peut on craindre la mort, quand on aime bien la vie eternelle? qui craind bien Dieu, il ne peut plus rien craindre.*
6. *Que tous les moments de la vie sont pretieux deuant Dieu, quand on les a emploiez purement pour nostre Seigneur!*
7. *Auoir vn mari saint, & des filles si bonnes, vne sœur dans le ciel; & estre si chetiue, & si miserable que ie suis, est ce pas vne chose digne de confusion eternelle?*
8. *Vivre & mourir, cela est fort indifferent à vn bon cœur; mais vaut mille fois mieux vne fois bien mourir, que tousiours mal viure, & passer les années si inutilement.*

XIII. S. BRUNO.

LA seule veüe de ce saint homme, & l'horreur sacrée des deserts où il mene vne vie si austere, vous donne elle pas de la deuotion? c'est saint Bruno Patriarche des Chiartreux, qui naquit à Cologne l'an 1000. & tant. Ses parens estoient riches & nobles; ilz l'enuoierent à Paris, qui est la source des sciences, où en peu de temps il acquit vne si grande reputation à cause de son bel esprit, de son scauoir, & de sa probité, qu'on le fit Chanoine de Reims Eglise fort celebre. Dieu est admirable en sa conduite, & adorable en tout. Il vouloit fonder vn Ordre des plus saints, austeres, & venerables de l'Eglise, & il se seruit d'vn estrange accident. On dit qu'il mourut à Paris vn Docteur, qui auoit vescu de sorte qu'on le tenoit pour vn treshomme de bien; durant le seruice qu'on lui chantoit, pendant que le petit garçon lisant vne leçon disoit, *Responde mihi*, le mort se leua dans sa biere, & le premier iour dit, *J'ay esté accusé*; & le second, *J'ay esté ingé*; & le troisieme, *Helas! j'ay esté condamné, & me voila damné*. Tout Paris pensa pasmer de fraieur, & ces mots furent des fleches dans le cœur de S. Bruno, & de quelques siens compagnons: qui dans ce miroir voiant la misere du monde, s'accorderent de lui donner vn coup de pied, & se retirer hors du monde pour vaquer à Dieu seul. Dit & fait. Nostre Seigneur les conduisit comme par la main à

N

Hu-

Hugues Euesque de Grenoble, qui estoit vn saint homme, au quel il fit voir en songe que Dieu se bastissoit vne maison dans les horreurs du lieu nommé Chiartreuse, & que sept estoilles alloient deuant lui pour lui marquer le chemin. Le saint Prelat entendit le lendemain ce que vouloit dire son songe, quand il vid à ses pieds S. Bruno & ses six compagnons, fondans en larmes, & le coniurant d'estre leur bon Pere, & leur accorder quelque desert, où ilz ne vissent plus rien que Dieu & le ciel. S. Hugues leur parla en Euesque & en pere, leur offrit Chiartreuse, mais il leur en descriuit les austeritez espouuantables: ilz dirent que c'estoit ce qu'ilz cherchoient; qu'il n'y a rien de rude à l'amour de Dieu, & moiennant que de là on puisse voir le ciel, & en esperer l'entrée à l'heure de la mort, tout le reste n'estoit rien. Le bon Euesque plorant de ioye, les y mena lui mesme, & leur fit voir cette horrible solitude. Ce sont montagnes sur montagnes herissées de chardons, couuertes de glaces & de neiges eternelles, chargées d'arbres qui semblent de leur pointe donner dedans le ciel, effrayées d'vn torrent & des eaux precipitées qui sont des coups de tonnerres perpetuels. Là entre deux montagnes assez proches l'vne de l'autre, & où il n'y a quasi point d'air, & où on ne respire que des neiges fondües, & où toutes les saisons ne sont qu'vn pur hyuer, là ilz firent vne petite chapelle qu'on nomme encor *sainte Marie de Casalibus*; & au tour des cellules separées, qui estoient plustost des tombeaux d'hommes viuants: & là ilz commencerent à mener vne vie d'Anges du paradis. La pauureté estoit extreme,

treme, la ioye infinie, la psalmodie eternelle, les larmes torrents, leur vie n'estoit que ieusnes, ilz estoient couverts de cilices, & habillez de blanc. vous eussiez dit que c'estoit vne Hierarchie d'Archanges. cela fut l'an 1084. seant Gregoire VII. & Henry IV. estant Empereur.

O heureuse iournée, que tu as enfanté de Saints au monde pour en dorer le ciel! Soit l'assiette mal choisie, soit l'extraordinaire quantité des neiges qui fondoient, soit la rage du diable, tanty a que plusieurs pauvres Religieux furent ensepuelez dans les neiges, & ilz furent contrains de se bastir des cellules pres de là en vn lieu qui estoit tant soit peu meilleur. Mais qui est tousiours mal logé, n'est iamais guerre bien à son aise. Si leur sembloit il d'estre en paradis d'estre là où ilz sont maintenant. S. Bruno auoit auparauant esté appelé à Rome par le Pape Urbain II. qui auoit esté à Paris son disciple. Les six compagnons pensoient estre perduz aiant perdu leur pere. le diable prit son temps, & leur ietta tant d'apprehensions dans leurs esprits, qu'il pensa faire fondre en sa naissance cette sainte Religion: comme il auoit en fondant les neiges, accablez ces saints Religieux. S. Pierre les rassëura, leur dit que nostre Dame seroit leur protectrice, que le ciel leur seroit fauorable. De là ilz prindrent la sainte coustume de dire tous les iours les Heures de nostre Dame: & ilz croient que cela les a sauuez. Leur Patron fut S. Iean Baptiste le pere des Hermites. Urbain receut comme vn Saint du paradis, le bon S. Bruno, & le voulut faire Archeuesque: ce qu'il refusa de si bon cœur, que le Pape ne voulut pas troubler le repos de son cœur. Ses compagnons ne pou-

uant viure fans lui, allerent à Rome pour se ioindre à lui. le Pape les renuoia en France; & S. Bruno ne pouuant gouster le tintamarre de la cour, fit tant qu'il eut son congé. Il se retira en Calabre avec quelques siens nouueaux compagnons, & au lieu nommé Torre il fit de petites cahuettes de terre, avec vn petit oratoire, & commença avec plus de ferueur que iamais à seruir Dieu en grande austerité. Par hazard le Comte di Sicile allant à la chafse, arriua à cet hermitage, & il les trouua tous à genoux. Il fut bien estonné de trouuer des Anges sur la terre, & paradis enclaué dedans ses estats. Il s'enquit de tout fort curieusement, & estant rai en admiration, il leur voulut bailler des terres, bastir vne Eglise & monastere, & fonder tout cela. S. Bruno aimoit plus sa simplicité, & sa paureté, que toutes les grandeurs du monde. Il accepta vne partie des liberalitez du Comte, & il l'en paia bien. Car aiant eu vne reuelation de Dieu qu'on trahissoit le Comte, & que sa vie couroit vn grand hazard, il lui en donna l'aduis si à propos, que le Comte aduoua depuis qu'il lui estoit obligé de sa vie.

Le saint homme bruslant d'amour de Dieu, commença à dresser la regle de ceux qui seruiroient Dieu en son Ordre; il enuoia cela à Landouin Prieur de Chiartreuse, avec des moiens admirables pour bien seruir Dieu en ces solitudes. Dans ce desert il acquit tant de perfection, que c'est chose incroyable. Mais le saint homme cachoit curieusement tout cela. Il establit entr'autres choses, qu'on ne mangeroit iamais de viande, non pas mesmes
dans

dans l'extremité. A l'heure, & apres de temps en temps on a voulu contredire cette sainte coustume: les Papes mesmes ont voulu dispenser, & reduire le tout au droit commun; mais on allegua douze puissantes raisons, qui ont si fort contenté les Papes, que iamais nul n'a voulu toucher d'auantage cette corde là.

S. Bruno passoit sa vie à contempler, chanter, lire, composer quelque saint ouurage, & exerçant toute sorte de vertus. Il estoit tousiours beau comme vn Ange, & on lisoit sur son visage la paix inuariable de son cœur; ses paroles douces & penetrantes, sa deuotion forte & solide, & sans artifice, ni desguisement. Il fit bien des miracles, mais il n'auoit garde de s'en vanter. Les austerez extremes abbatirent ses forces, il tomba malade, & dans sa maladie c'estoit tousiours S. Bruno; ni le mal, ni la mort ne peurent iamais ternir la serenité de son visage. Il vescuut comme vn Ange, il mourut comme vn Patriarche l'an 1101. le 6. d'Octobre, & nostre Seigneur lui fit faire tant de miracles, qu'en fin Leon X. ordonnast qu'on en feroit l'Office. Il faut bien dire que la modestie de ce saint Ordre est grande, aiant laissé si long temps son saint Fondateur dans le silence, ne faisant quasi nulle instance pour le faire canonizer. Chacun abonde en son sens. Ilz disent qu'ilz aiment mieux conseruer leur simplicité que tout le reste: qu'ilz essairont de faire des Saints, & les canonizera qui voudra. La solitude, le silence, & les visites ce sont les trois Anges Gardiens de cette sainte famille. Ilz ont 16. prouinces, & plus de 189. maisons.

sons. La mort de ce malheureux Docteur a esté cause de la vie eternelle de plusieurs saints personnages ; & la damnation a esté cause du salut d'un million d'ames. ô que Dieu est admirable en ses conseils ! Vn grand homme disoit vn iour, que si on conoissoit bien la vie de S. Bruno & de son saint Ordre, que tout l'univers deuiendroit vne Charteuse, & tout homme vn ardent Chartreux ; mais si cela estoit, le monde ne seroit plus monde, ce seroit plustost paradis.

LES

LES DOUCES PENSEES


DE S. BRUNO.

1. *Quid prodest homini, si uniuersum mundum lucretur, anima uero sua detrimentum patiatur?*
 2. *O bonitas! ô mira Dei bonitas!*
 3. *Ecce elongaui fugiens, & mansi in solitudine.*
 4. *Quis dabit mihi pennas sicut columba, & uolabo, & requiescam?*
 5. *Mundus mihi crucifixus est, & ego mundo.*
 6. *Si iustus uix saluabitur, impius & peccator ubi parebunt?*
- i. Petr. 4. 18.
7. *Mihi mundus carcer est, & solitudo paradysus. S. Hieron.*
 8. *Et nox sicut dies illuminabitur, & nox mea in deliciis meis.*
 9. *Numquam sum minus solus, quam cum sum solus; quia mecum est Deus meus.*
 10. *In pace, in idipsum dormiam, & requiescam. O in pace! ô in idipsum! ô dormiam & requiescam! ô quid dixit?*
 11. *Beata gens cuius Dominus est Deus eius: beatus populus qui scit iubilationem.*

i. Si


1. Si vous seriez Seigneur de toute la nature, & puis damné au bout, qu'aurez vous gagné?
2. O bonté de Dieu que vous estes excessiue!
3. Je m'en suis enfui dedans les deserts, pour trouuer Dieu, là où on ne trouue point d'hommes.
4. Helas! qui me rendra si heureux que de me prester les ailes de la colombe, pour chercher le lieu du repos?
5. Le monde me croid mort, & moy ie le tiens tout de mesme.
6. Si le iuste a bien de la peine de gagner paradis, helas! que deuiendra le pecheur?
7. Il me semble que le monde me soit vn Purgatoire, & le desert vn paradis.
8. Les nuits dans noz deserts sont clairs comme midy, & les nuits de noz solitudes sont pleines des douceurs du ciel.
9. Quand ie suis seul, iamais ie ne suis seul: car Dieu est tousiours avec moy.
10. Ie reposerai dans le sein de la paix. Helas! quel doux transport de dormir dedans Dieu!
11. O que les hommes sont heureux, qui n'ont autre maistre que Dieu, & qui ont le cœur comblé de ioye celeste!

S. BERNARDVS



Burgundus, scriptis et sanguine nobilis, primus
Abbas Clarieuallis, 160. monasteriorum
fundator, Ordinis Cisterciensis, à beato
Roberto Abbate Molismensi anno 1098.
inchoati, propagator. Obijt anno 1153.

Cornelius Galle fecit. T. Galle inc. cum privilegio.



XIV. S. BERNARD.

Pour peindre au vif S. Bernard, il faudroit peindre la bouche de la deuotion, les yeux de la douceur, & le visage de la virginité. Ce bienheureux, qu'on peut dire Confondateur del'Ordre Cisteaux, naquit à Fontaines chasteau pres de Dijon en Bourgoigne l'an 1090. Ses parens Thesselin & Alix estoient fort nobles, sa mere vne Sainte, qui s'accoucha de lui dans vn lieu obscur craignant d'enfanter vn chien blanc marqué sur le dos d'une tache rouge comme elle auoit veu en vision. Son enfance fut du tout innocente; il donnoit tout ce qu'il pouuoit aux pauures; il aimoit infiniment la chasteté, & il euita de grands dangers que sa beauté Angelique lui caufoit, & chassa des mauuaises femmes qui lui vouloient voller son cher thresor. il se ietta dans l'eau glacée iusqu'au col, pour glacer la concupiscence. Pour eschapper ces hazards, il se resolut de se cacher dans la forest de Cisteaux, où commençoit ce saint Ordre avec vne austerité admirable. Tout le monde se banda contre lui, & lui contre tout le monde: mais si heureusement, que ceux qui le vouloient destourner de seruir Dieu, furent destournez par lui de seruir le monde. Il gaigna son oncle, ses freres, ses cousins, & s'en alla lui trentiesme à Cisteaux, où ilz furent receus par l'Abbé Estienne, comme trente Anges du paradis. le petit Niuard voulut estre de la partie, & entreurent tous l'an 1113. On fit à Billet diocese de Lengres vn monastere où se retirerent les femmes de ceux qui estoient

ent mariez, avec la sœur de S. Bernard, & d'autres vierges tresdeuotes.

S. Bernard aagé de enuiron 23. ans commença son nouitiat; qui vid iamais vn Ange habillé en nouice, ou nouice viure comme vn Archange, il falloit voir le petit Bernard. Il estoit si fort englouti dans les choses spirituelles, & son cœur si fort enyuré de delices du ciel, qu'il perdoit quasi tous les sens pour le reste. Il estoit comme interdit pour tout, horsmis pour contempler, & en son temps traual-
 ler pour quatre. Il ne viuoit quasi que de ieusnes & de larmes. Sans cesse il meditoit la sainte Escriture, & il l'apprent si bien, qu'il sembloit qu'elle fut faite pour lui: il n'appartient qu'à lui de la faire parler. On le fit Abbé de Claireuaux, qui estoit vne meschâte fondriere cachée dans l'espais d'une forest d'absinthe, qui estoit vn vray coupe-
 gorge. Lui & ses freres firent vne vie la plus rude, & la plus pauvre, mais la plus diuine qu'on pourroit s'imaginer. Tout le monde venoit voir ces hommes du ciel, & quantité de personnes signalées n'en voulurent iamais plus sortir, comme Henry frere du Roy de France. Par tout où alloit prescher ce saint Abbé, il en peschoit tousiours quelque vn qu'il menoit à son nouitiat, qui estoit veritablement le paradis terrestre. On n'y mangeoit que du pain qui ne sembloit que de la terre, des fueilles d'arbres leur seruoient d'herbes potageres, & craignant encor la sensualité, ilz sucroient tout cela de cendres. Ce nouuel Apostre fit vn monde de miracles, de conuersions, d'affaires pour l'Eglise. il combattit les Antipapes, les heresiarches, les potentats; il se peut quasi dire, qu'il faisoit plus lui seul que tout le reste de la France. Il fonda des
 mona-

monasteres de son Ordre 160. il passe quasi comme Fondateur, car il est bien plus celebre que S. Robert Fondateur de Cisteaux. Iamais on ne vid homme qui pût mieux dire, *Omnibus omnia factus sum.* On le voulut faire general de la Croisade, chef du Concile d'Estampes & des autres, Archeuesque & Euesque en plusieurs villes, arbitre de la Papauté durant le schisme, en fin tout. Et cependant il n'auoit point d'estomach, point de santé, point d'appetit, point de loisir, certainement quasi point de vie, & il sembloit vn vray squelete, & vne mort viuante. Nostre Dame lui apparut, & lui donna son lait, le petit Iesus le vint voir la nuit de Noël, tout le paradis en estoit amoureux; les ames de Purgatoire lui venoient demander du secours. Toutes les vertus estoient en lui avec eminence, la chresme de la deuotion estoit dans ses Cantiques, qui ne sont qu'un extrait de ce qui estoit en son ame. d'Vn mot comme d'un coup de tonnerre il foudroia le cœur inuincible de Guillaume Comte de Poitou, & de mille autres malins esprits. Le Pape l'alla voir à Claireuaux. où il fut receu par environ 700. Religieux, avec vne croix de bois, faite d'autre; nul ne leua les yeux pour regarder le Pape. cette modestie fit pleurer le Pape & les Cardinaux de tendresse: il distina au refectoir, & on ne donna que des legumes à l'ordinaire: tout ce qu'on pût faire, ce fut de trouuer vn petit poisson pour le Pape. Il se peut dire en general, que depuis les Apostres nul n'a possible fait tant de miracles; nul Docteur tant de liures sans estudier; nul Hermite tant d'oraisons avec toutes ses occupations; nul homme tant d'offices ensemble; nul tant persecuté avec tant d'innocence. La France le pensa manger quand il prescha la Croisade

auec tant de miracles, & cependant ce fut vn carnage incroyable, & la ruine de la noblesse de France. Le Pape le nomma peu fidele à l'Eglise, quelque Prelat l'accusa d'auoir l'esprit de blasphemé, son secretaire le trahit, & escriuit des lettres furieuses en son nom, contrefaisant son sein, & lui faisant perdre sa reputation; ce doux agneau ne s'en plaignit iamais.

Tout cassé de traueux, & brisé de maladies, de ieufnes, d'austeritez, il perdit l'estomach, & la douleur d'estomach lui fit perdre la vie à Claireuaux le 20. d'Aoust, l'an 1153. de son aage enuiron le 63. ou 64. Il expira entre les bras des Prelats, Abbez & Moines, qui fondoient en larmes pendant ce Patriarche de leur Ordre, & voiant s'eclipser le soleil de ce siecle trop fortuné. Alexandre III. le canoniza l'an 1165. On ne scauroit aimer ni la Vierge Marie, ni la deuotion, qu'on n'aime S. Bernard, l'un des plus grands Saints qu'ait iamais eu la France.

Ce petit nard rendit vne odeur si agreable, & respandit tant de suauitez parmi les forests de ses cloistres, que tout le monde couroit pour se rendre Moine ou à Claireuaux, ou dans quelque maison de sa filiation. Le Roy de Portugal rendit par deuotion son royaume comme tributaire à l'Abbé Bernard, & au conuent de Claireuaux, & i'en ay veu la donation en bonne forme. Tous les Papes & les Roys receuoient ses aduis & ses lettres comme des oracles du paradis. Et parloit auec vne franchise pleine de tant de modestie, qu'il disoit ce que nul homme du monde n'eut osé dire, & si iamais personne ne le trouuoit mauuais. Quel discours tint il au Pape Eugene dans ses liures de Consideration? parle t'il pas comme pere, comme maistre, comme

vn Apostre, & comme vn Serafin? Et quand les Cardinaux firent Pape Eugene Abbé de S. Anastase, de quel air escriuit il au consistoire, au Capitole, & à cette ville Reine iadis de tout l'vniuers, & de quel accent reprimenda t'il ceux qui auoient fait vne election si estrange? Qui foudroioit l'heresie dans les Conciles à l'égal de ce saint Abbé? comment mena t'il & Pierre Abailard, & Arnaud de Bresce, & Pierre Leon, & tout ce qui se banda contre la verité, & contre l'Eglise? Fut ce pas vn Atlas qui porta le monde sur son dos, & sur les espauls, duquel sembloit rouler le firmament de l'Eglise? Quand tout l'vniuers se bandoit contre lui, il ne faisoit que rire, & il disoit qu'il estoit trop heureux, puis que les outrages qu'on faisoit à Dieu, tomboient dessus sa teste. C'est vne chose incroyable de voir combien de gens se banderent contre lui, non obstant qu'il se tuast pour obliger tout le monde. Il disoit en riant à ceux qui admiroient sa profõde science, qu'il estoit escholier des forests, & que l'echo des solitudes, les chesnes, & les sapins auoient esté ses maistres. Mais c'estoit l'arbre de la croix, où il en auoit bien appris d'auantage, qu'à l'ombre des forests. Il estoit englouti sans cesse dedans Dieu, & mesme en voiageant: quand il alloit sur le bord des riuieres, sur les montagnes, & par les forests, si on lui demandoit sur le soir ce qu'il lui sembloit de ces belles riuieres, & des chaullées, de ces estangs si clairs; Estangs? disoit il, & auons nous passé auiourdhuy par des chaullées, & aupres des estangs? Il prioit sans cesse, ou il estoit abysmé dans quelque profonde pensée de la sainte Escriture. Il auoit les miracles tellement à la main, qu'il en faisoit vn monde. Tous ceux, disoit il à Tolose, qui mangeront de ce pain, gueriront de
toutes

toutes maladies. Oui, dit vn Euesque, à la charge qu'ilz auront la vraye foy. Non non, dit le saint homme, quelque foy qu'ilz aient, quiconque en mangera, sera gueri de toutes maladies. Ce qui arriua tout, comme il auoit commandé. Il sembloit qu'il fut grand Vicaire de Dieu le Pere en terre, tant il est vray que tous les elements, & toute la nature lui obeissoit à baguette. On dit que le sang d'Abel mort parle encore: certainement il se peut dire que l'ancre de S. Bernard parle encore, & que S. Bernard soit viuant: car ses epistres, ses sermons, ses traictez ont vn tel ascendant sur les cœurs, que vous ne scauriez lire ses escrits, sans que vous couriez hazard de tremper de voz larmes, & gaster les liures que vous lifez. Ce n'est que lait, que miel, & que nectar du ciel: & quand il veut tonner & faire le mauuais, à la verité la terre, ou au moins les cœurs tremblent. Bellarmin souloit dire, que depuis les Apostres, il ne croioit pas, que l'Eglise de Dieu eut eu vn Saint qui fit plus de miracles, ni qui fut en cela plus Apostolique, & plus puissant que lui.

IL SOVLOIT DIRE:

1. *Bernarde, Bernarde ad quid venisti?*
2. *Maria re ipsa est fiducia mea, ipsa tota ratio spei mea.*
3. *Ego mei saculi prodigium sum, neque monachus, neque secularis.*
4. *Neque propter te cæpi, ô vanitas; neque propter te desinam, vade retro satana.*
5. *Monachi vix umquam, morientes, descendant in infernum.*
6. *Fasciculus myrrhæ dilectus meus mihi, inter vbera mea commoratur passio Domini mei Iesu Christi à conuersione mea.*
7. *Vnde superbis terra & cinis? si Angelis non pepercit, an parceret tibi Deus?*
8. *Quis mihi det, Deus meus, ut opprobria exprobrantium tibi cadant super me?*
9. *Intolerabilis impudentiæ est, ut, ubi maiestas exinanitur, vermiculus infletur & intumescat.*
10. *Factus sum tamquam vas perditum, & arbor verè infructuosa in domo Dei.*
11. *Nonne tibi debeo totum Deus meus, & plus quàm totum?*

1. Bernard, qu'estes vous venu faire en cette maison?
2. Apres Dieu toute ma confiance est en la tressainte Mere de mon Dieu.
3. Je suis vn vray monstre de ce siecle, ie ne suis ni moine, ni seculier.
4. Vanité insolente ie n'ay pas commencé pour l'amour de toy, & ne finirai pas non plus.
5. Quelle consolation, que quasi iamais le moine ne descend en enfer!
6. Mon bien aimé est tousiours collé sur mon cœur, comme vn bouquet de fleurs.
7. Ha! cendre glorieuse pourquoy t'enfles tu? ce Dieu qui a damné Lucifer, t'espargnera t'il?
8. Mon Dieu qui me fera la grace, que tous les outrages qu'on darde contre vous, retombent sur ma teste?
9. Est ce pas chose horrible, que Dieu s'aneantisse, & vn ver de terre deuienne glorieux?
10. Je suis vn vray pot cassé, & le iouët des hommes, vn arbre sec & sans aucun fruit.
11. Grand Dieu ne vous dois-ie pas tout, & plus que tout? & cependant ie vous donne si peu.

rigueur estoit grande, la ferueur encor plus, le Saint auoit de grands aduantages predisant ce qui deuoit arriuer, lisant dans les cœurs les plus profondes pensées, & ce qui est admirable, il sentoit la puanteur horrible du peché mortel. Vn de ses Religieux feignant d'estre malade pour estre dispensé du ieuſne, il se fait traicter extraordinairement en Quaresme. S. Norbert reuenant à Premonſtré, sentit vne si estrange puanteur, qu'il dit tout haut qu'il y auoit quelqu'un qui auoit fait quelque lourde eclipse. on lui mena ce Religieux, qui confessa sur le champ sa faute, il s'en corrigea, & la puanteur cessa incontinent.

Il exercoit vn grand empire sur les demons, & quelques mutins qu'ilz fussent, en fin il les chassoit. il y arriua des cas estranges en cecy, sur tout quand vn nouice par obeissance arrestâ lui seul vn possédé, que plusieurs ensemble n'auoient pû arreſter. Le malin esprit pour l'estonner vint vn iour à lui en forme d'un vilain ours à gueule beante, les pattes en l'air, droit pour l'estrangler: d'abord le saint homme eut fraieur, puis voiant qui c'estoit, s'en moqua, & le chassa bien viste. Voiant croistre son Ordre, il alla trouuer le Pape, pour faire confirmer ses constitutions: ce qui fut fait avec grand approbation de toute la cour de Rome. Pendant qu'il estoit en chemin pour s'en retourner, on ouit vne voix en l'air, qui dit qu'il seroit Euesque de Magdebourg. Norbert croioit bien en son ame que cela ne seroit point, tant il estoit esloigné de ces pensées si hautes: mais le Roy Lotaire, le Cardinal Legat, & les Prelats l'y contraignirent, & le menerent pieds nuds, comme il estoit, & mal vestu à l'Eglise, & quasi demi mort de fraieur & là il fut sacré Euesque.

Quand

Quand il se vid en cette dignité, il s'y appliqua en forte, que iamais Euesque ne fit mieux: il preschoit sans cesse, confessoit à l'Eglise, visitoit son diocese, nourrissoit les pauvres, mettoit la paix par tout, il retira les biens alienez de l'Eglise: mais ce fut là vne pierre de scandale. Plusieurs souleuerent vn orage contre lui, & il se descourit deux assassins qui vouloient le poignarder, si Dieu n'y eut mis remede, & n'eut reuelé leur malheureux dessein au glorieux S. Norbert. Mais il estoit inuincible, & ne laissa iamais de faire sa charge, quelque hazard qu'il fallut courir. Si Dieu est pour nous, disoit il, qui sera contre nous? Pour se donner entierement à son office, il fit eslire vn autre Superieur de son Ordre, & Dieu reuela que celui qui fut choisi, lui estoit fort agreable.

Ce saint Prelat appuia puissamment le Pape Innocent, s'opposant à l'Antipape Pierre Leon surnommé Anaclét, qui desehiroit l'Eglise. iamais il ne cessa que l'orage ne fut creué, & l'Eglise dans la tranquillité, & Innocent assis dans la chaire de S. Pierre.

Huit ans durants qu'il fut Euesque, il fit tant de choses remarquables, qu'en 50. ans vn autre n'en auroit pas fait là moitié: & le plus bel est qu'il disoit tousiours qu'il estoit fort inutile, & indigne de porter la mitre, qu'vn Ange auroit peine de porter dignement. Il fut attaqué d'vne maladie qui dura quatre mois, il se vid mourir peu à peu, & fut encor plus beau malade, qu'il n'auoit esté bon Euesque. Il se disposa parfaitement bien à la mort, il tint des propos d'vn Serafin, tout le monde ploroit horsmis lui. en fin il expira fort doucement le 6. de Iuin l'an 1134. & fut inhumé

en

en son monastere par ordonnance du Roy Lothaire, quoy que son Chapitre fit tout ce qu'il pût pour auoir ce thresor & cette sainte relique. Ils'apparut rayonnât de gloire à ses Religieux. l'Ordre s'enfla merueilleusement, & y eut 30. prouinces, 1300. monasteres d'hommes, 1400. de Religieuses: & c'est l'Ordre estoit tresflorissant du temps de S. Dominique, qui emprunta beaucoup de choses, comme ne manger point de chair, ieusner la plus part de l'année, n'vser point de linges, & autres austeritez, qui ont rempli cet Ordre d'vn nombre innombrable des tresgrands seruiteurs de Dieu.

Q

LES

LES SENTENCES

DE S. NORBERT:

1. *A la cour i'amaus ie n'ay esté content, hors la cour i'amaus me-
content.*
2. *Fay esté à la cour, i'ay esté dans le cloistre, i'ay esté dans les
dignitez; il n'y a rien de tel que d'estre entierement à Iesus Christ, &
n'aimer rien que lui.*
3. *Dans les austeritez c'est où on trouue les torrens des delices:
nul ne le croid qui ne l'esproue.*
4. *Nous craignons tant le diable, hélas! armez de Iesus Christ, il
nous denroit plustost craindre lui mesme, la croix seule le fait fuir
bien loing.*
5. *C'est vn grand cas que mon cœur n'est i'amaus content, que
dans Dieu son bon maistre.*
6. *Mille mondes ne valent pas la paix & le repos d'une bonne
conscience & d'un cœur vray Religieux.*

XVI. RAIMOND DV PVY.

Lecteur, ne craignez point ce Cavalier armé parmi ces agneaux & ces Saints, ni son regard farrouche: il est là pour les garder soigneusement. Son espée trenche pour la croix, & la croix benit son espée. C'est le soldat de Iesus Christ, qui garde le saint sepulchre, & la terre sainte: lui qui est destiné pour auoir soin des pauures à l'hospital, des pelerins parmi les Barbares: & comme ces autres Saints sont Fondateurs des Religions où on fait des Confesseurs, celui cy est le premier Maistre de l'Ordre où on fait des Martyrs. Tout Cheualier de Hierusalem & de Malthe ou deuient Martyr, ou fait vn mestier qui porte au martyre: s'ilz ne le deuiennent pas tous, certainement tous en doiuent auoir l'enuie.

Le premier qui commença fut Gerard, qui portoit vne croix blanche sur vne robbe noire. C'estoit peu de chose à son commencement. mais s'enflant peu à peu cela se respan- dit par le monde, & Raimond fut fait le premier Maistre qui gouerna cela. On prit la regle de S. Augustin, & on establit certaines cōstitutions. & quãtité de prieres qu'il falloit faire au lieu de l'office que les Religieux chantent en leur chœur. Ilz promettent foy, obeissance & chasteté, & cōme defenseurs de l'Eglise ilz cōbattent par mer & par terre les ennemis de Dieu & de son Eglise. l'An 1308. ilz enleuerent au Turc l'isle de Rhodes, & Clement V. leur en fit vn present, ou bien Godefroy de Bouillon. Ilz se transporterent

là pour en faire vn boulevard de la Chrestienté contre les assauts des Ottomans. Au lieu d'estre nommez les Cheualiers de S. Iean de Hierusalem, on commença de les nommer les Cheualiers de Rhodes. Ilz faisoïent enrager les Soldãs, & tous les Potentats; & Dieu benissoit leurs carauanes, leurs courses & leurs combats. Toutes les puiffances se banderent contre eux pour leur enleuer Rhodes: mais ces cœurs inuincibles soustindrent ces sieges, & firent tant d'armes, que tousiours ilz repousserent toute cette canaille maudite. En fin Dieu permit, pour chastier noz pechez, que l'an 1480. Mahumet Ottoman, apres tant de conquestes voulut descharger sa rage contre ces Cheualiers, & contre leur isle. il ne se peut dire la magnanimité de ces preux soldats de Iesus Christ: on dit qu'au dernier assaut il en mourut plus de 40000. & non obstant cela ilz repousserent cet Ottoman avec sa courte honte. Mais malheur voulut, que l'an 1523. en fin les Turcs l'emporterent, parce que les Princes Chrestiens, qui auoient d'autres guerres sur les bras, ne les peurent pas secourir. Ilz perdirent sur terre & sur mer: mais ilz furent coutonnez dans le ciel, aiant respandu leur genereux sang pour la defense de l'Eglise de Dieu. Cette forteresse imprenable fut prise, & ce boulevard des Chrestiens fut malheureusement enuahi par cette barbarie. l'An 1565. ilz prindrent l'Isle de Malthe, dont ilz portent le nom, & font là de signalez seruices à Dieu, à l'Eglise, & à toute la Chrestienté, defendant vaillamment l'Occident & tous les Chrestiens, qui seroient la proye de ces Mahomettans sans la vaillance de ces Capitaines inuincibles & infatigables.


Les

Les faits d'armes de Raimond, sa charité envers les pauvres, le soin des pelerins, les grands bien faits qu'il fit en ce monde, sont mieus connu des Anges que des hommes: & les merites de ces Cavaliers, qui par mer & par terre vont erigeant des trophées & des marques de leur vaillance, meritent que tout le monde les honore, & qu'on regarde ce Raimond comme vn Fondateur d'un Ordre qui a infiniment obligé & l'Eglise, & le monde. Ce que les autres font avec leurs chapelets, & leurs breviaires en grand repos, ces Seigneurs icy le font à coups d'espée, tousiours dans les hazards, tousiours dans les orages, & tousiours à deux doigts de la mort & de la couronne eternelle. Ilz ont ce bonheur là, qu'ilz peuvent viure en Cavaliers du ciel, & qu'ilz peuvent mourir comme des Martyrs de la foy Catholique.

LES

LES MAXIMES D'ESTAT
DES BONS CHEVALIERS:


1. Si nous viuons, viuons pour Iesus Christ; si nous mourons, mourons pour Iesus Christ. Car noz espèces ne trencent que par lui, ou pour lui.
2. Mon ame est en mes mains, & ma vie est tousiours sur la pointe de mon espée: à tout moment me voilà prest à combattre, ou vaincre, ou bien mourir.
3. Si nostre heure est venüe, mourons tous courageusement & glorieusement: si elle n'est pas venüe, que deuous nous donc craindre, allant à la bataille?
4. Viure & mourir autant vaut l'un que l'autre, quand tous deux sont pour Dieu.
5. Puis qu'un iour il faut mourir, vaut il pas mieux le faire pour Dieu, avec Dieu, & dans Dieu, & le faire de bonne grace?
6. Les autres Religieux d'ordinaire ne meurent que dans Dieu, mais nous il faut que nous mourions & dans Dieu, & pour Dieu.
7. Puis que la vie n'est qu'une milice generale, qui s'acquitte mieux de ce deuoir, que celui qui dedie sa vie aux combats du Dieu des armées?



S. GVILIELMVS

*Aquitaniae Dux,
à S. Bernardo conuersus, Eremitarum Ordinem
ferè collabentem in Transalpina Gallia restituit,
Guilielmitas instituit. Moritur anno 1156.*

Cornelius Galle sculp. T. Galle exc. cum priuilegio.



XVII. S. G V I L L A V M E.

Saint Jean dit qu'il vid vn iour vn lion tout d'un coup changé en agneau: le voicy, ou plustost vn diable changé en vn Serafin: car S. Guillaume filz du Duc de Guienne & Comte de Poitiers nasquit enuiron l'an 1100. & tant. il fut si mal nourri, que c'estoit vn enfant perdu. Il estoit grand comme vn geant, gourmand comme vn loup, cruel comme vn lion. Il estoit plongé en toute villenie: si quelqu'un estoit si hardy, que de lui en dire vn mot, il vous chassoit cela, ou l'estragloit. C'estoit le Prince le plus pernicieux qui fut sur la terre. Il ne pardonnoit pas mesme au Sanctuaire, & s'esleuant vn schisme dans l'Eglise, il supporta Pierre Leon Antipape surnommé Anaclæt, contre le Pape Innocent. On tint vn Concile à Estampes, où S. Bernard maintint Innocent: Guillaume se moqua de tout cela, on l'exco'munia, il tourna sa cholere en rage, & pensa tout renuerser de despit. Le Pape enuoia Ioffelin Euesque de Soissons & S. Bernard, pour arrester ce lion, & le ramener au berçail de l'Eglise. C'estoit lauer vn More, & perdre la peine & le sauon. S. Bernard lui parla en secret sept heures durant. Temps perdu, ce rocher est insensible. On y delegue d'autres Euesques, mais cela ne fit rien qu'allumer le feu d'auantage. En fin vn iour que S. Bernard disoit la Messe, & Guillaume comme excommunié estoit hors la porte avec ses satellites; le glorieux Abbé touché de Dieu prend Iesus Christ sur la patene, s'en va hors l'Eglise, va attaquer le mauuais Duc, & d'un tonnerre de voix extraordinaire & foudroiante va dire: *Voicy Duc, voicy vostre iu-*

R 2

ge,

ge, & vostre Createur: vous mesprisez les seruiteurs, nous verrons si vous en ferez autant à vostre maistre: de la part de ce grand Dieu ie vous coniuire de l'adorer, & de vous rendre à lui. En mesme instant Guillaume frappé comme d'un coup du ciel, tomba à la renuerse, commença à escumer par la bouche, à peine le pût on remporter. Iamais vous ne vistes gens si effrayez que ceux là. Ce pauvre Comte fut si saisi, qu'il ne sceut iamais trouuer sa langue pour dire vne seule parole. Croiez qu'il changea bien de vie, & que ce vilain courbeau deuint bien tost vne belle colombe. Il alla voir vn Hermite caché dans la forest de Poitiers, conféra avec lui de ce qu'il deuroit faire. apres plusieurs propos en fin l'Hermitte inspiré de Dieu lui dit, qu'il falloit tout quitter, & le donner aux pauvres, ieusner la reste de sa vie, & par ses larmes effacer tant de crimes abominables, qu'il fit faire à son armurier des armes pour couvrir son corps, & les vestir sur sa chair tout le temps de sa vie, couurant tout cela d'une haire fort aspre, & en cet equippage qu'il alla se ietter aux pieds du Pape Eugene, pour lui demander penitence & pardon general. Il obeit punctuellement, & s'en alla à Reims, où estoit à l'heure le Pape Eugene: qui le croiant vn affronteur, par inspiration diuine le rabroua fort rudement par deux ou trois reprises: mais en fin voiant si grande abondance de larmes, il lui donna vn bref adressant au Patriarche de Hierusalem, lui ordonnant d'aller là pour penitence, & pour se faire absoudre de toutes les censures. Il y alla d'un grand courage, & croioit encor d'estre trop heureux, tant il estoit touché de la grace de Dieu. Le Patriarche le conoissoit bien, & fit tout ce qu'il falloit pour le reconcilier à l'Eglise: & le bon Comte pensa mourir à force de plorer, & tira bien des larmes des yeux

yeux de l'assistance. Le Patriarche le voulut loger honorablement dans son palais: mais le saint penitent s'en excusa, choisissant seulement vne petite cabanne, où il fut neufans tous entiers faisant vne horrible penitence. Il ne mangeoit que du pain bien noir, ne beuvoit que de l'eau, dormoit sur la terre, n'ayant qu'un rude caillou pour tout oreiller, ce fer rongeoit sa chair qui estoit à demi pourrie, & possible pleine de vermine & d'ordure. Il perçoit les nuits en oraison, il receuoit des consolations ineffables, il estoit incessamment tout trempé de ses larmes, iamais en sa vie il ne fut si content. O que la grace de Dieu est puissante, & qu'un bon cœur est heureux en ce monde, en quel que lieu qu'il soit! Ses gens le cherchoient par tout le monde, & en fin l'ayant trouué, penserent esuanouir quand ilz le virent en ce piteux estat. Ilz le voulurent par amour ou par force ramener en Poitou: lui s'eclipsa, & se ietta dans l'espars des deserts, d'où il fit tât qu'il gaigna l'Italie, & alla heureusement aborder aupres de Luques. Là il lui arriua vn grand accident: car le diable iouant de son reste le tenta si furieusement, qu'il lui fit quitter toute cette façon de viure, sous couleur qu'il auoit tantost assez fait de penitence, & qu'il feroit bien mieux de soulager les Luquois d'une cruelle guerre qui les alloit menaçant d'une ruine totale. Il s'y laissa donc aller, dit aux Seigneurs Luquois, que s'ilz lui vouloient donner la conduite de l'armée dans peu de iours, ilz auroient la victoire. Ilz s'y accorderent voiant vn homme d'une si riche taille, & qui promettoit beaucoup par cette noble prestance. Le voila donc parmi les Capitaines bien deliberé de faire des armes à bon escien. Mais qui peut resister à Dieu, & s'opposer aux arrefts de sa prouidence? tout d'un coup le voila frappé d'a-

ueuglement, & commença à tastonner des mains, & chercher quelque appui. Figurez vous l'estonnement de tous ces Capitaines, & plus encor de ce pauvre Seigneur perdu tout à fait, & qui vid bien n'y voiât goutte, ce que Dieu vouloit dire par cet aueuglement. A l'heure il se prosterna deuant toute l'armée, & baigné de ses larmes fit amende honorable à Dieu, qui par son infinie bonté lui rendit la veüe du corps & de l'ame. Il prit resolution de retourner en Hierusalem: mais il fut pris par les pirates, & souffrit mille maux. Il estoit esclau & perdu, si Dieu ne lui eut inspiré le moien de se sauuer. Estant eschappé il s'en alla à S. Iaques en Galice, d'où il retourna en Italie, & se cacha dās la forest de Liuatie, où les diables enrageant se transformerent en toute sorte de bestes, & essayèrent de l'effrayer par des hurlements espouuantables. Il se moqua de tout cela, il desffioit tout l'enfer, & dit qu'en d'espit de toute cette canaille damnée il redoubleroit ses austeritez. Vn d'eux parut en forme du Duc son pere, qui lui commanda de se retirer de cet hermitage; du signe de la croix il desffit tous ces charmes. les demons forcenez enfonçerent sa porte, & se ruant sur le saint homme l'assommerent de coups. Mais nostre Dame qu'il auoit reclamée l'assista, & le guerit tout incontinent, lui promettant que ses trauaux feroient vn iour couronnez d'une grande gloire.

L'Odeur de sa sainteté se respandit par tout, & attira plusieurs à l'imitatiō de sa sainte vie: il restablit la vie solitaire des Hermites, qui estoit fort descheüe, & fit fleurir les deserts qui se peuplerent de saints Hermites viuants sous la cōduite d'un Superieur; il establit de belles loix, & la principale estoit l'exēple de sa vie Angelique. Mais Dieu, qui le vouloit plustost Martyr que Cōfesseur, permit que ces premiers

miers

miers Hermites se reuolterent contre lui, & lui firent mille indignitez. Le saint Hermite vid bien le ieu de la diuine prouidence. & adora les cōseils de Dieu. Il quitta tout, & se retira dans vne montagne, & puis pres de ie ne scay quelle ville. & fin dans vne vallée pres de Sienne. Là estât cassé de traux, il prit vn seruiteur nomme Albert, qui alloit mendier pour lui. Les bestes farrouches se iouoient avec lui, comme avec Adam dans l'estat d'innocence. Mais il ne faisoit que soupirer à l'eternité, & importunoit le ciel pour estre deliuré de la captiuité de cette miserable vie. En fin il gaigna ce qu'il desiroit, & eut assurance du iour de son decez. Il s'arma de tous les Sacremēts, & receut le viatique avec vne si grād'abondance de larmes, qu'il fit plorer toute l'assistance. Il consola le bon Albert, l'assurant qu'apres sa mort Dieu lui enuoiroit vn autre en sa place, & apres il rendit son heureux esprit le 10. de Feurier l'an 1166. ou bien 1156. & fut inhumé en vn petit iardin qu'il auoit cultiué de ses propres mains. Dieu fit bien conoistre la sainteté de sa vie par le cōcours du peuple, qui alloit visiter la petite chapelle faite dessus sō corps. Ne demãdez point de miracles, car le plus grand de tous c'est d'vn malheureux Comte, & d'vn Duc enragé, auoir fait vn si grand Saint, & d'vne poignée de terre auoir fait vn si beau soleil. Qui ozerá se desesperer voiant ces merueilles de la bonté de Dieu? O si l'echo de la solitude nous pouuoit dire les souspirs, dont ce saint hōme remplissoit les deserts, que nous apprendrions de belles choses! Si nous pouuions tendre son cœor, quel thresor verrions nous de pēsées Seraphiques! mais tout cela se reserue pour les Annales de l'eternité. Voicy ce peu qui nous est demeuré pour nostre consolation.

A D-

ADVIS SACREZ DE S. G VILLAVME,
ET SES SAINTES MAXIMES.

1. Tout l'univers n'est rien comparé aux delices d'une amoureuse solitude, où il n'y a que Dieu, & un bon cœur.

2. J'ay esté Duc, j'ay esté Comte, mais ce qui est bien plus pretieux, j'ay esté seruiteur de Dieu. Que sert il d'auoir tout le monde, si en fin on perd Dieu?

3. Helas! combien y ail d'ames dans les enfers qui ont soupiré à la vie solitaire, ont souhaité les cilices, & les haïres! mais il n'ont rien sceu faire que d'auoir des bonnes volontez.

4. Que noz petits trauaux sont legers, quand on les compare au poids eternel de la gloire qu'on nous prepare au ciel!

5. Il disoit mille fois: Mon Dieu n'entrez pas en iugement avec vostre pauvre seruiteur: car nul homme du monde ne se pourra iustifier denant vous.

6. On croid que j'ay bien de la peine: mais si on uoioit ce que Dieu donne à mon cœur, comme sans cesse il le flatte de ses misericordes, helas! qu'on diroit bien, que tout ce que ie souffre, est peu de chose au prix de ces douceurs?

7. Souffrons, Guillaume, souffrons ces petits maux, pour seruir le bon Dieu. ha! que pour seruir le monde, j'en ay bien souffert d'auantage!

8. On ne gousté pas Dieu, parce qu'on gousté trop le monde. que ne feroit un homme s'il auoit une bonne fois bien gousté la douceur de Dieu?

9. Las! que c'est peu d'un cœur pour aimer ce grand Dieu! qui seroit digne d'estre aimé d'un million de cœurs, ou d'un cœur aussi grand qu'est tout cet univers.


10. Dieu nous fait bien des biens, & nous permet bien des maux: mais tout bien balancé, les maux qu'il nous enuoie, nous font plus de bien, que les biens mesmes, quand cela est bien mesnagé.



B. IOANNES MATTHIA

Nobilis Gallus, cum beato Faelice Anachoreta
Religionem Sanctissimæ Trinitatis, et Redemptionis
captiuorum, concessâ ab Innocentio III. Regulâ, fun-
dauit anno 1198. Migravit è vita anno 1213.

C. Galle sculp. T. Galle excud.
Cum priuilegio.



XVIII. DE S. IEAN DE MATTA.

CE redempteur des captifs , & Patriarche de ceux qu'on nommoit les Redempteurs des esclaves, naquit en Prouence l'an 1154. Nostre Dame parut à Marthe sa mere qui en estoit enceinte , luisante plus que mille soleils, & lui dit qu'elle portoit vn enfant qui seroit le sauueur des esclaves; & les racheteroit en payât leurs rançons. La bonne femme baïsa le lieu où nostre Dame auoit mis ses pieds tandis qu'elle lui parla. Elle l'enfanta la veille de S. Iean Baptiste, & lui donna son nom. On le fit estudier à Aix, & puis à Paris, avec tant de bonheur, qu'en peu de temps on le voulut faire Docteur de cette Vniuersité la perle des Vniuersitez du mode. Son humilité lui fit refuser ce degré d'honneur, mais l'obeissance lui fit prendre, parce que S. Pierre lui apparut, & lui commanda de la part de Dieu de le faire. Mais cet honneur lui cousta bien des larmes, & encor plus quand l'Euesque de Paris à viue force le voulut faire Prestre. Il fallut pourtant obeir avec simplicité, & laisser faire Dieu. Quand le Prelat dit ces paroles *Accipe Spiritum sanctum*, tout le monde vid sur la teste de ce nouveau Prestre vne grand colonne de feu, comme vn canal par lequel le saint Esprit distilloit ses benites influences. Il dit la premiere Messe dans la chapelle de Monsieur de Paris, où affisterent les Prelats qui estoient à Paris. Cas estrange. Sur le point qu'il leua la sainte Hostie pour estre adorée du peuple, on vid vn Ange vestu de neige & d'vn blanc pretieux, portant sur son cœur vne croix mipartie

d'azur & d'escarlatte, & sous lui deux esclaves, vn More, & vn Chrestien. Cette vision effraia tout le mōde d'vn effray plein d'amour. C'estoit l'heureux horoscope de la vie, & le miroir de sa vocation, & de l'emploi de son Ordre. On fut d'aduis qu'il allast à Rome, affin d'esclaircir sa vocation, & affermer bien ses affaires: il voulut auoir au prealable la benediction de son pere, mais l'ayant trouué mort, il rendit ses deuoirs: puis retourna à Paris, où aiant presché avec estonnement & fruit incroyable, il deuint amoureux de la vie solitaire. Il disoit mille fois, *Domine quid me vis facere?* Dieu le pressa si fort, qu'il alla pres de Meaux, où estoit Felix vn bon Hermite, qui viuoit comme vn Ange du ciel. Cet Ange receut cet Archange, & ces deux cœurs ne furent plus qu'vn cœur. ilz vescuient dans ce delieueux desert l'espace de trois ans: vous eussiez dit que c'estoit S. Paul & S. Antoine, ou bien deux Seraphins. Vn iour que ces deux saints Hermites innocemment couchez sur le riuage d'vne fontaine de cristal, s'entretenoient des douceurs du paradis, ilz virent tout à coup paroistre vn ieune cerf bondissant par les prez, & tirant droit à la fontaine pour rafraischir son cœur, & noyer là sa soif. Ce qui les estonna fut qu'ils virent entre son bois vne belle croix composée d'azur celeste, & d'vn fin cramoisy. Cecy força S. Iean de Matta de dire au bon Felix, ce qui estoit arriué à sa premiere Messie. Cet estonnement leur fit conclure, qu'il falloit auoir recours à Dieu, pour scauoir ce qu'il vouloit d'eux, & au Pape pour iuger du dessein. En effect ilz quitterent le paradis terrestre de leur chere solitude, & partirent l'an 1197. pour aller ensemblement à Rome. Vn Ange apparut qui les afferma du bonheur de leur voiage; & le Pape Innocent III. eut

eut reuelation de la venie des deux grands seruiteurs de Dieu, qui lui baiferent les pieds l'an 1198. ilz ouurirent leurs cœurs, & leur dessein à sa Sainteté, qui communiqua le tout aux Cardinaux: lesquels aiant bien balancé l'affaire, dirent au Pape que la main de Dieu manioit cet ourage. Le Pape dit la Messe, & ces deux pelerins communierent; mais de-rechef on vid cōme à sa premiere Messe à Paris, l'Ange qui parut durant la Messe du Pape en mesme façon qu'à Paris. Cela fit refoudre sa Sainteté de leur donner l'habit blanc, & la croix, & les fit Fondateurs de la Religion qu'il nomma l'Ordre de la Trinité de la Redemption des captifs, le 2. de Feurier, iour de la Purification de nostre Dame. Il adiouxta par inspiration diuine ces belles paroles:

Hic est ordo approbatus,

Non à Sanctis fabricatus,

Sed à solo summo Deo.

Le Pape escriuit à l'Euésque de Paris, & à l'Abbé de S. Victor, qu'ilz donnassent vn lieu pour bastir le premier monastere. On prit le lieu mesme où ilz auoient fait penitence, & où il auoit veu le cerf courant à l'eau fresche, & le nom du lieu est *cerf froy*, où se fit la premiere maison de l'Ordre, & le premier establissement. La chose estant en bon estat, S. Iean eut reuelation d'aller à Rome pour eriger vn autre: ce qu'il fit, laissant S. Felix à Cerfroid: & de main en main en fonda plusieurs en diuerses contrées. Le premier rachat des captifs fut à Marrocho; où il enuoia deux de ses compagnons, & le Pape Innocent escriuit au Roy Miramamolín, qui les receut fort amiablement. Vne autre fois le Saint y alla en personne, & ramena vn regiment d'esclaves, rachetez des aulmosnes des Roys, Princes, & Seigneurs &

Dames de France. Toute l'Europe admira cet institut, & le Fondateur qui estoit vn des soleils de son siecle.

Durant qu'il fut à Rome, il ne cessoit de prescher, de visiter les malades, de consoler tout le monde, chasser les diables, & faire des merueilles. Son principal soin estoit de faire deliurer les esclaves, trouuer des aulmosnes, en ramener comme en triomphe des troupes entieres. Rome prenoit plus de plaisir à voir l'entrée de ces pauures captifs deliurez, que de voir entrer les Cefars en triomphe. O que la charité a de puissants attraits, & qu'un homme de bien est puissant! Ce saint homme sembloit auoir l'empire de l'Ocean, & des vents. En six heures il arriua vn iour de Tunis à Rome: tant les vents lui estoient fauorables, pendant qu'il tenoit vn crucifix à la main droite, & les yeux collez dans le ciel. Il fut dans les armées, & y fit des merueilles; pendant que les autres faisoient des armes, lui versoit des larmes, & iettoit la fraieur dans les cœurs ennemis. Cependant S. Felix son compagnon, & son maistre rendit son esprit à Cerfroid le 4. de Nouembre l'an 1212. aagé de 85. ans, & mourut comme les Saints meurent en ce monde.

S. Iean fit vn Chapitre general à Rome, & mit la derniere main à son Ordre. Vn iour qu'il brusloit d'une sainte ferueur, & qu'il estoit rauy en contemplation, nostre Seigneur le consola, lui descourant les biens qu'il auoit fait en Europe, puis lui reuela que le 17. de Decembre il viendrait accueillir son heureux esprit, pour le mettre au repos eternel. Cette nouvelle pensa faire esclatter de ioye son pauure cœur. Il donna aduis & fit part de cette chere nouvelle à tous ses enfans, & les pensa faire mourir de
peur

peur de le voir mourir. Il fit ouvrir son tombeau quelques iours auparauant, & aiant esté saisi d'une fièvre ardente, il sentit bien que l'heure de Dieu s'approchoit. Il se fit porter à l'Eglise, il s'arma de tous les saints Sacrements, il versa tant de larmes d'amour & de douceur, & il en tira tant des yeux de tous ses freres, que cela ne se peut ni croire, ni bien dire. Il fit porter vers son tombeau son cilice, ses disciplines rougies de son sang, & tous les instruments de ses austeritez, voulant estre enseveli avec ses armes ordinaires dont il auoit combattu ses ennemis, & les auoit vaincuz. Il fit vn sermon si tendre, qu'il donna de la tendresse à toute l'assistance, & puis aiant parlé à Dieu, & chanté comme vn cygne, il rendit son heureux esprit dans le sein de Dieu, disant son *In manus*. Ce fut le 17. de Decembre 1214. le 16. del'establissement de son Ordre. dans le conuent de S. Thomas à Rome. Le Pape voulut que son benit corps demeura quatre iours pour la consolation des peuples qui y accouroient à la foule. Il se fit quantité de grands miracles par l'attouchement de ces sacrées reliques. De ce pretieux corps couloit vn baulme odoriferant, qui guerissoit les maladies, & cela dura fort long temps. On le trouua armé d'un rude cilice apres sa mort, & ceind d'une chaissine de fer sur les reins. Il ne dormoit que quatre heures à l'Eglise, le reste des nuits se passoient en profondes contemplations: disant la Messe il fondoit tout en larmes. & voila à peu pres comment cet homme Apostolique a gaigné paradis.

LES

LES MOTS QV'IL AVOIT SOU- VENT A LA BOUCHE, ET AV COEVR:

1. Domine quid me vis facere? *Grand Dieu que voulez vous que ie fasse? car ie suis tout à vous.*
2. Quis mihi dabit pennas columbæ, & volabo, & requiescam? *Qui me donnera des aïles d'une colombe innocente, pour voler au desert, & reposer dedans la solitude?*
3. Quando veniam, & apparebo: multum incola fuit anima meâ. *Ha! que la vie est longue & mon pelerinage! mon Dieu quand irai-je voir ce que i'aime?*
4. O Dieu que ie serois obligé à quiconque me voudroit mettre au chemin du paradis?
5. N'aimer rien en ce monde, & trouuer Dieu par tout, ce sont les souhaits de mon ame?
6. Pourrai-je point vn iour me vendre moi mesme, vous racheter quelque pauvre captif?
7. On ne scauroit penser combien on trouue de douceurs dans l'austerité des cilices, des chaisnes de fer, & dans la croix de Iesus Christ.
8. Ie ne craind rien que Dieu, mais ie le craind si amoureuusement, que i'aimerois mille fois mieux mourir que faire de sang froid vn peché veniel.

XIX. S. DOMINIQUE.

Gregoire Pape IX. canonizant S. Dominique, dit qu'il ne doubtoit non plus de sa sainteté, que de celle de S. Pierre & S. Paul. Ce diuin enfant naquit l'an 1170. à Calaroga en Espagne au diocese d'Osme, de Felix & Ieanne ses pere & mere. Sa mere estant enceinte vid en songe, qu'elle portoit vn petit chien qui mordoit vn flambeau si luisant, qu'il embrasoit tout l'vniuers. si tost qu'il fut baptizé, on lui vit vne estoille au front si luisante, qu'elle sembloit vn petit soleil. Les mousches à miel se vindrent iouer à sa bouche dans le berceau, pour augure de sa douce eloquence. Ses esbats en son enfance estoient de faire des autels, adorer le tressaint Sacrement, faire des petits sermons à ses compagnons, donner ses liures aux pauures, & plorer quand il n'auoit rien pour leur donner, coucher sur la dure, & faire son premier nouitiat de la Religion. il se voulut vendre pour racheter vn esclau. Le lis de sa virginité ne flestrit iamais, il l'arrousoit aussi de beaucoup de larmes, & l'eschauffoit des ardens souspirs de ses deuotions Sera- phiques. l'Euesque d'Osme le fit comme par force Chanoine & Archidiaque, & il commença à prescher rauissant tout le monde. vn homme qui fait ce qu'il dit, c'est le Roy des cœurs. son liure estoit Cassian, & la sainteté de ces bons Peres. On le mena à Paris, où il dit à la Reine Blanche, que si elle vouloit auoir vn Dauphin, qu'elle fut deuote de nostre Dame, qu'elle dit deuotement le chapelet, & en fit donner à toute sa cour: ce qui fut fait, & en

T 2

effect

effect elle deuint grosse de S. Louis. De là il passa à Rome, puis à Tolose, où les Albigeois rauageoient l'Eglise. Dieu l'inspira de demeurer là pour les combattre: ce qu'il fit si heureusement qu'il estouffa & brusta cette hydre du feu de son zele, & de flammes de ses prieres. Eux composerent vn liure, & S. Dominique le sien: tous deux furent iettez au feu, celui des Albigeois fut brulé aussi tost, celui du Saint demeura sans aucun dommage. on tient qu'il conuertit plus de cent mille ames. Il fit le conuent de Prouille pour sauuer l'honneur des filles nobles, & ce fut le premier monastere des filles de son Ordre. Il alloit nuds pieds de village en village, pauvre, mesprisé, mais brulant d'amour de Dieu. A la teste de l'armée contre les Albigeois il paroissoit le crucifix au poing, & le chapelet à la main, & faisoit plus lui seul par les coups de canons de son cœur embrasé, que tous les regiments tous ensemble avec tous leurs efforts. Plusieurs se ioignirent à lui pour viure comme lui, & combattre l'heresie.

Ce que voiant il fut inspiré de Dieu de faire vne Religion destinée à combattre l'erreur par les sermons, & par la sainteté de la vie. Pour cest effect il alla trouuer le Pape Innocent III avec Foulques Euesque de Tolose, qui alloit à ce fameux Concile de Latran où il y auoit 1285. Prelats assemblez. Le Pape fit beaucoup de difficultez d'accorder vn nouuel Ordre: mais comme vne nuit il vid que S. Iean de Latran tomboit, & que S. Dominique soustenoit toute l'Eglise, il se rauisa, & lui ordonna de choisir vne regle. Avec l'aduis de ses compagnons il prit celle de S. Augustin, & les constitutions fort austeres de l'Ordre de Premonstré. il retourna à Rome, où il trouua Innocent III. mort

mort

mort le 16. de Iuillet l'an 1216. mais Honoré III. le receut
 comme vn Saint, & approuua son Ordre. Il vid nostre
 Dame qui le presenta à son filz; il vid S. Pierre qui
 lui donna son baston, & S. Paul le liure de ses Epistres,
 & lui dirent, *Va t'en prescher cela, & tes compagnons aussi, car
 Dieu vous appelle à cest office Apostolique.* l'An 1217. le iour de
 l'Assomption il delibera avec ses freres tout ce qu'il fal-
 loit faire pour conseruer son Ordre Il donna l'habit blanc
 & noir, comme la sainte Vierge l'auoit monstré. Ilz estoient
 si pauures des biens de la terre, si riches des thresors du
 ciel, que tout le monde admiroit ces Anges. Il alla & en-
 uoia prescher par tout, & l'Ordre s'enfla en moins de rien
 tresnotablement. La doctrine, la sainteté, les miracles
 c'estoient les trois pieces avec lesquelles ce saint Patriar-
 che, & ses enfans conuertissoient le monde. Pour lui il re-
 fuscita des morts, & fit des merueilles à Rome. Il fut esleu
 General, & fit tout ce qu'il pût pour ne le pas estre, disant
 qu'il estoit indigne de telle dignité: mais il n'y gagna rien.
 Il brusloit d'amour de Dieu; il dormoit sur la dure, toutes
 les nuits il faisoit trois disciplines; il estoit vierge & pur
 comme vn Ange; son humilité estoit tresprofonde, & sa
 douceur rauissante; il ne demandoit rien à nostre Seigneur
 qu'il ne lui accordast: tant il prioit de bonne façon; il viuoit
 comme vn Seraphin; il preschoit comme vn Apostre; aussi
 mourut il comme vn grand Saint à Bologne l'an 1221. le
 6. d'Aoust aagé de 51. ans: il fut canonisé par Gregoire IX.
 l'an 1235. A sa mort tous ses enfans fondoient en larmes,
 lui seul estoit ioyeux: aussi nostre Seigneur & nostre Da-
 me vindrent accueillir son ame fortunée pour la porter au
 ciel. Il disoit tous les iours la Messe, & versoit des ruisseaux
 de

de larmes. il auoit vn don sublime d'oraison, & souuent on le voioit suspendu en l'air, & raionnant de grace. Sa vie estoit vn vray miroir de sainteté, son Ordre vne Hierarchie d'An- ges. le fruit qu'il a fait dans l'Eglise, va quasi iusqu'à l'infini, & il faudroit des tomes pour dire toutes ses grandeurs. On void encor à Bologne la petite chambrette où il rendit son heureux esprit. Il lui eschappa vn peu deuant que d'entrer en agonie, de dire entr' autres choses qu'il sortoit de cette vie aussi pur qu'il y estoit entré, remportant sa virginité au ciel qui lui l'auoit donnée. Si tost dit, si tost il eut le regret au cœur, & se confessa de cette petite indiscretion, d'auoir déclaré qu'il estoit vierge, sans necessité: tant son ame estoit pure. On le peind avec vne estoille au front, mais ie vous asseure, que si toutes les estoilles du firmament estoient tombées sur sa chappe, & enchassées là dedans, il le meritoit bien, puis que le paradis estoit au milieu de son cœur. On a mis son pretieux corps dans vne chasse d'allebastre: aussi vray ie voudroi qu'on l'eut mis dans vne de pur or greslée de pierreries. Vne telle relique ne scauroit estre tenue trop pretieusement.

Il fit quantité de miracles durant sa vie, mais le nombre de ses vertus est innombrable. Chacun a son aduis à part: pour moy i'estime plus ses vertus, que ses miracles, & aimeroi mille fois mieux estre heritier de celles là, que de ceux cy. Il ne preschoit pas volontiers à Tolose, parce qu'on l'y adoroit; il preschoit tresvolontiers à Carcassonne, là où on se moquoit de lui: & il estoit friand du mespris, autant qu'il estoit ennemi de la vaine louange. Mon Dieu que le saint homme souffrit de maux en sa vie, & de toutes façons. La calomnie ne l'esbranloit non plus que l'escume de la mer vn rocher


rocher

rocher inuincible. Le diable fait peur aux autres, mais lui faisoit peur au diable, & quand il le voioit quelque fois qu'il venoit muguetter ses ieunes nouices, il vous le traittoit comme il faut, & ler'enuoioit au profond des enfers. Il auoit graué bien auant dans le cœur le seruice de la tressainte Mere de Dieu, qu'il aimoit plus que sa vie. Ce fut lui qui fema sa deuotion par tout l'vniuers; & comme sur la naissance de son Ordre les diables enrageoient, & faisoient mille maux à ses Religieux, par la deuotion de nostre Dame il les mit à couuert. En effect vn iour la glorieuse Vierge parût avec vn grand manteau blanc, sous lequel elle tenoit à couuert tous les Religieux de cet Ordre, & mille fois a combattu pour eux. On ne scauroit dire combien il a donné de Papes, de Prelats, de Docteurs, de Martyrs, & de Saints à l'Eglise. Car pour le nombre des lis, & des vierges qu'il a donné au ciel, c'est chose que Dieu scait, & lui qui en est le bon pere. Pay grand tort de croire qu'on puisse coucher de si grandes vertus en vn tableau si raceourci, & en si petit volume. Le n'en donne aussi qu'vn eschantillon, affin qu'on puisse par là porter iugement de toute la piece; & pour acheuer tout, ie vous donne icy le pressis, & le consumé de tous ses sermons, qui est le Decalogue de ce saint Patriarche:

LE

LE DECALOGVE DE S. DOMINIQUE:

1. Il faut faire ce que Dieu veut, disoit il, & ne s'amuser pas aux discours des creatures.
2. Que seruiroit il de gagner tout le monde, si on perdoit ou Dieu, ou son ame, ou tous deux?
3. Quiconque de bonne heure a quitté le monde pour servir Dieu, ne craint point de quitter le monde, & va au deuant de la mort.
4. La negligence fondée sur la confiance de vostre vertu, c'est la pire de toutes les tentations.
5. Le moins qu'on participe aux choses de la terre, c'est le meilleur pour nous.
6. Pour estre bien scauant, & en bref, il ne faut estudier que dans le liure de la charité, & dans les cinq plaies de Iesus Christ.
7. Aimez bien la pauvreté, & la vraye humilité, & puis vous ne craindrez rien en ce monde.
8. Vne grand marque d'estre bon seruiteur de Dieu c'est d'aimer les seruiteurs de Dieu, & les hanter souuent.
9. O que c'est vne chose pretieuse que la virginité & la pureté! mais il y faut bien du soin pour la conseruer.
10. Qui scauroit bien estre maistre de ses passions, il seroit maistre de l'uniuers: il faut ou les gourmander, ou estre gourmandé d'elles, & vaut mieux estre le marteau que l'enceinte.



S. FRANCISCVS

Assisias, Fratribus Minoribus
suis regulam tradidit, approbatam ab
Innocentio III. a. 1210. et Honorio III.
a. 1223. Pauper et humilis caelum
aves ingreditur anno 1226.

C. Galle sculp. T. Galle exc. cum priv. 1710.



XX. S. FRANCOIS.

CE n'est pas la sainte pauvreté que vous voiez icy, mais c'est son cher espoux, ou son frere S. Francois d'Assise, qui comme vn beau soleil se leua sur la terre l'an 1182. Son pere se nommoit Pierre Bernardon marchand, sa mere Pique, qui s'en accoucha dans vne pauvre estable conuertie depuis en chapelle. On l'appella Iean au baptesme, & Francois au Sacrement de Confirmation. Il fut ieune aussi bien que les autres, mais tousiours ce fut vne ieunesse gaye & innocente. Il fut comme Iob, qui disoit qu'il estoit frere iumeau de la misericorde & de la pauvreté, estant nai au monde en mesme iour & d'une mesme portée. aiât par mesgarde refusé vn iour l'aumosne au pauvre, il fit vœu de iamais plus ne la refuser à personne, vœu qu'il garda inuiolablement. Aiant donné vn iour son manteau à vn pauvre homme, la nuit il vid vn palais tout battu d'or & d'azur, & marqué de croix pretieuses, & il ouit vne voix qui lui dit que c'estoit à lui & à ses soldats. Il crût qu'il deuoit estre soldat, & s'en alloit à Naples prendre les armes : mais vne autre vision le fit retourner, disant qu'il estoit appelé à vne autre milice. Ce saint enfant donnoit tout, vendoit tout, non obstant que son pere le battit, l'emprisonnast, lui fit mille maux, & que toute la ville se moquast de lui comme d'un fol. en fin son pere le traïsna deuant l'Euesque, & le fit renoncer à tout ce qu'il pouuoit pretendre à sa succession. Le saint garçon le fit, & se des-

pouilla iusqu'à sa chemise, & dit: *Tenez, ce sera donc maintenant que ie pourrai dire, Nostre pere qui est ez cieux* On lui donna vn meschant habit de village, qu'il receut comme vn thresor du ciel. Il se mit à seruir vn hospital de ladres, où il nettoioit la bouë de ces miserables, les baiſoit à la bouche, & en guerit miraculeusement. Il y auoit vne chapelle pres d'Assise nommée Portiuncule, iadis nostre Dame des Anges: il s'y habitua avec grande deuotion, & la tressainte Vierge y parut bien souuent, & les saints Anges aussi. Ce fut là où il ietta les fondemens de son Ordre Seraphique. L'an 1209. le 16. d'Aouſt il donna l'habit à ses premiers compagnons, qui le voulurent imiter en cette nouvelle vie qu'il se resolut de mener, apres auoir entendu lire l'Euangile qui disoit qu'il ne falloit auoir ni argent, ni ceinture, ni rien du monde. en effect il quitta tout, & prit l'habit que nous voions que portent ceux de sa sainte famille. Quand il preschoit, il auoit des mots pleins de Dieu, & qui transperçoient les cœurs des hommes les plus farrouches. Il dressa vne petite regle tirée de l'Euangile, & s'en alla au Pape Innocent III. pour la faire confirmer. Le Pape & les Cardinaux, qui crioi-ent qu'il falloit reformer les vieilles Religions plustost qu'en forger des nouvelles, le rebutta: mais aiant veu en vision l'Eglise de S. Jean de Latran qui s'en alloit tomber, & ce saint homme qui la soustenoit comme vn nouuel Atlas; vid bien ce que cela vouloit dire, & confirma ses regles, & establit l'Ordre, & receut leurs professions l'an 1209. il fit Francois General de l'Ordre, & receut vne ioye non pareille. S. Francois vid là S. Dominique, & iurent

rent

rent vne amitie eternelle, s'entr'embrassant comme deux Serafins. Il s'en retourna vers Assise, & ilz demeurèrent en vne cabanne si estroitte que rien plus, à peine chacun se pouuoit il estendre de son long: tout le paradis descendit là pour les visiter. de là ilz allerent à la Portiuncule, & commencerent à prescher par les villages. On ne scauroit croire les conuersions des ames, & les miracles que faisoit ce saint homme & ses saints compagnons. C'est vne chose infinie de dire les visions qu'il eut, les miracles qu'il fit, les cœurs qu'il changea lui & ses freres: car en peu de temps il pût tenir vn Chapitre general, où s'assemblerent 5000. Religieux. Souuent il apparoiſſoit aux vns & aux autres en diuerſes figures. Il fit & refit vne autre regle plus courte que la premiere, & il n'y mit rien sinon ce que Dieu lui auoit inspiré à la sainte montagne dans la ferueur de son oraison. Et comme on doubtoit de la rigueur de cette regle, vne voix du ciel vint qui dit par trois fois, qu'il falloit garder la regle à la lettre, sans rien y changer du tout. il la fit confirmer par le Pape Honoré III.

Ses vertus sont infinies, & toutes eminentes, & de chacune on feroit quasi vn liure tout entier. L'Austerité de sa vie estoit extreme, il mangeoit si peu, & choses si maufades, & encore sucrées de cendres, qu'on pouuoit dire de lui comme de S. Jean Baptiste, qu'il ne mangeoit, ni ne buuoit, ni n'estoit quasi pas vestu. Il dormoit souuent sur la terre. Il estoit amoureux de la sainte paureté, & sembloit l'auoir pour espouse, pour reine, pour me re, pour thresor, pour tout. Il aimoit les pauures

comme des Anges, & vrayz enfans de Dieu: l'humilité estoit son thresor.

Son cœur estoit vne fournaise bruslante d'amour diuin. ce fut vne double faueur qu'un Serafin lui fit cinq ouuertures comme cinq plaies dans son corps, tant pour ressembler Iesus Christ qu'il aimoit plus que sa vie, que pour donner de l'air à son cœur, & esuaper ces flammes par ces ouuertures, en danger que son cœur ne creuast. Il voulut estre Martyr, & sur cettè esperance il se trāsporta à Maroques. Dieu ne le voulut pas: il s'en retourna en Italie, où il se martyrisa soimesme par mille austeritez insupportables. Pour prouuer la verité de la foy qu'il prechoit au Soldan, il offrit d'entrer dans vn grand feu, à la charge que s'il en sortoit, ilz se conuertiroient: le Soldan ne voulut pas hazarder sa creance.

Il viuoit plus d'oraison que de pain, & ne respiroit quasi que pour soupirer à son Dieu: il passoit & perçoit les nuits en prieres, & crioit toute nuit, *Mon Dieu, & mon tout*. Il versoit vn deluge de larmes. En comuniant il estoit souuent rai en ecstase, ou suspédu en l'air, & iamais il ne voulut estre Prestre par vne profonde humilité. Sa vie n'estoit quasi qu'un ieufne continuel, tant il faisoit de Quaresmes, de Iesus Christ, de nostre Dame, & de S. Michel. Il se retiroit au desert souuent pour vaquer à la contemplation, où il receuoit tant de raions des lumieres du ciel: son cœur estoit si fort enyuré de douceurs, que lui seul est capable de le bien expliquer. Il lisoit dans les cœurs, il voioit les choses esloignées, & predisoit mille choses qui arriuoient à point nommé. Les petits oyfillons, les poissons, les ani-
maux

maux lui obeissoient promptement, & se iettoient à ses pieds, & dans son sein auéc vne priuauté la non pareille: il les nommoit ses bons freres, & enfans d'un mesme pere le Createur du ciel & de la terre. Cent fois cela lui est arriué. A force de plorer il en perdoit la veüe. le medecin ordonna vn cautere: il obeit, & dit au feu, Mon frere ie te prie modere ton actiuité extreme, & fais si doucement que ie te puisse supporter aisement. on lui plongeabien auant le fer chaud dans la teste, mais il nes'en sentit non plus que si le feu eut esté de la glace. En sa maladie il eut enuie d'auoir vne goutte de vin pour resiouir son cœur; le medecin lui nia tout à plat, on lui donna de l'eau qu'il benit, & soudain elle fut changée en vin tres excellent: il en bût, & guerit sur le champ. Quand Iesus Christ lui enuoia vn Ange qui ioüa d'un instrument du paradis pour le resiouir en sa maladie, il en pensa mourir. Mais il faudroit vn grand volume pour dire tous ses miracles, & desplier toutes ses vertus transcendantes. C'est vne faueur inouie que ces stigmates, qu'il receut du Serafin à la montagne Aluerne le 14. de Septembre, & que le Pape Alexandre IV. dit auoir veues lui mesme, & les autoriza en vn sermon qu'il fit, où estoit S. Bonauenture qui l'a escrit de la forte. Plusieurs Papes ont approuué cela, permis qu'on ait fait la feste auéc celebrité, & Sixte V. commanda que dans le Martyrologe Romain on en fit memoire le 17. de Septembre.

Nostre Seigneur lui fit bien souffrir de la peine par le moien de ces plaies sacrées: cet honneur, hélas! lui cousta bien cher, en effect il seichoit à veüe d'œil, & sembloit

vne

vne anatomie. Dieu lui reuela sa mort, il la predict à ses freres: il se fit porter à sa chere Portiuncule, où il voulut rendre l'esprit là où il auoit eu ses premieres lumieres. Il se coucha sur la terre plate, tout nud comme Iesus Christ sur la croix, voulant mourir pauvre comme vn vers de terre. le Gardien lui ietta vne vieille robbe sur son corps, lui disant, *Mon frere ie vous donne, ou plustost nous vous prestons cette robbe, prenez la par aulmosne, & pour l'amour de Dieu.* Il la prit, il en plora d'aïse, & tira des larmes des yeux de ses enfans: qui voiant ce spectacle penserent mourir ou de douleur, ou de fraieur, ou de consolation extreme, voiant mourir si saintement leur bon Pere. Il se fit lire la Passion, il dit des mots du paradis: & il n'est pas croiable comme ses dernieres paroles eurent vn grand pouuoir sur les cœurs de tous les enfans. Apres leur auoir recommandé les vertus principales pour seruir Iesus Christ, il commença d'entrer dans l'agonie, & malgré la mort il commença à chanter le Pseume 141. & arriuant à ces paroles, *Mon Dieu tirez mon ame de la prison, affin que ie confesse vostre saint nom, les iustes m'attendent, donnez moy la recompense que vostre bonté m'a preparée,* & à tant il rendit cet esprit Seraphique dans le sein de son Dieu. Ce fut vn samedi au soleil couchant, le 4. Octobre l'an 1226. le 20. de sa conuersion, de son aage le 45. Grand Dieu! quel progres, dans 20. ans faire vn tel amas, & vn tel mont ioye de merites! ha! combien ce saint homme condamnera de milliers d'hommes qui en tant d'années ne font rien?

Tout le monde accourrut pour baiser ces saintes playes,

playes, & ce corps innocent. Gregoire IX. alla expres à Assise où on l'auoit enterré si solennellement, & le canoniza l'an 1218. le 15. de Iuillet. L'An 1230. le 25. de Mai on transporta son corps en l'eglise bastie en son nom, & le Chapitre general, qui y estoit, sentit vne odeur du tout admirable & soueue. Le Pape Nicolas IV. avec vn Cardinal & quelques Religieux voulut entrer dans la voute où estoit gisant ce saint corps. Ilz le trouuerent 62. ans apres sa mort tout droit sur ses pieds sans estre appuyé, les yeux ouuerts & tournez vers le ciel: le corps estoit entier & coloré comme il estoit en sa vie: le Pape vid, & baïsa les plaies qui estoient encore toutes entieres, & fut tellement rauï d'aïse, que lui & les autres y passerent la nuit sans y prendre garde.

Il estoit de petite taille, d'vne face fort agreable, des yeux vifs, vn front plein d'vne douce serenité, le teint vn peu haut, la voix fort agreable, l'esprit vif, & eloquent naturellement, de petite corpulence, & en fin ce n'estoit qu'vne peau cousüe sur les os, & vn vray squelete. Mais dans vn si pauvre estuy à la verité il y auoit vn esprit Seraphique assez mal logé là dedans. Je ne scay où pouoient loger tant de brasiers dans vn petit cœur tout flestri, & tant d'amour diuin dans vne si petite creature. Mais ce sont des coups de Dieu, qui dans le rien scait bien loger tout, quand il veut, & esleuer le filz d'vn marchand dedans les Hierarchies les plus hautes des Anges. Son epitaphe fut mis par ordonnance du Pape Gregoire IX. l'an 1218. en voicy la substance:

Cy gist vn homme Seraphique, Catholique, Apostolique Ro-
X
main,

main ; un corps qui n'est ni vif, ni mort, perçé des admirables stig-
 mates de Iesus Christ; un soleil d'humilité, un des piliers du monde,
 un des reparateurs de l'Eglise de Dieu; homme (comme dit le Pa-
 pe) ante obitum mortuus, post obitum viuus; homme mort
 deuant sa mort, homme viuant apres sa mort; qui ne viuoit que
 mourant tous les iours, & ne mourroit que pour mieux viure, com-
 me s'il eut esté le maistre de la mort & de la vie. Si vn Serafin ve-
 noit viure parmi nous, ie croi qu'il n'en feroit possible
 guere d'auantage que ce saint Patriarche. A l'instant de
 sa mort il parut à quelques personnes disant qu'ils s'en al-
 loit en paradis. Puisse t'il paroistre à noz cœurs, & leur
 apporter quantité des graces du ciel, pour imiter sa vie Se-
 raphique!

SES

SES PENSEES SERAPHIQUES:

1. *Quand tout manque, dites du profond du cœur, Nostre pere qui est ez cieux.*

2. *Iettez voz pensées en Dieu, & mettez voz cœurs dans son sein, & il vous nourrira delicieusement.*

3. *Je ne scay ni aimer Dieu, ni lui rien dire qui me contente; Verbe eternal, & vous diuin Esprit dites au Pere eternal ce qu'il faut qu'on lui die, aimez le pour vous & pour moy: car c'est ce que ie voudrois bien faire, mais ie ne le scaurois.*

4. *Vn bon cœur doit estre mere de Iesus Christ, & son frere, & son ame l'espouse du Filz de Dieu. Espouse par vne grande union, frere en obeissant au Pere, mere en le portant tousiours au milieu de noz cœurs.*

5. *Vn vray Superieur est comme vn blanc où tout le monde tire; il est vne victime que tout le monde immole tous les iours; c'est le seruiteur de toute la communauté.*

6. *Iamais vous ne scaurez commander, que vous ne scachiez bien obeir: gouvernez les autres comme vous voudriez qu'on vous gouvernast vous mesme.*

7. *Iamais vous ne sereZ triste, si vous vous souuenez que Dieu est vostre pere, Iesus Christ vostre frere, le saint Esprit vostre gouverneur, & nostre Dame vostre bonne aduocate.*

8. *Quand tout est perdu, & que vous auez bien de la peine, aiez tousiours au cœur ces paroles, Pro his omnibus paratur nobis regnum cælorum. Pour ce peu de peine on nous prepare le royaume des cieux.*

X 2

9. N'at-

9. N'attendez pas de faire iamais rien qui vaille, si vous n'aimez d'estre enfant d'oraison: à mesure que vous l'aimerez, Dieu benir ce que vous ferez.

10. Qui pese bien ce que Iesus a fait pour nous, & a souffert, peut il iamais se plaindre en ce monde, quand il souffriroit les peines de Purgatoire?

11. O qu'il fait bon aimer Dieu! & n'aimer rien que lui! & l'aimer plus que soi mesme! l'aimer autant que tous les Serafins, autant qu'il est aimable! Plus on l'aime, plus on le veut aimer, & il semble que iamais on ne l'aime la moitié de ce qu'il merite.

XXI. SAINTE CLAIRE.

Cette sainte Vierge qui porte Iesus Christ, ce n'est pas nostre Dame; mais c'est vne vierge, ez mains virginales de laquelle ce vray Salomon est aussi aise d'estre appuié, que le Roy Salomon sur ces deux mains d'yuoire de son throsne sans pair. C'est donc sainte Claire mere & Fondatrice des pauures dames & filles de S. Francois. Elle naquit heureusement dans la ville d'Assise: Ortelane sa mere estoit femme tresdeuote; elle nomma cette sainte fille du nom de Claire, à cause qu'en estant grosse elle entr'ouit vne voix du ciel qui dit qu'elle enfanteroit vne lumiere du monde. Cette petite fille donnoit souuent son disné aux pauures; sous sa robe de soye, elle portoit vne haire bien rude: & tenoit cela bien secret, comme aussi le vœu de virginité dont elle s'obligea à Dieu, non obstant la presse que ses pere & mere lui firent pour la marier. Elle prit S. Francois pour son directeur, & de ses propres mains il lui coupa les cheveux, & lui donna le pauure habit de son Ordre en presence des Religieux, qui eurent bien de la peine de retenir les larmes de deuotion. Tous les parens la pensèrent manger, & ilz lui firent vne cruelle guerre: mais la vierge inuincible brisa tous leurs efforts, & en outre attira sa sœur Agnes, pour viure comme elle dans vne closture, & pauureté extreme. l'Esclat de la vertu est fort puissant, en moins de rien les Princesses, & les filles les plus nobles de la prouince se ietterent là dedans à la foule. Le feu du ciel estoit dans leurs cœurs, & paradis en cette petite maisonnette.

nette.

nette. Cette Abbessè admirable exercoit son empire en seruant, car elle baifoit les pieds de ses filles & des seruātes, & ploroit, elle les seruoit à table, & c'estoit la seruante des seruantes de Dieu, il n'y auoit rien de si humble, mais d'vne simplicité colombine. Elle aimoit la sainte pauureté cōme vn thresor du paradis, & quoy que le Pape s'offrit d'en adoucir l'extreme rigueur, *J' aime bien mieux, dit elle, Tressaint Pere, que vous me donniez l'absolution de mes pechez, que la dispense de ma regle, que ie garderai, ou ie mourrai à la peine.* Elle estoit tousiours pieds nuds vestüe d'vne robe rappetassée, elle dormoit sur des fagots, & vne buche lui seruoit d'oreiller; elle auoit vn cilice de peau de chameau, & c'est merueille qu'vn corps si attenüé pût souffrir vne telle cruauté de cilice. l'Euesque d'Assise, & S. Francois furent forcez de moderer ses serueurs excessiues en vertu de sainte obeissance. Elle ne viuoit que de prieres, & verfoit vn deluge de larmes, comme si elle eut veu Iesus Christ actuellement cloüé dans vne croix; c'estoit son ordinaire de percer les nuits en meditant la passion du Seigneur Iesus. Ses plus cheres delices c'estoit le Tressaint Sacrement, & la deuotion de la tressainte Mere de Dieu. Elle nommoit frere Iacopon l'Archer de Iesus Christ: certes elle en estoit aussi l'Archere, car parlant de Iesus & de Marie, elle iettoit tant de coups de dards & de flammes dans les cœurs, qu'elle les fendoit tous. Elle fut 42. ans Abbessè, 28. malade, & Martyre toute sa vie. Chose estrange, que non obstant la cruauté de ses douleurs, elle parut tousiours avec vn visage si plein de serenité, qu'elle consoloit ceux qui la vouloient consoler. Le diable la craignoit si fort, qu'au moindre signe de croix il s'en fuioit, comme aussi toutes les maladies: car
on

on nē scauroit croire le nombre des malades qu'elle guerit. Par deux fois elle deliura Affise, & son conuent, des Mores, & des soldats qui estoient desia monté sur la muraille: car se prosternant deuant le saint Sacrement, qu'elle fit porter sur la muraille, & plorant, on ouit vne voix du ciel, qui dit: *Je vous garderai bien tousiours, ne craignez point.*


Innocent IV. Pape l'allà visiter en sa derniere maladie: au lieu d'indulgence pleniere, elle lui demanda pardon de ses fautes, & la cōfirmation de sa pauureté extreme. Pleut à Dieu, dit le Pape, que mes pechez me fussēt aussi tost pardonnez: & quelle grace demandez vous là, qu'il vous soit accordé par l'autorité Papale, qu'à tout iamais vous soiez dans vne extreme pauureté? Ses austeritez minoient tellement sa complexion, qu'elle fut reduite à l'extremité. Elle sceut le iour de son heureux passage, & Dieu scait comment elle s'y prepara. Ses filles se tuoient de plorer: Agnes sa sœur vouloit mourir avec elle, la Sainte lui predict qu'elle suiuroit bien tost. Là dessus elle se mit à chanter d'aïse, & parler à son ame: & Iesus Christ suruenant, & la sainte Vierge sa mere avec quantité de belles vierges couronnées d'or, parmi les delices, & les couronnes, elle rendit son ame dans le sein de Iesus, & dans le sein de Marie, & triompha de la sorte de la mort, & du monde; l'an 1253. l'II. d'Aoust, fut enterrée le 12 Innocent IV. & le college des Cardinaux assista aux funerailles, au lieu de la Messe de *Requiem*, il ne tint à rien qu'on ne dit la Messe des Vierges, le Pape la voulant quasi canonizer deuant qu'elle fut enterrée. Mais ce fut Alexandre IV. qui la canoniza l'an 1255. le Cardinal d'Ostia prescha & dit des merueilles de la sainteté de la vierge, le phenix de son siecle.

Y

LES


LES BELLES PAROLES QV'ELLE
DISOIT SOUVENT:

1. *Tant plus le Religieux a soin d'auoir du bien, tant moins il a de vertu.*
2. *Voiant Iesus Christ pendu dans vne croix, & tout couuert de sang, aserions nous bien nous pleindre?*
3. *Que faisons nous en tout ce que nous faisons, qui soit digne de Dieu?*
4. *Mon cœur aime si fortement, & si tendrement Iesus son bon maistre, qu'il ne s'aime quasi plus soi mesme.*
5. *Je ne scay que peut aimer vne ame, si elle n'aime Dieu; & ie ne scay comment il est possible de viure sans aimer Dieu.*
6. *On nous dit que nous sommes trop pauvres; helas! vn cœur qui possède Dieu, peut il bien estre pauvre?*
7. *Depuis que i'ay esté instruite par le seruiteur de Dieu Francois, iamais ie n'ay trouué difficulté, ni peine en chose de ce monde.*
8. *Dieu a caché tant de saintes delices parmi les cloux, & les espi- nes, qu'à vray dire quiconque vne bonne fois a gousté ces douceurs, ne sent plus ni les cloux, ni la croix.*



*Initium dicitur dedisse Ordini fratrum Cruciferorum,
qui ab Innocentio III. sub Regula S. Augustini
confirmatus, à Pio II. est reformatus anno 1458.*

*Corn. Galle sculpsit. Theodor. Galle excudit
Cum privilegio.*



XXII. S. CYRIAQUE EVESQVE
ET MARTYR.

Baron.
Martyr.
4. Maij.
Beda, V.
suav.
P. Mori-
gia de
Fundat.
c. 31.

L'Antiquité enuoloppe la verité dans de grandes tenebres. On dit que Cletus, qui fut Pape apres S. Pierre, fut le premier auteur de ce saint Ordre qui porte tousiours la croix à la main, & au cœur. Il eut vn aduis du ciel qu'il fit vn hospital pour receuoir les pelerins qui alloient de toutes parts à Rome: plusieurs Seigneurs se ioignirent à lui, & prenoient vn grand plaisir de receuoir Iesus Christ en la persõne de ces pauures Chrestiens. Pour les reconoistre, il ordõna qu'ilz portassent à la main vne croix. Les mauuais temps & les persecutions esteignirent quasi ce feu & ces premieres ardeurs. Dieu suscita S. Cyriaque pour resueiller cette sainte entreprise. Or soit qu'il fut Euesque de Ierusalem, ou, ce qui est plus vray semblable, qu'il fut Euesque d'Ancone; tant y a qu'il remit sur pied cette tres illustre congregation en faueur des pauures pelerins: ce fut enuiron l'an 325. Ce saint Prelat plein de tendresse enuers Iesus Christ eut enuie de voir la terre sainte. il y alla: mais ce fut en vne saison bien rude que Iulian l'Apostat empourproit la terre du sang des Martyrs, & blanchissoit des os sacrez d'vne infinité de Chrestiens. le saint homme fut pris, condanné, tourmenté grieuement, & en fin souffrit le martyre: on dit que ce fut le 4. de Mars l'an 365. son sacré corps fut remporté solennellement à Ancone, où il repose dans l'eglise dediée à son nom. Diuers Papes ont mis la main à ce saint Ordre, l'vn donnant la regle de S. Augustin, l'autre des

Baron.
Martyr.
4. Maij.

Morig.
l. cit. c. 31.

constitutions, vn autre l'habit de la couleur du ciel, l'autre vne croix d'argent à la main; Innocent III. l'affermir, Pie II. le reforma l'an 1458. Urbain II. Alexandre III. Pie V. Pont enrichi d'Indulgences, & de grandes faueurs. l'Histoire nous disant que S. Cyriaque fut Euesque & Martyr, a tout dit. Car qui est capable de respandre tout son sang pour Iesus Christ, que ne peut il pas faire? & qui a tant de charité qu'il ne pense qu'à nourrir, qu'à seruir, qu'à bien soigner les pauures membres de Iesus Christ, de quelles vertus ne doit il pas estre doiué?

LES PENSEES DE

S. CYRIAQUE:

1. *Il faut que la croix passe de la main à l'œil, de l'œil au cœur, afin qu'il soit toujours uni à Iesus crucifié.*
2. *Quiconque regarde de bon œil la croix de Iesus Christ, n'a plus d'yeux pour regarder sa croix, tant elle semble petite.*
3. *Puis qu'on ne peut seruir Iesus Christ en sa personne, peut on mieux emploier sa vie que le seruir en ses bons seruiteurs?*
4. *Quiconque aime son ame, il la perdra: ô que cela est aise à dire, mais mal aisé à bien practiquer en ce monde!*
5. *Auiour du iugement Iesus Christ ne demande rien, si non si on a fait l'aumosne: quelle ioye à ceux qui l'auront faite durant leur vie!*
6. *Si Dieu a donné pour nous tout son pretieux sang, est ce si grand cas si nous lui rendons le nostre qui lui couste si cher?*





XXIII. S. ALBERT.

Celis du Mont Carmel, ce soleil de Sicile, S. Albert fut vn diamant pretieux de l'Ordre de nostre Dame du Mont Carmel. La source de l'Ordre vient de plus haut d'Elie & d'Elisée. Albert Patriarche de Ierusalem donna vne regle à ceux qui seruoient Dieu & nostre Dame sur cette sainte montagne, l'an 1171. le Pape Honoré l'approuua, & Albert la dora de la sainteté de sa vie. Il naquit en Sicile de Benoit & Ieanne personnes illustres, mais steriles; ilz firent vœu que, si Dieu leur donnoit vn filz, il seruiroit toute sa vie la glorieuse Reine des Anges. le ciel leur donna Albert, & ilz le donnerent à la sainte Vierge dans la Religion des Carmes; apres l'auoir nourri du lait des vertus, & dans le sein de la pieté. Ieanne estant preste d'accoucher elle vid vn flambeau sortir de son ventre, comme si on vouloit predire, que ce seroit vn soleil de l'Eglise de Dieu. Le pere eut de la peine de lui donner sa benediction, & le laisser entrer en Religion, n'ayant que ce seul heritier; mais nostre Dame le ransa bien viuement, de ce qu'on ne lui donnoit pas l'enfant qu'on lui auoit promis si solennellement. Il entra donc, & dez son nouitiat il fit bien voir qu'il estoit filz du ciel & de nostre Dame. Il viuoit comme vn petit Serafin: Satan ne pouoit souffrir cet affront, qu'vn ieune filz fit vne si sainte vie. Il se transfigura en vne damoiselle belle comme le iour, & fit vn discours fort plein d'attraits pour le faire sortir de ce malotru cloistre, où on

Z

ne

ne parloit que de se massacrer à force de cilices, & de seuerité cruelle. Albert vid bien que c'estoit le dragon qui fiffloit, & soufflant tout cela, d'un bon mot il mit cet apostat en fuite. Sa vie est remarquable à cause de ses rigueurs: il couchoit sur des fueilles seiches, il portoit souuent vne haire fort aspre, il ieusnoit rigoureusement, le vendredy il frottoit son pain d'absynthe en memoire de la passion du Seigneur Iesus Christ. Dieu faisoit luire les rayons de ses diuines lumieres dans le cristal trespur de son cœur innocent. Il auoit vn grand don d'oraison, & l'enfer s'efforçoit de le troubler la nuit dans l'eglise, faisant vn tintamarre pour le diuertir dans ses profondes contemplations. Mais le saint homme ne faisoit pas semblant d'entendre tout cela. On eut bien de la peine de lui faire prendre les Ordres, se croiant le dernier des hommes, & tout à fait indigne de porter ce grand caractere, & offrir à Dieu le souuerain sacrifice. Mais se voiant en balance de perdre l'obeissance, ou son humilité, il prefera l'obeissance, & se laissa traîner aux pieds de l'Euesque qui le deuoit sacrer.

On ne croiroit pas l'estat de son cœur, & les brasiers de son ame durant la sainte Messe, ses yeux en disoient vne partie, & son visage rauï l'autre. En preschant, il tonnoit, & auoit vne grace particuliere de briser les cœurs aux Iuifs, & aux plus grands pecheurs de la terre. Les elements sembloient obeir à sa voix, & faire tout ce qu'il vouloit. Messine estant assiegée par le Roy de Naples, & reduite à l'extremité & au desespoir de secours, on le pria de dire la Messe pour attirer du secours du ciel: au milieu de la Messe voila vn grand esclat de tonnerre,
auec

avec vne voix sortie de la nuée, qui dit, *Dieu a exaucé ta priere.* en effect trois galeres vindrent surgir au port, on ne scay par où, ni par qui, ni comment cela se fit de la sorte: car on ne connut ni pilote, ni mariniers, & on creut que trois Anges auoient amenez ces vaisseaux tous chargez de prouisions de bouche. Vne fois que des Iuifs passoient vne riuere, & que par malheur le vaisseau s'entr'ouurit, ilz commençoient desia de se noyer; quand S. Albert par bonheur se trouuant au bord de l'eau, marcha dessus les flots, les alla baptizer, & fit miracle pour conuertir ces pauvres desesperez. Exorcizant vn iour vne pauvre fille possédée, le malin esprit lui couurit la ioüe, & lui donna vn vilain soufflet. S. Albert tendit l'autre ioüe, *Et frappe,* dit il, *si Dieu te le permet.* le diable enrageant de voir cette sainteté, quitta la tout, & se precipita aux enfers de despit. Il seroit malaisé de dire tous les miracles qu'il plût à Dieu de faire par le moien de ce bon filz de nostre Dame, & son fidele seruiteur.

Il fut Prouincial de son Ordre en Sicile, il faisoit sa visite à pied, vn baston à la main, tout son equipage estoit vn peu de pain qu'on portoit dans vne demie besace, & vn peu d'eau dās vn petit pot de terre. Son compagnon le caffoit quelque fois: le Saint ne faisant que s'en rire, le touchant du bout de son baston, le refaisoit aussi tost par miracle. Il prioit plus qu'il ne marchoit: visitant ses conuents il ne faisoit pas de grandes ordonnances: faisant comme il faisoit, il monstrois tout ce qu'il falloit faire. C'estoit vn miroir ardent, & viuant, qui embrasoit les cœurs par la reuerberation de sa charité paternelle.

Il n'estoit qu'à regret en ce monde , & souspiroit sans cesse à l'éternité : il pressa tant, qu'en fin il gagna son procez. Dieu lui reuela precisement le iour & l'heure qu'il mourroit : aussi tost il publia la bonne nouvelle, & la dit à tous ses freres ; de plus il enuoia dire à vne sienne sœur qu'elle se tint bien preste, car elle & lui mourroient ensemblement, vn tel iour, vne mesme heure, & iroient voir Dieu ensemblement comme il esperoit. Tout le conuent fondoit en larmes, & vous eussiez dit qu'on alloit eclipser le soleil du ciel, & le bonheur de la terre. Le saint homme fit mille actions Seraphiques pour se disposer à la mort, il faisoit venir enuie de mourir. quand il fallut receuoir Iesus Christ, on vid bien à bon escien les tendresses de son cœur enuers son bon maistre : car, hélas ! que ne lui dit il pas ? que ne dit il pas à ses freres ? quels pardons, quels discours, quelles paroles rauissantes sortirent de son cœur ! ie croi que nostre Dame n'estoit guiere esloignée de lui, quand heureusement il prit congé de la compagnie, & s'en alla à Dieu. Les Religieux virent visiblement son ame en forme de colombe blanche fendre les airs, & gagner paradis. Ce fut le 7. d'Aoust l'an 1292. Le Roy de Sicile, & toute la cour assista aux funerailles, & on deschira sa robe en mille pieces, chacun voulut auoir de ses saintes reliques. Mais il arriua vn grand accident. Le Clergé voulut dire la Messe de *Requiem*, le peuple crioit qu'il falloit dire celle des Confesseurs. Parmi ces contrastes voila deux enfans beaux comme le iour, reuestuz de neige, qui parurent dans l'air, & dirent, *Dieu veut qu'on die la Messe qui commence Os iusti.* Tout le monde effrayé & consolé, l'office fut fait
d'vn

d'un saint Confesseur, puis que le ciel l'auoit canonizé. Quantité de miracles se firent à son tombeau. certaine canaille de soldats & d'autres qui se moquoient du Saint, furent bien chastiez; sur tout vn malheureux, qui estant forçéné voiant deux images, leur dit: *Albert ie t'ay tant de fois innoqué, Marie ie t'ay tant priée, ni l'un, ni l'autre ne m'auetz pas exaucé, voila donc ce que vous auez de moy.* & à tant donna vn coup de poignard à chacune de ces images. en mesme instant l'air deslascha vn esclat de tonnerre, & mit en poudre ce maudit apostat, & quantité de sang sortit de ces images. Cela fit redoubler la deuotion des peuples enuers ce grand seruiteur de Dieu, l'honneur de la Sicile, & le lis du Mont Carmel.

SES BONS ADVIS POVR LA
VIE SPIRITVELLE:

1. La vraye occupation d'un seruiteur de Dieu c'est d'espurer son cœur, & en arracher toutes les mauuaises racines.
2. Qui scauroit aimer & seruir nostre Dame comme elle merite, porteroit dans son sein vn grand tresor de graces.
3. Si vous n'estes pas vn grand Saint, ne vous en prenez pas à Dieu, mais à l'infidelité de vostre cœur, qui desrobbe la gloire de Dieu, & se l'attribue à soy mesme.
4. Je m'estonne qu'on puisse croire que Dieu est Dieu, & qu'avec cette creance on le serue si mal.
5. Ne regardez pas ce que vous faites, mais le bien que vous deuriiez faire, & que vous pourriez faire, vous laissant conduire à nostre Seigneur.
6. Quiconque veut attirer les influences des misericordes du ciel, qu'il soit enfant de prieres, & ami de deuotion.
7. Pureté, humilité, deuotion, & fidelité, sont les quatre elements, dont vn bon cœur est composé.



Eserniensis Eremita, deinde Papa Celestinus V. a se dictos Celestinos, sub Regula S. Benedicti instituit, probante Gregorio X. anno 1274. Obijt anno Domini 1296. post abdicatum Pontificatum 2°.

*C. Galle sculp. T. Galle excud.
Cum privilegio.*

XXIV. S. PIERRE CELESTIN.

C'Est bien celui cy qui est le phenix, puis que lui seul en son espece a esté le premier, le dernier, & l'vnique qui a quitté la mitre Papale, pour espouser vn froc, & vne Patience Religieuse. Angelet & Marie eurent douze enfans, l'onzième estoit Pierre: sa mere en estant grosse, il lui sembla qu'elle vid l'enfant dans son ventre habillé en Religieux. Cet enfant estoit destiné à des choses bien eminentes. Sa ieunesse estoit dorée de toute sorte de vertus. quand il faisoit quelque coup de ieunesse, les bons Anges se faisoient voir, & le ransoient bien viuement. Nostre Dame & S. Iean prenoient plaisir de le visiter en ses petites deuotions. Il fut inspiré de se faire Hermite, & pour cet effect se retira en vne forest où il y en auoit vn. Les diables pressentant le mal que leur feroit cet adolescent, se presenterent à lui en forme de deux pucelles pleines d'attraits, affin de le desbaucher: le saint garçon d'vn signe de croix desfit cette sorcellerie. Il ne trouua pas le bon Hermite, mais il se resolut de l'attendre pour se donner à lui. Ce pendant la nuit il entendoit chanter les Anges, & mesmes il les voioit, & admira qu'il voioit sortir de leurs bouches des lis & des roses d'vne odeur du paradis. Dieu par ces saintes friandises le vouloit attirer aux delices de l'hermitage. l'Ange lui dit que l'Hermite qu'il attendoit, estoit vn hypocrite, qu'il se garda bien de lui ouurir son cœur. Il le crût, & gaigna vne montagne horrible où il trouua vn

Aa

trou,

trou, comme vn tombeau, il se mit là dedans, & trois ans durant il fit vne penitence, qui estoit veritablement extreme. Les Anges le visitoient souuent, & consoloient sa solitude. Les diables lui liurerent mille assauts furieux, se transformant en mille figures espouuantes. La sainteté comme vn beau soleil n'est iamais tant cachée, qu'on ne voie l'esclat de quelque vif raion. En effect le voisinage alloit visiter ce bon ieune Hermite, & firent tant qu'ilz le forcerent de se faire Prestre, affin d'estre plus vtile à l'Eglise. Il alla à Rome pour prendre les Ordres, & passant par Fiesoli, il entra dans vn monastere de saint Benoit, où il prit l'habit: mais comme l'Abbé reconnut qu'il estoit appellé à vne plus grande solitude, il le laissa aller à vne montagne nommée Morron, où il recommença l'austerité de sa premiere vie. Mais il entra dans vne angoisse extreme, ne scachant s'il deuoit dire la Messe, à cause de quelques inconueniens qui lui arriuoient la nuit contre sa volonté. en fin nostre Dame le resolut en vision, & son Confesseur par ses bons aduis, disant qu'un homme monté sur vn asne, quoy que cet animal fallisse le chemin, n'est pas responsable de ces asneries, & ne doit pas laisser de poursuivre son voiage. Cela le consola fort, & il recommença à dire la Messe.

Pour des considerations il quitta cette montagne, & alla en vn autre nommée Magelle, où il eut des compagnons, qui lui donnerent bien de la peine, & les diables encor plus. sa constance vint à bout de tout cela, & établit là vne petite communauté: il bastit vne eglise, que les Anges consacrerent eux mesmes, & on ouit vn son de
cloches

cloches miraculeuses. Le saint Esprit bien souuent s'ap-
 paroissoit à lui en forme d'une innocente colombe. Les
 malins esprits firent mille maux à ces premiers Religieux:
 mais Dieu fut le plus fort, & on establit là l'Ordre de Ce-
 lestins prenant la regle de S. Benoit, avec des constitu-
 tions inspirées de Dieu. Sa vie estoit estrange, il couchoit
 sur vn treillis de fer, vn caillou sous sa teste, il falloit fen-
 dre le pain dur comme du bois quand il vouloit manger,
 qui estoit le soir, & vne fois le iour: il auoit les genoux aussi
 durs que des cals à force de prier sans cesse, il aimoit à se
 prosterner sur sa face en ses meditations: vne fois il s'y mit
 40. iours entiers en vn lieu sur vne haire, la neige pensa
 l'estouffer. Là il ouit vne voix qui dit, *Pierre si vous voulez
 que l'asne vous porte, portez le aussi, & ne le chargez pas par dessus
 ses forces.* Il ceignoit ses reins d'une chaisne de fer; il
 haïssoit de mort tout ce qui pouuoit tascher ou ternir le
 cristal de la pureté virginale. Il auoit le don de prophetie,
 il lisoit au profond des cœurs, il faisoit quantité de mira-
 cles. Peu à peu son Ordre s'enflait, & se respandoit par
 l'Europe. Mais comme on tint vn Concile à Lion, où il se
 parloit d'esteindre quelques Ordres nouueaux, le bon
 vieillard y alla à pied, & fit tant de miracles, mesme à la
 veüe du Pape, qu'on n'osa point toucher à l'Ordre que
 Dieu auoit fondé par vn autre S. Pierre. Il remporta de
 bonnes Bulles qui confirmoient son Ordre, & il fut receu
 par ses freres comme vn Ange du ciel. Apres qu'il auoit
 fait des miracles, il se prenoit à plorer, disant, *helas! Dieu
 se veut il bien seruir d'un si grand pecheur pour faire des miracles? ô
 que cela me remplit le cœur de confusion!*

Sa renommée se respandoit par tout, & comme le Pape Nicolas estant mort, on auoit esté deux ans sans pouuoir faire vn Pape, en fin les Cardinaux se resolurent de faire asseoir S. Pierre dans la chaire de S. Pierre, & l'esleurent pour estre Pape. s'Il eut esté frappé d'vn coup de tonnerre, il n'eut pas esté plus effrayé: de fait il medita de s'eclipser, & des'en fuir, mais on auoit mis des gardes à toutes les aduenües, se doubtant bien que le saint homme fuiroit l'esclat de cette souueraine dignité de l'Eglise: on le mena par force au conclave, où avec vn applaudissement general il fut salüé comme Pape. Il n'y auoit que lui qui ploroit, & plus on l'honoroit, plus il se plongeoit dans la confusion. On le voulut mener à Aquilée pour estre couronné, il ne voulut monter que sur vn asne, imitant Iesus Christ. il y auoit des Roys, & des Princes, & plus de cent mille hommes à son couronnement. Il prit le nom de Celestin, affin que cela sans cesse lui ramentut l'eternité du ciel, & les grandeurs celestes.

La premiere pensée qu'il eut se voiant Pape, c'est de n'estre point Pape, & tout quitter là: les mœurs de la cour le faisoient mourir, & souhaiter les delices de son delicieux desert. Il ne changea quasi rien de ses austeritez, mais l'air de la cour n'estoit pas l'air que son cœur respiroit. Il minuta sa descharge, il en conféra avec Benedict Cardinal & d'autres; on balança long temps. Ceux qui attendoient vn siecle d'or soubs lui, le prioient à chaudes larmes; les autres voiant le peu d'affection qu'il auoit à cette dignité, lui conseillèrent de quitter au plustost. en fin il s'y resolut, & en plein concistoire il leut sa cession, se despara

det para des ornemens Pontificaux, & puis le prosterna de-
 uant les Cardinaux qui fondoient tous en larmes. Il fallut
 passer par là, & sur le champ on esleut le Cardinal Benedict,
 qu'on nomma Boniface. S. Pierre le iour apres sa cession
 guerit vn pauvre paralytique, Dieu autorizant par là sa de-
 mission sans exemple, & sans suite. Boniface le fait suiure
 par tout, & en fin l'attrapa, & craignant qu'il ne se radui-
 fast, il le fit enfermer dans vn chasteau soubs bonne garde.
 Ce pendant le saint homme faisoit quantité de miracles, on
 le regardoit comme vn Archange du ciel. Le Pape Bonifa-
 ce eut vne vision qui l'effraya: il enuoia visiter S. Pierre par
 trois Cardinaux, qui le virent suspendu en l'air, & faire des
 miracles. Neantmoins Boniface ne le voulut iamais rela-
 scher. Pour faire vn grand Saint, il falloit qu'il fit voir ses
 grandes vertus, en vn estat grandement miserable. Il de-
 meura là 10. ou 17. mois, & à l'age de 65 ans il mourut sain-
 tement le 19. de May, & vne croix parut sur le chasteau où
 il estoit mort. Il fit tant de miracles, que Clement V. le cano-
 niza l'an 1313. avec resiouissance de toute l'Eglise Catholi-
 que.

LES MAXIMES DE
S. PIERRE CELESTIN:

1. *La paix du cœur vaut plus, que toutes les couronnes de la terre.*
2. *Vn iour passé dans le paradis de la solitude, vaut mieux que mille ans dans la cour des puissances de la terre.*
3. *Vn homme fait pour l'éternité, & pour le ciel, peut il goûter les douces amertumes de la terre?*
4. *On ne scauroit goûter les delices du ciel, & celles de la terre; prenez celles que vous voudrez, mais vous perdrez les autres.*
5. *Ce peu de mal que noz corps souffrent sur la terre, c'est si peu de chose à l'esgal des biens éternels qu'on prepare à noz ames, qu'il faut comter cela pour rien.*
6. *Dans le tintamarre du monde on n'entend pas la voix de Dieu; il y faut du silence, & de la solitude, pour conférer cordialement avec Dieu.*
7. *On admire que j'aye quitté la Papauté, & moy j'admire ma simplicité de l'auoir acceptée.*
8. *A peine puis-je me porter moy mesme, & sauuer mon ame, comment pourrois-je ou porter l'uniuers, ou sauuer tout le monde? Se sauue qui pourra.*




*Picenus, vitâ et miraculis celebris, vixit a. 1300.
in Ordine Fratrum Eremitarum, à Beato Augustino
in Italia et Africa instituto a. 390. ab Alex-
andro IV. reformato anno 1254. Obijt a. 1306.*

*C. Galle
Fulg.*

Com privilegio.

*T. Galle
excud.*



xxv. S. NICOLAS TOLENTIN.

LE soleil ne fut pas la premiere lumiere du firmament, mais ce fut la plus belle allumée le quatriefme iour: S. Nicolas ne fut pas la premiere de son Ordre, mais ce fut bien vne des plus rauissantes lumieres, & vn des beaux soleils de la Religion. Ce saint enfant fut vn don de Dieu, donné à ses parens steriles par le moien de S. Nicolas. Il nasquit au village d'Angel pres de Ferme, en la Marche d'Ancone: le pere se nommoit Campagnan, sa mere Aymée. l'Enfance de ce garçon fut pleine d'vne innocence Angelique: il ne prenoit plaisir qu'aux delices du ciel, à scauoir de prier, ieufner, aller à l'Eglise, faire de petits oratoires. On dit mesme que Iesus Christ s'apparut à lui vn iour à l'oraison. On le fit Chanoine, mais cela ne le contentoit pas. oiant vn iour prescher vn Augustin grand predicateur, il fut si fort touché, qu'il quitta tout, & se presenta aux Peres Augustins de Tolentin pour y estre receu. Ilz crurent que Dieu leur enuoioit vn petit Saint, en effect ilz le receurent, sans y rien marchander. Et il deuint vn miroir de toute sorte de vertus Religieuses. Il ne fut iamais nouice: car dez les premiers iours il fut aussi parfait, que le meilleur profez du conuent de Tolentin. Ses abstinences estoient extremes, il ne mangeoit ni chair, ni poisson, ni des œux, ni des fruits: il ne viuoit quasi que d'air, de pain, & d'eau. Estant malade il n'eut pas mangé yn morceau de viande sans l'expresse or-

donnance du medecin & du Superieur. Dez l'age de sept ans il ieusnoit trois fois la sepmaine : estant Religieux toute l'année estoit son Quaresme ordinaire. Il auoit autant de mortification à manger, que les autres à ieusner. Toutes les nuits il faisoit la discipline avec vne chaisne de fer, & se mettoit tout en sang. Il outrepercoit les nuits en contemplation, & d'ordinaire e'estoit dans l'Eglise: il couchoit sur la dure, sa robe estoit de mille pieces & fort pauues. Le diable ne pouuoit souffrir ce saint homme, il le battit tant vn iour, qu'il le pensa assommer de coups : il faisoit vn tintamarre, qu'il sembloit que la maison deut renuerser le dessus dessous: il prenoit des figures horribles pour le destourner. iamais S. Nicolas n'en laissa pour cela vne Pater nostre. Il auoit vne extreme tendresse pour les ames de Purgatoire, qui le venoient visiter, & implorer les suffrages de ses saintes Messes; & apres estant deliurées, elles reuenoient raionnantes pour l'en remercier. C'estoit generalement la consolation de tout le monde, il estoit doux à merueille, il donnoit des puissantes touches aux cœurs, il receuoit ses freres pelerins comme des Anges du paradis. C'estoit le soleil de l'Eglise, luisant avec des raions de vertus tresesclattantes. Il n'y auoit rien de si humble, si obeissant, si deuot. Lui seul faisoit tous les offices, c'estoit le seruiteur de tout le monde. Son visage estoit la tranquillité mesme, ses paroles auoient vn grand ascendant, c'estoient des coups de fleches qui perçoient tous les cœurs. Dieu l'aimoit tendrement le voiant si fidelle, & avec vn cœur si pur, & doué de tant de perfections eminentes.

nelles. Il cachoit ses vertus sous le voile espais d'une humilité fort profonde : quelque raion pourtant de temps en temps eschappoit & perçoit les obstacles : il ne se vantoit pas des miracles qu'il faisoit, ni de tant d'œuvres signalées. Il receuoit bien des faueurs du ciel extraordinaires. Quand il estoit au chœur, à l'autel, & ez diuins mysteres; on lisoit dans son visage les ardeurs de son cœur : il sembloit véritablement vn Ange plustost, qu'un homme.

Nostre Seigneur lui fit cette grace, de lui reueler le propre iour de son heureux trespas : mais ce fut avec de grandes circonstances : car six mois durant il oioit toutes les nuits vn chœur d'Ange qui chantoient en musique melodieusement. Les mots du motet Angelique estoient ceux de S. Paul, *Je desire la dissolution de mon ame, & la separation du corps, pour estre avec mon maistre Iesus Christ. O qu'il me tarde que cette heure dorée s'approche, hélas! que faisons nous icy bas?* Quand le saint homme oioit ces douceurs, durant le profond silence de la nuit, il fondoit tout en larmes, & c'est merueille qu'il ne mourut pas de desir ardent de mourir. Qui ne mourroit pas volontiers parmi les chœurs des Anges, & parmi les douceurs du paradis? Le temps estant arriué, il tomba malade d'amour diuin plus que de fièvre: ou si ce fut vne fièvre, ce fut la fièvre du pur amour diuin. Il suplia treshumblement le R.P. Prieur, & tous les freres de lui venir dire le dernier Adieu: il demanda pardon à toute l'assemblée, avec tant de larmes, qu'il en tira abondamment des yeux de tous ces bons Religieux. Vous ne voiez quasi

iamais demander pardon plus cordialement, que par ceux qui sont les plus parfaits du monde. Leurs petits pechez leur semblent si grands, qu'il n'est pas croiable le tendre sentiment qu'ilz en ont. Apres il demanda l'absolution au P. Prieur, & espura son cœur avec vne confession generale parfaitement bien faite: il receut Iesus Christ, mais avec des paroles si cordiales, si tendres, si embrazées, qu'il faisoit fendre les cœurs de toute l'assistance. Parmi les discours du ciel, dont il s'entretenoit avec ses freres, voila que tout d'un coup il ietta vn grand cris, & se mit à soufrire d'un ris du paradis. Tout le monde estonné, Mon frere, dirent ilz, qu'avez vous de grace qui vous fait rire en mourant, & qui vous rend si ioyeux en ce point où les Potentats tremblent? *Helas!* dit il, *ne voiez vous pas mon Sauueur Iesus Christ, ma chere maistresse nostre Dame, nostre Pere saint Augustin, qui me viennent querir pour me conduire au royaume des cieux?* Tout le monde se prosterna en terre adorant ce qu'ilz ne voioient pas, & le saint homme aiant adoré la vraye croix, & dit son *In manus*, exspira si doucement, qu'il fit venir enuie de mourir à toute l'assistance. Ce fut l'an 1306. le 10. de Septembre, & il fut inhumé soubs vn autel où auoit paru vne belle estoille, qui auoit marqué ce lieu du bout de son raion. On ne croiroit pas les miracles qui se firent apres son heureux trespas. Eugene IV. le canonisa l'an 1446. & Sixte V. l'honora d'Office double par toute l'Eglise. Le grand concours qui est à son eglise, les graces incroyables qu'on recoit par son entremise, font bien voir combien Dieu honore les ser-
uices

uices de ses bons seruiteurs. Il y a mille Roys enterrez
sans qu'on seache où ilz font, & tout le monde court à
S. Nicolas Tolentin, comme à l'oracle du monde quand
il viuoit, & comme à vn miracle du ciel apres sa mort
tresheureuse & benite du ciel.

LES PENSEES PRETIEVSES
DE S. NICOLAS:

1. *Le cœur qui vne fois a gousté les delices eternelles, ne trouue rien sur la terre qu'il puisse bien goustier.*
2. *Tout le mondé me dit, que ie ne mange rien, & qu'on ne scait de quoy ie vis; mais qui mange Dieu tous les iours, est il pas bien traité?*
3. *Plus on a de peine au service de Dieu, & plus on en desire: quand on void Iesus Christ tout trempé dans son sang, ie ne scay quelle peine pourroit plus estre peine.*
4. *Le iour que i' entrai dans la Religion, il me sembla proprement que i' entrois dans le ciel.*
5. *Je suis estonné que mon ame ne m'eschappe voiant l'ardeur incroyable qu'elle a d'estre vnie à son Dieu.*
6. *Est il possible qu'un homme qui sert Dieu pour Dieu, puisse estre melancholique en ce monde?*
7. *Je n'aime point la vie, que parce qu'elle me conduit vistement à la mort, & qu'en ce peu de temps ie puis gagner l'eternité.*

S. IOANNES COLVMBINVS



*E Senensi nobilitate clarus, fundator Fratrum
Iesuatorum Sancti Hieronymi, ab Urbano V.
habitum et Ordinis approbationem adeptus
anno 1367. 37. post die vita defunctus est.*

Coracius Galle sculpsit.

T. Galle exc. cum privi.



XXVI. LE B. IEAN COLOMBINI.

IL fut Gentilhomme Siennois d'une tresillustre maison: Il fut marié, & ez premieres années il estoit fort delicat, & bien auant dans le monde. Vn iour l'an 1355. il se mit en grande cholere contre sa femme, laquelle pour l'appaiser, lui donna la vie des Saints. La lecture de la vie de sainte Marie Egyptienne lui transperça le cœur. Et ce fut le premier coup de sa conuersion. Car peu à peu le saint Esprit s'insinuant dans son cœur, y alluma tant de feu, qu'il commença à brusler d'amour diuin. Il s'adonna à des austeritez non pareilles. Il fit vœu à genoux en presence de sa femme de chasteté, il ne dormoit plus que sur la dure, il quitta la delicatessse des habits & du viure, il donnoit aux pauvres, il ieusnoit d'ordinaire, il viuoit comme vn saint penitent. Francois Vincent fut le premier qui se ioignit à lui pour faire vne mesme vie. Ilz rencontrerent vn iour vn pauvre ladre à la porte de l'eglise, & ilz se resolurent de s'en charger, & de le charger sur leurs espaules, pour le porter au logis, & le penser secrettement pour l'amour du Seigneur Iesus. Ilz baisèrent mille fois ses plaies suppurantes, & firent des actions heroiques, surmontant leur apprehension naturelle; ilz le choioient comme si c'eut esté Iesus Christ. En effect aussi estoit ce: car vn iour qu'ilz estoient allez à l'eglise, & le B. Iean auoit ordonné à sa femme, qu'elle visitaft leur malade; y voulant aller, elle sentit vne odeur si parfaitement rauissante, que de fraieur elle n'osa entrer dans la chambre où gisoit ce lepreux. Au

C c

retour

retour du mari elle courut lui dire. il y accourut avec son compaignon: ilz sentirent la douceur du ciel, ilz entrerent à la haste, mais le malade estoit esuanoui, & le bon Iesus s'estoit eclipsé à dessein.

Cela frappa si fort ces trois personnes, que la femme mit en liberté son mari de la quitter, & faire tout ce qu'il voudroit pour seruir Dieu, qu'elle en feroit le mesme. Le B.Iean prit l'occasion au poil, & partagea tous ses biens en trois parts, donnant vn tiers à l'hospital, l'autre à vne congregation de nostre Dame, le troisieme au conuent de sainte Abonde, & se mit en estat d'vne pauureté extreme. Il se mit à faire vne vie Apostolique, mendiant sa vie, ieusnant, faisant mille austeritez: & eut cette deuotion, que par tout où il auoit eu de la reputation & de l'honneur, il voulut receuoir du mespris, pour imiter le Seigneur Iesus, & tous les saints Apostres. Siene & toute la Toscane regardoit ce changement avec estonnement. Et plusieurs piquez viuement de cet exemple, quitterent tout, se ioignirent à ces deux saints personnages, & dans deux ans il eut enuiron 70. disciples: & ce qui est remarquable, tous firent vne vie si parfaite, qu'on les tient tous au reng des Bienheureux. On a calculé le mieux qu'on a pû, & l'histoire porte que le B.Iean conuertit à Iesus Christ plus de cent mille personnes par toute la Toscane.

Tant il est vray, que la vertu a vn grand ascendant sur les cœurs des mortels. Dieu lui donnant tant de disciples, l'aspira d'aller trouuer le Pape Urbain V. à Viterbe, pour receuoir sa benediction, & scauoir s'il approuueroit cette forme de vie de cette congregation naissante. Le Pape &
les

les Cardinaux examinerent leur vie avec feuerité. Il se trouua mesme des meschants qui les accuserent, comme si c'estoient les restes des heretiques nommez *Fratricelli*. Mais apres qu'on eut bien examiné & approfondi leur vie, leur doctrine, & leurs discours, on trouua que tout cela estoit vn ouurage du saint Esprit, & qu'il n'y falloit rien craindre. Partant le Pape approuua tout cela, leur osta leurs habits tous de pieces rapportées, & leur donna l'habit qu'ilz portent blanc & tanné, confirma leur établissement, leur donna sa benediction l'an 1367. leur donna pour Protecteur le Cardinal d'Auignon son propre frere. tout cela se fit le iour de la natiuité de S. Jean Baptiste. Et tous les Papes suiuaus ont confirmé & benit cet Ordre, qu'on a nommé les Iesuates de S. Hierosme. Iesuates, à cause que les petits innocents les voiant par les rues, par instinct de Dieu crioient, *Voila les Iesuates, les voila*. Et ce nom leur est demeuré; & ilz auoient cette bonne coustume, qu'ilz auoient tousiours le nom de Iesus à la bouche & au cœur. Tellement qu'en peu d'epistres du B. Jean Colombini, on y trouue de comte fait 1500. fois le doux nom de Iesus. On les nomme de S. Hierosme, à cause de la deuotion de ces premieres Peres qui le prindrent pour patron, & pour modèle de leur sainte penitence. Ilz faisoient les trois vœux essentiels de la Religion, sous l'assistance du glorieux saint Augustin, & avec certaines regles qui furent dressées par vn d'eux, & puis furent approuvées authentiquement. Ceux qui ont dit qu'un Conuers des Chiartreux estoit autheur des Iesuates, n'estoient pas bien informez de la verité de l'histoire. Ces Religieux se sont obligez à ne point dire Messe,

voulant viure dans la simplicité charitable, & dans l'humilité profonde de Iesus Christ, à l'imitation des anciens Moines, qui n'estoient point Prestres d'ordinaire. Au lieu d'Office, ilz ont quantité de Patenostres & d'Aue Maria, qu'ilz doiuent dire tous les iours, & s'emploient à tout plein d'exercices de charité, & de deuotion. Ilz aiment mieux la vertu sans esclat, que l'esclat des honneurs & des dignitez releuées de Prestrise, & des autres exercices de predication, & choses semblables. Leur deuise c'est celle du Sauueur, duquel on dit qu'il *commença à faire, & puis apres à dire.* Ilz exercent vne grande fraternité & charité les vns enuers les autres, & la quantité de saints personnages qu'ilz ont eu, monstre bien la sainteté de leur Religion. Le B. Jean Colombini paroissoit parmi ces bons Peres, comme vn soleil parmi les menües estoilles.

Après auoir bien fondé ce nouuel Ordre, & respandu ses freres par l'Italie, son ame auoit vne grande passion de voir Dieu, & ce doux Iesus qu'il aimoit plus que sa propre vie. Dieu exauça ses larmes, & lui fit scauoir que sa fin s'approchoit. O la bonne nouvelle! ô l'heureuse journée pour vn homme fait comme lui! Il se prepara à ce dernier combat, & s'arma tout de Dieu & des saints Sacrements. Voiant venir le saint Sacrement, il se prosterna à genoux, la chorde au col comme vn criminel, les larmes aux yeux, & d'un cris amoureux il ietta des paroles si ardentes, qu'il embrasa les cœurs de toute l'assistance. Puis à haute voix il fit vne espece de testament, vne profession de foy fort solennelle, & tout baigné de larmes il receut le pretieux corps de Iesus Christ: apres cela il fit vne petite exhortation à ses enfans, & leur fendit le cœur de la tendresse de
ses

ses paroles cordiales. Il demanda mille pardons du mauvais exemple qu'il auoit donné en sa vie miserable. Qu'il eut volontiers baïsé les pieds à chacun d'eux, s'il eut esté possible: il tira des larmes de tous ceux qui assistoient à ce dernier combat. Se sentant abbaïsser, il demanda l'Extreme onction, qu'il receut avec des grands sentiments. Il donna sa benediction à ses chers enfans, il se fit lire la Passion du Seigneur Iesus: & quand on arriua à ces tendres paroles, *Pater in manus tuas commendo spiritum meum*, il fut si heureux qu'il ioignit esprit à esprit, mort à mort, cœur à cœur, tout à tout, & dans le sein paternel de Dieu il rendit son heureux esprit le 31. de Iuillet l'an 1367. de sa conuersion le douziesme, 37. iours apres que son Ordre eut esté approuué par le Pape Urbain V. Il laissa vne si douce odeur de sa vie, que la creance commune de l'Italie c'est qu'il est tresheureux, & vn grand Saint du paradis.

LES BELLES LVMIERES
DV B. IEAN COLOMBINI:

1. *Qui veut imiter Iesus Christ, il faut faire & puis dire, & plus faire que dire.*
2. *On trouue assez de gens qui disent d'or, mais bien peu qui fassent ce qu'ilz disent.*
3. *Paradis se gaigne en faisant, & non pas en disant seulement. Qui dit mieux qu'il ne fait pas, se condamne soi mesme.*
4. *La simplicité, l'humilité, la charité, & vne docte ignorance, doiuent estre noz quatre vertus cardinales.*
5. *Si l'homme scauoit vne fois gouster Dieu, il auroit bien tost tout le monde à desgoust: car en effect tout est plein d'amertume hors mis Dieu.*
6. *Qu'est ce que ne peut pas faire vn homme quand il s'abandonne à son Dieu?*
7. *Dans le sein de l'humilité on trouue bien plus aisement tous les tresors des graces, que dans les vertus esclattantes.*
8. *Que ne feroit on pas au pauvre, si on scauoit que ce fut Iesus Christ? mais en verité il l'est, ou bien il est son vicaire en terre.*
9. *J'ay donné aux pauures tout ce que j'auois: mais il faudroit auoir dix mille mondes pour les donner à Dieu, puis que Dieu les demande par la main du pauvre caimand.*

XXVII. SAINTE BIRGITTE.

C'Est vn miracle de voir sortir tant de biens d'Aquilon, & vn si grand feu de charité des glaces eternelles. Sainte Birgitte, l'honneur de son siecle & de son pais, fut fille d'un Seigneur nommé Birgerus ou Berillus, & d'une Dame appellée Sigride, personnes remplies d'une pieté extraordinaire. La naissance, la vie, & la mort de cette sainte fille, ce ne sont que visions, que miracles, & que graces de Dieu tresextraordinaires. Sa ieunesse fut réplie de toutes sortes de vertus: & il est vraysemblable que, si elle eut esté creüe, elle eut vescu dans la virginité. On la voulut marier, & il fallut obeir, & espouser le Seigneur Vifo, que Dieu lui auoit destiné pour mari. Ce fut vn mariage de Saints: car ilz eurent huit enfans douez de tât de vertus eminètes, que c'estoit là vne famille de Saints, & vn tēple du Dieu viuant. La vie qu'ilz menerent en ce mariage, c'estoit vne vie Angelique: on ne parloit que de ieufnes, de cilices, de pelerinages, de seruir les malades, de se cōfesser toutes les sepmaines, de prier Dieu quasi perpetuellemēt. Le paradis aimoit tendrement cette sainte femme, chacun venoit à son tour la visiter, & discourir avec elle, tantost Iesus Christ, tantost sa sainte Mere, auiourdhuy les Apostres, puis les Anges: il y auoit presse à qui la visiteroit le premier, & le plus souuent. Iamais possible femme n'eut tant de visions, & tant d'apocalypses que sainte Birgitte: tant Dieu aimoit son cœur, & sa fidelité. Elle voiaua avec son mari à S. Iaques au retour elle pensa perdre son mari en la ville d'Arras: mais S. Denis

la vint affeurer, qu'il ne mourroit pas de cette maladie. Cela fut vray, & bien tost apres ce bon Seigneur touché de Dieu, & poussé du bon exemple de sa femme, quitta le monde, se fit Moine de l'Ordre de Cisteaux au lieu nommé Aluastre, où il fit vne tresheureuse mort apres auoir serui Dieu en esprit de sainteté, & donné bon exemple.

Sainte Birgitte affranchie de ce ioug, se deuouia entierement au seruice de Dieu. Elle quitta le lin & toutes les delicatesses, & chargea vn rude cilice sur son corps innocent. On ne scauroit croire les austeritez, aux quelles elle s'addonna par inspiration de Dieu, & par le conduite du Docteur Matthias son directeur, sans lequel elle ne faisoit rien du monde, non obstant toutes ses reuelations. Elle couchoit sur la terre sur vn petit tapis, elle ne mangeoit quasi rien, & les vendredys elle auoit deux mortifications bien sensibles. L'Vne estoit, qu'elle verfoit de la cire bouillante d'vn flambeau allumé, goutte à goutte sur sa chair delicate; l'autre, que toute la iournée du vendredy à cause de la Passion, qu'elle aimoit tendrement, elle rouloit par sa bouche de la Gentiane, qui lui causoit vne horrible amertume. O Iesus, quelle inuention ne trouuent pas les Saints pour martyriser leur pauvre personne innocente! Dans la cruauté de l'hyuer on lui demandoit si elle pouuoit dormir sur la terre plate sans se geler de froid: *Non*, dit elle, *car mon espoux a allumé vn si grand feu dans mon cœur, que ie ne sens nullement les choses exterieures qui assiegent le corps.* Les faueurs du ciel qu'elle receut, estoient si releuées, les visions si frequentes, & si admirables, qu'il y eut mille disputes durant sa vie, & mesme apres sa mort. Les sages mondains l'appelloient idiote, & disoient que ses reuelations

tions n'estoient que vraye bigotterie, & imbecillité d'un esprit féminin. A tout cela elle ne respondoit autre chose, sinon que, moiennant que Dieu fut content d'elle, c'estoit la chose du monde dont elle se soucioit le moins, que de contenter les creatures, & les enfans de la terre.

Le Sauueur lui commanda d'instituer vn Ordre, qu'elle nommeroit l'Ordre du Sauueur. Il daigna de sa diuine bouche lui en dicter la regle, & les constitutions, l'asseurant qu'il feroit fleurir cest Ordre qui estoit le sien propre. Il destina vn Ange pour lui dicter à S. Laurent in Damaso à Rome, l'Office & les leçons qu'il faudroit dire à l'honneur de la tressainte Mere. Tellement que cet Ordre c'est l'Ordre de Iesus Christ, des Anges, & du paradis. Mais comme le Seigneur Iesus l'auoit choisie pour illuminer l'vniuers, il lui commanda qu'elle allast à Rome en pelerinage, puis en Sicile, en fin à la Terre sainte. Mais sainte Birgitte toute sainte qu'elle estoit, si se hazarda elle de représenter à son espoux qu'il se souuint, s'il lui plaisoit, qu'elle estoit femme, delicate, maladiue, abbattue grandement par les continuelles austeritez qui limoient sourdement sa pauvre vie, que ces grands voiages requeroient vn corps plus robuste, que neantmoins elle estoit fille d'obeissance. Le Seigneur Iesus agreea cette simplicité colombine, & lui dit: *Qui s'a creé ma fille, qui te conserue, & qui te maintien en vie, est ce pas moy? Partant repose toy sur ma parole, ie te menerai, & te ramenerai, & ie te donnerai tousiours les forces necessaires pour fai'e mes commandements.* Dieu seul & elle pourroit dire les lumieres incommunicables, qu'elle receut en la Terre sainte: elle y versa tant de larmes, & tant de souspirs, que pour moy ie m'estonne qu'elle n'y rendit


l'ame, qu'elle ne fondit son cœur iusqu'à la dernière goutte. Mais pour coucher au long ses reuelations, il y faut vn tome tout entier, car ce sont des merueilles. Les Papes, les Cardinaux, les Docteurs, tout le monde, les a contredit, examiné, & fait anatomie: mais Dieu a fait en fin que le saint Siege, & Paul V. & les Cardinaux les ont tellement & si authentiquement autorizées, que ce seroit temerité de reuoyer cela en doute. Elle aimoit si excessiuelement la tressainte Mere de Dieu, elle conferoit avec elle si priuement, que c'est chose incroyable. Souuent on a veu nostre Dame l'aider à faire ses petits ouurages, & tenir la toile par vn bout. Vn iour elle lui dit: *Ma bonne & chere Dame, si vous ne pouuiez estre mere de Dieu, sinon à la charge que Birgitte fut damnée sans peché; Dieu qui lit dans mon cœur void bien, que i'irois volontier aux enfers, affin que vous montassiez au haut point de la maternité de Dieu. Car ie vous aime plus que moy mesme.* La glorieuse Vierge respondit: *Puis que tu as tant de soin ma fille de tout ce qui me touche, ie t'assure aussi que i'aurai de mon costé grand soin de tous tes enfans, comme si c'estoient les miens propres. Et pour toy ie veux que tu sois ma bonne & chere seruante.* Dieu lui commandoit souuent de porter des paroles aux plus grandes puissances de la terre. Cette bonne seruante de sa diuine maiesté s'en acquittoit fort fidèlement, & avec vne simplicité si colombine, qu'vn chacun voioit bien que ses discours estoient venuz du ciel. On ne scauroit dire l'edification qu'elle donna à Rome. Le Pape, les Cardinaux, les sages la tenoient comme vne Sainte: mais hélas! elle auoit bien d'autres pensées, s'estimant la plus indigne creature qui fut deffoubs le ciel. Dieu fit par elle viue & morte grande quantité de miracles. Catherine sa
fille

filles fut vne grande Sainte, & les autres enfans ne degenererent pas d'elle. Si vous vouliez mettre toutes les vertus ensemble, & en faire vne Sainte, certainement ce seroit sainte Birgitte.

Elle pressa tant Iesus Christ de la tirer à soy, que finalement il vint lui mesme la querir, & lui faire scauoir son heure. Ha! quelle ioye! quelle disposition! quels torrents de larmes! Vne petite fleur l'aissaillit à Rome, elle receut tous les Sacrements, on ne scauroit dire avec quelle ferveur Seraphique. Tout le paradis, s'il se peut ainsi dire, vint au deuant d'elle pour la cōduire aux nopces de l'Agneau. En fin elle rendit son heureux esprit à Iesus & à Marie l'an 1373. le 23. de Iuillet, & de son aage le 70. le 30. de son veuage. Elle fut enterrée à S Laurent *in Pane & Perna*, elle fut canonisée l'an 1391. par Boniface IX. à l'instance priere des Empereurs, des Roys, & Potentats de la terre, & à cause d'un nombre incroyable de miracles bien verifiez, & son saint corps fut transporté en Suede l'an 1374. au monastere de son Ordre nomme Vatsten, & tout le royaume fait annuellement la feste de cette glorieuse seruante de Dieu, qui est la gloire de toute la Suede.

LES LUMIERES QV'ELLE
AVOIT DE DIEV ET DE SOY:

1. *Tout le thresor de mon cœur, c'est Iesus crucifié, & Marie.*
2. *S'il falloit que ie fusse damnée pour faire que Marie deuint mere de Dieu, las que ie seroi volontiers & de bon cœur damnée!*
3. *Quelque reuelation que Dieu ne donne, i'amaï ie ne ferai rien sans conseil de mon confesseur.*
4. *Mon Dieu que la creature est forte quand elle croïd n'auoir nulle force que de Dieu, & en Dieu!*
5. *Quand ie vois les faueurs excessiues que Dieu me fait d'un costé, & de l'autre que ie vois mes miseres, ie ne scay où i'en suis.*
6. *Al'heure que ie pense que c'est Dieu qui me guide, & sa tres-sainte Mere, i'ay vn cœur plus grand que tout l'vniuers.*
7. *Dieu a mis tant d'ardeur en mon ame, que ie ne sens plus nulle incommodité par dehors.*
8. *Grand Dieu quel torment est ce d'aimer bien Iesus Christ, & le voir attaché à vne croix empourprée de son sang!*



*Hispanus, Ordinem Eremitarū S. Hieronymi
in Bethleem olim inchoatum, iam pridem col-
lapsum, in Toletana Provincia Gregorio XII.
approbante, excitavit, anno Christi 1407.*

C. Gallē sculp. T. Gallē exc. cum privilegio.



XXVIII. DV VEN. P. PIERRE
FERDINAND.

Bzon.
ann. 1383.
n. 21.
Plat. l. 2.
c. 22.
Paul. Mo-

ON dit qu'avec approbation du Pape Gregoire^{rig.} XII. vn grand seruiteur de Dieu renouuella l'Ordre des Hermites de S. Hierosme, qui auoit iadis esté bien estably à Bethlehem, & auoit fleuri fort long temps. Mais comme les choses humaines sont subiectes à eclipses, & à grands changements, cette fleur fanit au bout de quelque temps, & perdit quelque chose de son esclat, & de sa bonne odeur. En diuers temps on l'a fait reuerdir, & du temps d'Eugene IV. l'an 1433. frere Loup de Olmet Espagnol aiant fait quelque reforme à S. Alexis par la permission du Pape, mourut estant General des Hermites de S. Hierosme. Quasi en mesme temps, on fit refleurir cet Ordre en la prouince de Tolete par le moien du Ven. P. Pierre Ferdinand, tellement que l'Italie & l'Espagne receurent vne grande consolation de voir espanouir ces fleurs, qui sembloient estre flestries & passées. Ce Pierre Ferdinand aiant quitté la cour de Pierre Roy de Castille, & toutes les belles esperances, que les merites de son pere & les siens lui auoient acquis, il se ietta dans le sein de la Religion. Il se ioignit à certains Hermites qui viuoient saintement, & puis il fut inspiré fortement de renouueller la congregation erigée iadis par S. Hierosme en Bethlehem,

Ee

&

& par laps de temps tombée en decadence. Sa bonne vie, & son austerité attira à soy plusieurs compagnons. Cela eut si grande benediction, qu'en peu de temps cela se respandit par la prouince de Toledé. Voiant ce nouuel Ordre s'enfler assez heureusement, il voulut faire approuuer ses constitutions par le saint Siege: à cet effect il se transporta à Rome, où il baisa les pieds d'Urbain VI. qui confirma cette façon de viure l'an 1383. Cela fut cause que cette Religion s'estendit en Espagne & en Portugal, & s'est rendue fort fleurissante & fort recommandable. Le B. Pierre de Pise en establit vne autre congregation à Pise: & c'est merueille comme la sainteté du glorieux S. Hierosme, & sa vie tresauustere a gagné les cœurs des personnes. Ces Religieux font grande profession de solitude, d'austeritez, de ieufnes, de silence, de contemplation, & d'un grand esloignement des maximes du monde. A la verité quand on void vn si grand Saint, & si scauant Docteur de l'Eglise vn caillou au poing massacrer ses pechez dans sa poitrine, qu'il va meurtrissant de coups de caillou, quand on le void tout couuert de rudes cilices, & trempé de ses larmes, deuant vn crucifix, & vn test de mort sur sa table, & vn visage tout rauy dans le ciel; il est impossible qu'un bon cœur ne sente de la tendresse, & quelque enuie de faire comme lui. Voila pourquoy ce saint Ordre de temps en temps pousse des nouvelles fleurs, & malgré l'inconstance des choses humaines, s'efforce de reparer ce que le temps pourroit auoir terni de son lustre, & meurtri les raions de sa premiere sainteté. La vie, la conuersion, la
mort

mort de Pierre Ferdinand c'est vn des beaux ornements de son siecle, & vn de ses grands aduantages c'est d'auoir esté l'vn des restaurateurs de ces bons enfans de S.Hierosme, & remis en vigueur l'estat des Hermites, qui font profession de viure sur la terre, comme font les Anges dans le ciel.

LES MAXIMES
DE SAINT HIEROSME
ET DE SES CHERS ENFANS:

1. *A tout moment il me semble que le son aigu de la trompette effroiable m'adiourne au dernier iugement.*

2. *Quand l'homme a vne bonne fois regardé les voutes rou-lantes du paradis, & s'est laissé gagner à leur beauté, il n'aime plus rien icy bas en ce monde.*

3. *Il est impossible d'estre bienheureux & en terre & au ciel; & faut perdre l'un des deux, si on veut gagner l'autre.*

4. *Quand ie pense à l'eternité, & à ces durées eternelles, tous mes maux ne semblent plus rien.*

5. *Si paradis estoit dedans noz cœurs graué bien profon-de-ment, noz cœurs seroient tousiours dans le sein du paradis, & d'une paix inesbranlable.*

6. *Que seruiroit il à vn homme, de gagner l'vniuers, & puis perdre son ame?*

7. *O que les deserts sont delicieux à vne ame qui a vne fois gousté la blandice de la perfection, & les vrays biens du ciel!*


8. *Le silence, la solitude, la priere, & l'austerité ce sont les quatre parties du monde pour vn bon cœur, & les quatre elements pour façonner vn Saint.*

S. LAURENTIUS
IUSTINIANVS



*Illustrius Venetus,
Ordinem Canonicorum Regularium Sancti Georgii
in Alga, iuxta Venetias, ab Antonio Corvario Jesuita
instituti, a Gregorio XII. probati, a. 1400. correxerit.
illustravit Moritua primus Patriarcha Venetus, a. 1455.*

*C. Galle sculp. T. Galle excud.
Cum privilegio.*



XXIX. LE B. LAURENT
IUSTINIEN.

Ce premier Patriarche de Venise yffu de la race de l'Empereur Iustinien, filz de Bernard & de Quirine, naquit à Venise l'an 1380. & tant. C'estoit la sagesse mesme, que ce ieune Venitien, on le regardoit comme vn soleil Oriental. La sagesse diuine en deuint amoureuse, lui apparut en forme humaine, & le voulut espouser. Apres cette vision il n'eut plus de pensée pour le monde, mais tout pour le ciel. Il quitta donc toutes ses esperances, & promit au crucifix, deuant lequel il fondoit en larmes, qu'il se feroit Religieux au plustost. Dit & fait: car il s'en alla avec la benediction de sa mere à S. George in Alga, où Marin son oncle estoit Chanoine Regulier de S. Augustin. Il s'addonna si excessiuement à la mortification, lui qui estoit fort delicat, que les vieux Profez estoient rauiz, voiant les ferueurs de ce ieune nouice. Il ne se chauffoit iamais, il n'alloit iamais au iardin pour se distraire: il estoit si punctuel en toutes les obseruances du conuent, qu'il le fallut tanser de ses excez, de ses ieusnes, & des autres austeritez dont il martyrisoit son pauvre petit corps, qu'il appelloit son ennemi mortel. Quand on lui defendoit, il obeissoit tout colombinement, mais en souffriant il disoit innocemment, *Quiconque aime la croix trouue tant de chemins pour y arriuer, que quand on lui ferme vne porte, il en trouue vne douzaine ouuerte.* Il fut assailli des escrouelles, & d'autres infirmitéz: il y falloit appliquer
le

le

le feu, le fer, & les plus forts remedes; quand il voioit pallir le Chirurgien, *Monsieur*, dit il, *faites faites hardiment ce qu'il faut faire: hélas! les Martyrs & le Roy des Martyrs en ont bien souffert d'autres.* Et au plus grands tourmens il ne iettoit qu'un cry, & d'un soupir langoureux, il disoit, *ha! doux Iesus.* Et voila toutes ses doleances. Il estoit parfaitement humble, & quand on le fit Supérieur, il n'y aima qu'une chose, à scauoir que de son autorité il se pourroit mettre au dessous, & le dernier de tous les autres, & ce que nul ne voudroit faire, ce seroit là son fait. Il mesprisoit si fort le monde, & le mespris mesme que le monde faisoit de lui, qu'il estoit ardemment amoureux du mespris.

Depuis le iour de son entrée à la Religion, iamais il ne mit le pied chez Madame sa mere, sinon quand il la fallut aider à bien mourir. Souuent estant à l'autel, il estoit ravi en ecstase: comme le iour de Noël, le Diacre le tira tant qu'en fin il reuint à soy, & dit: *Mon frere ie m'en vay acheuer la Messe, mais que ferons nous de ce diuin enfant que voila sur l'autel?* C'estoit le petit Iesus qui s'estoit apparu pour consoler son bon seruiteur. Il auoit cela le saint homme, qu'il auoit un grand ascendant sur les cœurs. Un sien ami le voulut retirer du monastere estant encor ieune Religieux: il mena quantité de frippons, de gens darmes, de violons, pour le retirer par amour ou par force: le saint nouice le tira à part, en peu de mots il lui brisa le cœur, & lui donna vne atteinte si viuue, qu'il ne voulut plus sortir du monastere, & se fit Religieux avec le B. Laurens. Ceux qui branloient en leur vocation, auoient recours à lui: par ses prieres, ou par ses paroles cordiales, il les guerissoit d'ordinaire, & le faisoit perseverer dans la Religion. Il predit à un Gentilhomme

homme

homme qui prenoit des cendres, que l'année suiuante le iour des rameaux il distribueroit les palmes en qualité de Prelat. Ce Seigneur Venitien se mit à rire, disant qu'il ne croioit point d'estre iamais d'Eglise, & qu'il n'auoit veine qui y tendit. Mais il arriua, qu'estant enuoié ambassadeur à Rome, Eugene IV. le crea Cardinal, & Legat à Boulogne, où il verifia la prophetie du B. Laurens.

Le mesme Pape fit Laurens Euesque de Venise : mais le bon Saint pensa esuanouir, quand on lui en dit la nouvelle. Il fit ce qu'il pût pour eschapper ce mauuais passage, mais il fallut passer par où Dieu vouloit. On ne vid iamais tel Euesque: il ne fit ni entrée, ni demie, il n'inuita nul de ses parens: il prit deux de ses Religieux pour l'assister: il donnoit tout aux pauures, iamais sa chambre ne vid de tapisseries: sa table estoit fort sobre, on ne scauoit ce qu'il aimoit ou non, car tout lui estoit bon. Nul de ses gens n'entroit iamais en sa chambre, il vouloit plorer aux pieds du crucifix, prier, & se discipliner, & parler à Dieu à son aise. Il auoit vn soin extreme de son clergé, de tout le diocese, & que tout allat en perfection. Il trouua 20. monasteres de filles, il en bastit 15. autres, & en auoit vn soin comme de la prunelle de ses yeux. Bien souuent il donnoit son disné aux pauures, ses habits, sa pauure vaisselle: car d'argent il n'en eut iamais, mais de terre ou d'estain. Sa bourse & son cœur estoient tousiours ouuerts aux pauures, & sur tout aux honteux. Il lisoit dans les cœurs les pensées les plus secretes, & il predisoit des choses qui arriuoient fort punctuellement. Il estoit si sage, que iamais Rome ne corrigea aucune sentence donnée par lui ez causes de l'Eglise. Estant encor en vie, & actuellement disant la Messe, il s'apparut

parut à vne Religieuse, & lui donna la sainte communion. Le Pape Eugene fit ce qu'il pût, pour l'attirer à Rome. le saint homme jamais ne voulut taster des honneurs de la cour: il aimoit plus le repos de son cœur, que le tintamarre de la cour de Rome. Cependant Nicolas V. bongré malgré le fit premier Patriarche de Venise. Plus il fuit l'honneur, & plus l'honneur le fuit, & l'accable. La Republique eut quelque apprehension, que ce Patriarchat erigé ne troubla S. Marc & les droits de la Seigneurie: mais le saint homme estoit si petit dans ses grandeurs, si debonnaire en ses pouvoirs, qu'en fin on lui accorda tout ce qu'il voulut. On reuela vn iour, que par ses larmes, & par ses prieres il auoit sauué l'Estat de Venise qui s'en alloit perir. On venoit expres à Venise pour voir ce Salomon, l'oracle d'Italie, & vn soleil esclattant de l'Eglise. Il faut aduouer que la vertu exerce vn grand empire sur le cœur des humains: dans les mers où les elephants se nayent, cet agneau nageoit avec assurance, & il sortoit heureusement de tous les embars des mauuais affaires.

Mais le cœur du saint Patriarche n'estoit pas en son element, il aspiroit sans cesse à l'air amoureux du paradis. Il importuna tant le ciel, qu'en fin on lui accorda sa demande. Estant à l'aage de 74. ans, il fut assailli d'une maladie mortelle. Il couchoit sur la paille, il y voulut mourir, & il ne fut pas possible de le coucher dans vn lit plus capable, & plus sortable à son infirmité. Il se plaignoit de ce qu'on auoit trop grand soin de son corps, & qu'on despensoit trop d'argent pour vn pauvre squelete, & pour vn sac puant tout rempli d'ordure, & pour vn pauvre mourant. Il se fit porter à bras dans l'eglise, où il receut les diuins
Sacre-

Sacrements avec des tendresses les non pareilles. armé de la sorte des armes de Dieu, il exhorta toute l'assistance, s'accommodant à l'estat d'un chacun; & generalement il dit à tous qu'au nom de Dieu on ne fit point tant d'estat de cette chair, qui n'est qu'une fleur fort chetive, qui fanit en un petit moment. Il donna la benediction à tous, ordonna qu'on l'enterrat à saint Georges, & puis il rendit son benit esprit à son Createur le 8. Januier l'an 1455. On disputa long temps qui auroit ce saint corps, on letint sur terre 67. iours, tant pour contenter la deuotion insatiable du peuple, que pour vider le differend. en fin il fut inhumé dans l'Eglise Patriarchale avec vne solennité incroyable, on y couroit non point comme à un seruice de mort, mais comme à vne feste solennelle. Son corps rendoit vne odeur tressoüefue. Et il fit tant de miracles durant sa vie, & apres sa mort, que la voix publique l'a canonisé, & le tient pour un grand Saint du paradis. Ses liures sont remplis d'une science diuine, & ceux qui lisent ses ourages, confessent que c'est le cœur qui parle, & le saint Esprit qui a esté son maistre. vous y voiez le vray suc & la moüelle des vertus diuines, & de la vraye solidité de la perfection. Sa vie, ses escrits, sa mort, son cœur, sa bouche, ne sont qu'une mesme chose, & qui veut faire anatomie de son ame, il faut lire ses admirables escrits. Il n'est pas Fondateur de S. Georges: ce fut Antoine Corrare Iesuate, & Gregoire XII. qui l'approuua l'an 1400. mais le B. Laurens y mit la derniere main, & fut le second Pere de cet Ordre de Chanoines Reguliers.

LES SENTENCES DORE'ES
DV B. LAVRENT IVSTINIEN:

1. Nul ne scait que c'est que l'humilité, s'il ne la pratique lui mesme.
2. La vraye science ne consiste qu'en deux points, à scauoir que Dieu est tout, & que l'homme n'est rien.
3. Dieu cache l'excellence de la Religion aux hommes, autrement tout l'vniuers ne seroit qu'un conuent.
4. Qui peut iouir de Dieu tous les iours en communiant, est il pas bien malheureux s'il ne le fait pas, & de bon cœur?
5. Qui pense garder la virginité parmi les delices, il veut garder la glace dans le feu, & vn lis dans la pourriture.
6. L'Humilité est malade durant le temps de la prosperité, mais durant l'aduersité elle se nourrit, s'engraisse, & est en tres bon point.
7. Scauoir que c'est de pauureté, de deuotion, de charité, de paradis, sans estre dans la solitude, & dans la contemplation, c'est chose impossible à vn cœur.
8. Les vrais thresors du cœur sont Iesus & Marie, & l'humilité fori profonde.

XXX. TOBIE FONDATEVR
DES CELLITES.

ON croit que ce bon Tobie est l'auteur de la congregation de ces bons Freres laics qu'on surnomme Cellites, ou bien Alexiens. Quiconque a dit, que l'amour diuin est aueugle, a eu grande raison; sans cela, quelle apparence y auroit il que ce bon seruiteur de Dieu eut voulu prendre le soin de personnes si desesperées, & si malaisées à ferrer, ou à manier? C'est vn institut bien sublime, & bien rempli de courage & de charité extraordinaire. Ces bons Freres prennent le soin des fols, des maniacles, des furieux, & des enragez. c'est comme vne espece d'enfer sans ordre & sans raison, que gouverner tant de gens sans raison. Ilz seruent les pestiferez, & ceux qui sont frappez de maladie contagieuse, & tous les iours ilz se mettent au hazard d'estre pestiferez, & sur le bord de leur fosse. Viure parmi les morts, sans iamais craindre la mort, & faire peur à la mort, qui fait peur au reste des hommes; est ce pas vne vocation heroique, & où les Cæsars & les Alexandres seroient bien estonnez? Ces
mes-

mesmes seruiteurs de Dieu ont soin d'inhumer les corps morts , & leur rendre les derniers deuoirs: ilz remettent dans le sein de la nature ce qui en est sorti , & touchez d'une compassion diuine , ilz ont vn soin extremement grand de consoler les malades , assister les mourants, donner sepulture aux morts , penser les pestiferez , auoir raison & charité pour ceux qui sont hors de raison. & vous diriez qu'ilz soient establiz Vicaires generaux de la diuine prouidence. Comme si on leur disoit à eux, ce qu'on dit à Dieu mesme: *Tibi derelictus est pauper, orphano tu eris adiutor.* Ce Tobie donc, comme vn autre Iob, pouuoit bien dire qu'il estoit l'œil de l'aueugle, le pied du boiteux, le bras du paralytique, & le surintendant des pauures abandonnez. On n'est pas bien d'accord de cet institut, quel il est, quel Pape l'a confirmé, sous quelles regles ilz doiuent viure, & precisement en quel temps commença cette vocation si magnanime, qui se ioüe de la mort pour l'amour de Dieu. Les Annales du paradis nous diront leurs noms, & leurs merites, & possible qu'un iour on nous en dira plus clairement toute l'histoire & l'origine, & qu'on aura moien de leur rendre l'honneur qu'ilz meritent, & la gloire qui en est deüe à Dieu. Ilz sont tellement ensepueliz parmi les morts, les bieres, & les pestiferez, que les memoires de leurs merites sont comme morts, & ensepueliz dans l'oubli. vn iour viendra, qui mettra
 au

au iour la valeur de ces genereux soldars de Iesus
Christ, qui ont liuré la guerre à la mort, à la peste, &
aux maladies les plus incurables.

Gg

QVEL.


QUELLES PEUVENT ESTRE
LEURS MAXIMES:

1. *L'Amour est fort comme la mort, voire l'amour est mille fois plus fort que la mort.*
2. *Qui nous separera de l'amour de Iesus Christ? sera-ce la mort, ou la peur, ou toutes les choses extremes?*
3. *Qui aime bien la vie eternelle, i jamais ne craind la mort momentanée.*
4. *Helas! quelle consolation sera-ce au iour du iugement d'entendre cette voix: Venez mes chers amis, paradis est à vous, puis que vous auez eu soin de moy, quand i'estois malade!*
5. *Ie desirois estre anatheme pour sauuer mes pauvres freres, & les aider à gaigner paradis.*
6. *La charité souffre tout, porte tout, croid tout, espere tout, & est tout à toutes les personnes.*
7. *Qui perd son ame pour l'amour de moy, & sa vie, il est digne d'estre mon disciple.*



*Calaber, Fundator Ordinis Minimorum,
tres Regulas fratribus, sororibus, et
vtriusque sexus Tertiarijs instituit, sub
Sixto IV. Obijt nonagenarius, a. 1507.*

Corn. Galle sculpsit. T. Galle exc. cum privilegio.



XXXI. S. FRANCOIS DE PAULE.

Vous conoissez bien que c'est icy ce saint personnage, que le Roy Louis XI. surnommoit *le bon homme*. La douceur est grauée sur son visage, & la charité dans son cœur. Il naquit à Paule en Calabre l'an 1416. Iacq. Martotille son pere, & Vienne sa mere eurent ce filz par les prieres de S. Francois, & en reconnoissance ilz lui donnerent son nom. Il estoit doüé d'un naturel fort doux, & naturellement il aimoit la vertu. A l'aage de 13. ans il alla au desert, où il vescu comme vn petit Ange du ciel. Celis du desert, & cette rose odoriferante ietta vne odeur si agreable, que plusieurs se sentirent attirez à se iondre à vn si saint homme. Sa vie n'estoit que prier, plorer, ieusner, faire de grandes austeritez, & penser aux années eternelles. Voiant que Dieu lui enuoioit des compagnons, & l'inspiroit de faire vne congregation, il quitta le paradis de sa solitude, pour s'en aller à Paule bastir vne petite chapelle, & vn petit hospice. Mais comme il la faisoit trop petite, parut vn homme habillé comme S. Francois, & de vray on croid que c'estoit lui mesme, qui le tança d'auoir le cœur si serré, & le pria de faire vne eglise plus capable. lui au contraire allegua sa pauureté extreme, *Dieu vous aidera*, dit S. Francois, *est il pas assez riche?* cela fut donc fait, & en effect vint vn homme de Cossanze qui lui porta vne bourse toute pleine d'argent.

Il establit donc son Ordre, & nomma ses Religieux *Mi-nimes*, comme les plus petits de tous. Mais lui qui estoit le

Gg 3

Pere,

Pere, à la verité il estoit minime des Minimes, & tousiours le dernier de tous en paroles, en habits, en exercices, & en tout. Il couchoit sur la dure, faisoit la discipline toutes les nuits, ne mangeoit qu'une fois le iour, & à l'heure tout son repas n'estoit qu'un peu de pain & de l'eau: quand il estoit trop abbatu, il adiouxtoit un peu de legumes, ou quelque viande de Quaresme, & mesme ordonna que ses enfans feroient un quatriesme vœu de faire un Quaresme perpetuel, horsmis durant la maladie. Il garda le lis de sa virginité perpetuelle; il alloit tousiours pieds nus, mal vestu, mallogé, & à vray dire c'estoit un Martyr vivant, qui ne viuoit que de morts iournalieres, & dans des mortifications extremement aspres. Il n'y auoit au reste rien de si debonnaire, c'estoit un vray agneau. Il gaignoit les cœurs de ceux à qui il parloit, & auoit un empire sur les elements, sur les bestes, voire mesme sur les malins esprits qui le craignoient & le fuioient de toute leur puissance.

On lui refusa de le receuoir dans le vaisseau pour passer la mer entre Calabre & Sicile: il estendit son manteau sur le dos de la mer, lui & son compagnon monterent là dessus, & avec estonnement du ciel & de la terre il fit voile là dessus, & trauersa la mer sans incommodité quelconque. Il se trouua un iour dans une fournaise ardente, qui ne lui fit non plus de mal que la mer, ni les autres elements. Le nombre de ses miracles n'est connu quasi qu'à Dieu seul, il resuscita des morts, il guerit de toutes sortes de maladies, il eut le don de prophetie, & predict quantité de choses qui arriuerent tout comme il auoit dit.

Son Ordre cependant s'alloit multipliant par l'Italie, & les raions de la sainteté se respendoient par toute l'Eglise.

se. Il escheut que Louis XI. Roy Treschrestien tomba en vne maladie que les medecins iugeoient incurable, & surpasser toute leur science. Le desir de la fanté fit venir enuie à ce Prince d'auoir recours à Dieu par le moien de ce saint homme, dont on parloit par tout: il s' imagine bien que le bon homme ne viendroit pas à la cour, sinon tiré par la main de l'obeissance. Il escriuit au Pape Sixte IV. qui lui commanda de faire ce voiage: lui qui l'auoit refusé au Roy, obeit au Vicaire de Iesus Christ, & se transporta en France. Il fut receu comme vn Archange, & comme vn Saint du paradis. Le Roy lui fit vn accueil Royal & plein de veneration, puis il lui dit son intention, & sa deuotion, le priant que, comme il auoit eu tant de credit dans le ciel, que d'obtenir la fanté de tant d'autres, il lui plût lui faire cette mesme faueur. Le saint homme changea de mille couleurs, se voiant pris pour vn Saint, & pour vn faiseur de miracles. il fit mille excuses, allegant qu'il estoit vn pauvre pecheur: neantmoins puis que sa Maiesté daignoit lui commander, qu'il feroit tout son possible pour faire que Dieu lui rendit sa fanté. Apres ses longues prieres, & ses austeritez, Dieu lui reuela qu'il ne vouloit pas que le Roy vescu d'auantage en ce monde, qu'il se disposast au voiage pour vn meilleur monde que cettui cy. Le venerable Pere va trouuer le Roy, lui dit l'ordonnance & l'arrest de Dieu, & qu'il plût à sa Maiesté penser aux années eternelles, & à vn royaume immortel, se disposant bien à ce dernier combat. Le Roy fut vn peu estonné, mais apres reprenant ses esprits, il le remercia, print conseil de lui de ce qu'il faudroit faire, & fit mille & mille biens deuant que de mourir. A cette occasion l'Ordre se

peupla

peupla en France, & le Roy fit bastir au bout du Parc du Pleffis lez Tours ce beau monastere, qu'on y void encor aujourdhuy.

Le saint hommes'habituà là: il escriuit trois regles, vne pour ses Religieux, l'autre pour les Religieuses, & la troisieme pour ceux du Tiers Ordre: tout cela fut approuué par le Pape. Mais qui veut scauoir la vraye regle des Minimes, il faut voir la vie de S. Francois de Paule: car il estoit lui mesme la regle animée, & sa vie vn miroir de perfection. Tout le monde alloit à lui comme à l'oracle, & il se rendoit maistre des cœurs de tous les hommes. Il auoit le cœur tout plein de charité: son habit estoit la paureté mesme, son chant estoit plustost soupirer & plorer que chanter: il n'auoit point de fiel ni de cholere: on se tenoit heureux d'auoir veu vne fois, ou parlé au saint homme.

Mais il languissoit de vray amour du ciel, & estoit si espuisé, qu'il sembloit vne mort viuante. Le Dimanche des Rameaux aiant esté saisi d'un grand transport, en suite il fut malade d'une fièvre mortelle: il vid venir la mort, & s'y preparer excellemment. Il fit vn sermon à ses freres: mais il leur perça les cœurs. Le Ieudy saint il ne voulut pas qu'on lui laua les pieds, disant que le lendemain on lauroit tout son corps, signifiant qu'il mourroit le Vendredy saint: il se fit porter à l'eglise, il communia tresdeuotement à la façon de l'Ordre, à scauoir les pieds nus, la chorde au col, les larmes aux yeux, & les regrets au cœur: apres il se fit reporter à sa cellule, où le Vendredy saint à mesme heure que Iesus Christ expira, tenant vn crucifix, disant son *In manus* fort amoureusement, il rendit son heureux esprit l'an 1507. de son aage le 91. de son Ordre esta-

bli

M^oli le 72. Son corps rendoit vne odeur tressoüefue, il fut
 exposé onze iours, il demeura tout entier & incorruptible
 fort long temps dans la terre. il fit des miracles en si grand
 nombre durant sa vie, & apres sa mort, qu'on le baptiza du
 surnom de Taumaturge, & il fut canonizé fort solennel-
 lement par le Pape Leon X. l'an 1519. le premier iour de
 May. Francois I. fit les frais avec vne magnificence Royal-
 le, tant parce qu'il croioit tenir la vie par ses prieres, com-
 me aussi pour auoir eu vn Dauphin qu'il nomma Francois,
 pour reconoistre l'obligation qu'il auoit à ce grand Patri-
 arche d'vn Ordre plein de sainteté. Toute la France fit
 vne feste solennelle, & a tousiours eu en grande vénéra-
 tion sa memoire, & ses saintes reliques. Le malheur des
 guerres a voulu, que la ville de Tours estant saccagée par
 les Huguenots, le corps de S. Martin, & celui de S. Fran-
 cois de Paule furent iettez dans la riuere de Loire. Mais sa
 sainteté est si auant grauée dans le cœur des Francois, que
 tant que la France sera France, S. Francois sera grande-
 ment honoré.

Hh

LE

LE DECALOGVE DE
S. FRANCOIS DE PAVLE:

1. Soiez toujours le dernier de tous, mais soiez le de bouche, de cœur, & de fait.
2. Autant aurez vous de vertu, que vous aurez de vraye humilité.
3. Le minime de tous les Minimes c'est celui qui sera le plus grand deuant Dieu.
4. L'Humilité & la charité sont les deux vertus de mon Ordre.
5. La pauvreté, la charité, l'humilité, & l'austerité sont les quatre elements d'un vray Minime.
6. Jamais le cœur ne sera en repos, qu'il ne soit dans le sein de la deuotion.
7. Quand on auroit fait un monde entier de miracles, que seruira cela si on n'a de l'humilité?
8. L'Honneur que le monde me rend, me remplit de confusion, ie me conois mieux que personne.
9. Plus on est liberal enuers Dieu, & plus il respand sur nous de ses graces.
10. O que Dieu est grand! ô que l'homme est petit! mais puis que Dieu s'est fait petit, hélas! & où se mettra l'homme?

XXXII. LA B. I E A N N E D E F R A N C E .

ON dit que la nature ne forme point la perle Orientale, ni la pierre foudroiante qu'avec vn esclat de tonnerre. La B. Ieanne n'auroit pas esté vne perle del'Eglise si pretieuse, si elle n'auoit receu quelque coup bien rude, & cōme vn coup fauorable du ciel. Elle fut fille de Louis XI. sœur de Charles VIII. femme de Louis XII. parente des plus grandes Princeesses de la terre. Elle vint au monde l'an 1464. mais ce fut plustost pour estre Sainte du paradis, que Princeesse de la terre. Son ame estoit bien douëe de plus grande beauté, que son corps, & ce fut vne partie de son bonheur. Car cela lui donna vn grād desgouft du monde, & vn grand gouft du ciel. Louis XI. se faschoit de la voir portée à la pieté, mais avec excez: car elle n'estimoit point les grandeurs de la cour: de plus la voiant assez mal bastie de son corps, il ne la regardoit quasi qu'avec regret. On la donna en mariage au Duc d'Orleans Prince d'une grande bonté. Mais la Princeesse Ieanne estoit par tout comme vn soleil, qui ne ternit point l'esclat de ses rayons en quelque lieu qu'il soit, & n'en perd rien mesme parmi les espines. Cette fortunée Princeesse ne se plaisoit que dans le sein des vertus, & dans les exercices de toutes les perfections. Parmi les roses de la cour il y a des espines bien aigües, & cette bonne Duchesse de Berry, & sœur de Charles VIII. eut bien à souffrir durant la vie de son pere, & encor plus durant le regne de son frere. Dieu lui auoit donné tant de vertus, qu'elle tiroit vn grand profit des orages de la cour.

Hh 3

Quand

Quand Louis XII. se vid Roy, il pressa Alexandre VI. de vouloir declarer son mariage nul: il allegua tant & de si bonnes raisons, que le Pape declara la nullité de leur mariage. Cette innocente fille de France se laissa manier comme vne colombe, & comme vn simple agneau: on fit tout ce qu'on voulut, & en son cœur elle rioit d'aïse, pour se voir en liberté de seruir Dieu, & sa chere maïtresse nostre Dame, qu'elle aimoit d'un amour filial. Elle vid bien à l'heure, que ce que la sainte Vierge lui auoit inspiré, qu'elle fonderoit vn nouuel Ordre à son honneur, se pouuoit executer pleinement, se voiant desgagée des liens du mariage, qui lui estoit vne espece de seruitude intolerable, aiant le cœur plus à Dieu qu'à la terre. Elle reçeut beaucoup d'assistance de saint Francois de Paule, & par ses bons aduis elle se mit en deuoit de fonder vne nouvelle Religion. Elle choisit Bourges pour ce dessein: & c'est chose incroyable, combien elle y mena vne vie sainte & austere. Son habit estoit fort simple, vn cilice tousiours sur sa chair, & d'abondant elle auoit vne croix de bois sur le cœur, où il y auoit cinq petits clous, les pointes desquels la piquoient sans cesse, & il n'y auoit que Dieu & elle qui sceussent ce petit martyre continuel qu'elle souffroit à l'honneur des cinq plaies. En outre toutes les nuits elle faisoit vne discipline iusques au sang, & comme si tout cela eut esté peu de chose, elle se ceignoit interieurement d'une chaisne de fer: sa vie estoit vn ieusne & vn Quarresme perpetuel. On ne scauroit dire les bonnes ceures qu'elle faisoit à Bourges. Son Confesseur estoit Gabriel Maria homme de merite, & fort renommé en ce temps. la sage Reine lui ouurit son cœur, & son dessein de fonder

vne Religion de filles de la Vierge Marie, qui fussent obligées à imiter ses dix principales vertus. Ce bon Pere y fit de grandes difficultez. Cela ferra si fort le cœur à la bienheureuse fille de France, qu'elle en fut bien malade, & en pensa mourir. Le Pere à l'heure vid bien qu'il falloit châger de discours, & promit qu'il s'y emploiroit puissamment. En effect elle fit acheter vne maison, & meubler, & assembler des filles pour estre de ce nouuel Ordre. Ce qui fut fait l'an 1500. le 21. de May, & on lui mena des filles de Tours, qui estoient fort portées à vn tel institut. On commença donc à practiquer les petits reglements qu'on auoit proiecté, afin de faire vn essay de cette vie innocente. Croiriez vous que le diable fit des siennes, & que par mille artifices il s'efforça de renuerser ce paradis naissant, & esperoit de trouuer là quelque Eue. Mais Dieu dissipa tous ses mauuais conseils. Malgré lui la Princesse fonda ce nouuel Ordre, qu'elle nomma la Religion des dix vertus & des dix plaisirs de nostre Dame, à scauoir 1. Pureté; 2. Prudence; 3. Humilité; 4. Verité; 5. Fidelité à louer Dieu; 6. Obeissance; 7. Pauvreté; 8. Patience; 9. Charité; 10. Compassion des douleurs de Iesus Christ. Voila le decalogue qu'elle prescriuit à ses filles, & le but de cette Religion d'honorer & imiter ces dix plaisirs de la Reine des Anges. Diriez vous que c'est pour elle qu'est faite cette prophetie, qui dit: *Resouissez vous en Dieu vous qui estes sterile: quia multi filij deserte magis quam eius que habet virum?* Celle qui a esté abandonnée de son mari, aura plus d'enfans que celle qui est mariée. Vray. car elle a esté mere d'autant d'enfans qu'il y a, & qu'il y aura de saintes filles en ce nouuel Ordre des plaisirs de la tres-sainte

sainte

sainte Vierge. On commença donc à praëtiquer ces dix vertus avec vne ferueur extraordinaire: sur tout la bonne Princeſſe, qui eſtoit la plus humble, & la plus feruente de toutes, & touſiours la premiere à tout. Ieſus, Marie, & S. Ioseph eſtoient les trois qu'on auoit touſiours deuant les yeux, pour imiter leurs actions diuines, & implorer leur aſſiſtance. l'Odeur de ces lis & de ces roſes embaumoit toute la France, & les Dames ſe tenoient bienheureuſes d'auoir leurs filles dans cette ſainte maiſon.

Dieu inspira la B. Princeſſe de faire dreſſer vne regle, & cette commiſſion fut donnée au P. Gabriel, qui ſ'en acquitta dignement. on l'enuoia à Rome par le P. Morin pour eſtre confirmée: mais Alexandre VI. en refuſa l'approbation. la bonne Princeſſe y r'enuoia derechef le P. Gabriel, qui auoit raccommode la regle, mais le Pape derechef ne donna qu'vn refus. Mais S. Laurens & S. Francois s'apparurent la nuit au Cardinal Dataire, & lui parlerent en ſorte, qu'il porta le Pape à confirmer la regle de l'Annonciade des dix plaiſirs de la treſſainte Mere de Dieu. Ce fut l'an 1501. le 14. Feurier, & Leon autoriza tout cela l'an 1517.

La B. Ieanne receut vne ioye qui ne ſe peut dire, de ce nouuel Ordre eſtabli durant ſa vie. l'Année ſuiuante elle fit baſtir vn monaſtere, & le diable fit tout ce qu'il pût pour trauerſer ce deſſein du paradis: mais la ſainte Princeſſe fut touſiours la plus forte. Elle donna l'habit à pluſieurs filles, c'eſt à dire vne robbe de couleur du ciel, vn ſcapulaire rouge, vn voile blanc, & vn chordon à dix neuds, pour reſſembler les dix plaiſirs de noſtre Dame. Elle fit ſolennel-

lement

ement la profession avec vne ioye incroyable de son cœur, & grande effusion de larmes. Le ciel respandoit abondamment ses graces sur cette sainte famille.

Mais parmi ces douceurs arriua la nouvelle qu'il falloit mourir, & aller en paradis. Cette inspiration resioit infiniment la B. Princeſſe, les filles penſerent mourir de douleur: la voila ſaiſie d'une fièvre mortelle, toute la ville eſtoit en pleurs, & iettoit de grands cris au ciel pour ſa ſanté. Mais l'heure eſtoit venue: fortifiée donc de tous les Sacrements, & diſpoſée comme vne Sainte, elle mourut ſans qu'on y prit garde: horsmis qu'on vid ſur ſon corps comme vn ſoleil luiſant en meſme temps qu'elle rendoit ſon eſprit à ſon Dieu. Elle fut inhumée avec vne ſolennité deüe à ſa qualité: en la voulant enbaumer on la trouua couuerte de cilice, de chaîne de fer, & de la croix à cinq cloux. Elle fit apres quantité de miracles, mais les Huguenots de rage bruſlerent ce ſaint corps l'an 1562. Elle mourut le 5. Feurier l'an 1504. de ſon aage le 40. & ſa memoire ſera à iamais fleuriffante, & l'honneur de la France.

LES AFFECTIONS DE LA
B. IEANNE DE FRANCE:


1. La cour me pût si fort, & le ciel sent si bon, que la Religion me semble un paradis.
2. Les malheurs de ma vie me sont si pretieux, que ie les tiens quasi comme une des causes des bonheurs de ma vie.
3. Nostre Dame a si fort gagné tous mes amours, que ie ne scaurois plus aimer que Dieu & sa tressainte Mere.
4. Parmi les aspretez ie trouue tant de torrents de delices, que mon cœur ne scauroit aimer que les austeritez.
5. Iamais mon cœur n'est content de l'amour qu'il porte à la Vierge Marie, & si Dieu ne nous aide, ie crain de mourir de trop de desir d'aimer cette Reine du ciel.
6. Les dix plaisirs de ma bonne maistresse, & les dix vertus les plus eminentes, ce sont le sauoureux decalogue de mon cœur.
7. Mille sceptres, & mille couronnes, & mille mondes ne sont rien à une ame qui a une fois gousté Dieu, & sa charité.
8. Dans la cour i'ay esté battüe sans cesse d'orages, dans la maison de Dieu ie ne scay que c'est que malheur.



Picenus Franciscanus, arctioris pau-
per-tatis amore Capuccinarum Ordinem
multiplicatus est in Marca Anconitana.
sub Regula S. Francisci, confirmatum
a Clemente VII. anno 1526.

Cornelius Galle
sculpsit.

T. Galle excud.
in privilegio.



XXXIII. DV V.P. MATHIEV
DE BASCI.

Annal.
Capuc.
an. 1525.
1528 &c.
Et in Ap-
par. n. 38.

Dieu fit vn riche present à son Eglise l'an 1525. enuoiant ce V.P. pour commencer l'Ordre des RR. PP. Capucins, qui est comme vn ciel rempli de belles estoilles. Mais il fut comme Moyse qui conduisit les autres à la terre de promesse, & il n'y entra quasi pas lui mesme. Aussi on nous assure que ce bon Pere, qui estoit vn Religieux de S. Francois, doié de tresrares vertus, fort austere, & de vie eminente, fut bien le premier qui remit le propre habit de S. Francois, ietta comme les premieres pierres de ce sacre edifice, donna exemple aux autres, attira quelques compagnons à cette sainte vie, comme Louis, & quelques autres. Or les Annales de leur Ordre nous assurent que ce Mathieu ne mourut point dans l'Ordre, ains s'en retourna au conuent des Obseruantins, où il mourut. Et le P. Louis, qui auoit eu des Bulles de confirmation de l'Ordre l'an 1528. de Clement VII. & auoit souffert mille trauaux pour establir & amplifier cette sainte Reformatiõ, par vn secret iugement de Dieu il quitta tout, & s'alla faire Hermite. Tellement que ni ce P. Mathieu, quoy que d'ailleurs fort bon Religieux; ni ce P. Louis, qui estoit tenu pour vn Saint, ne sont ni les Peres, ni les Fondateurs, ni les Promoteurs de cet Ordre. Et l'histoire dit que ce saint Ordre est comme Melchisedech, qui n'a ni pere, ni mere, & ce pendant il est selon l'ordre de Iesus Christ, & selon

Appar.
n. 39.

la sainte volonté. Ces deux Peres firent comme la mere de Moÿse, qui l'ayant enfanté le ietta dans les flots à la merci de la prouidence du ciel, qui en eut si grand soin, qu'il en deuint le premier homme de la terre.

Cette sainte congregation comme enfantée de ces deux Peres, & puis mise à l'abandon, a esté comme par les mains de Dieu donné à la Princesse du paradis: qui l'a si bien nourri & esleué, que cet Ordre, qui estoit quasi orphelin, s'est trouué vn des plus esclattants de la terre. On peut donc dire, que l'an 1528. le 13. iour de Iuillet que le saint Siege approuua cette Religion, c'est le iour de la naissance, & iour remarquable à la posterité, qui a enfanté tant de saints personages, & tant de soleils à l'Eglise. Dieu veut donc qu'on scache que c'est lui qui en est le pere, & que ces venerables Peres lui disent: *Tibi derelictus est pauper, orphano tu eris adiutor.* Il n'y auoit rien de si petit à sa naissance, comme il arriue aux choses de Dieu. les petits enfans de Rome les voiant, crioient par admiration, *Capucini, Capucini.* nom que Dieu leur a baille par la bouche des petits innocents. Le premier conuent fut pres de Camerin en vne petite chapelle de S. Christophle: mais la pauureté estoit extreme, leurs cellules estoient plustost des sepulchres des viuants: tout y estoit si petit, que des deux mains ilz pouuoient toucher les murailles: vn lit qui semble plustost vne bierre, vne teste de mort sur vne petite table c'estoient tous leurs meubles. vn habit si rude, qu'il semble vn cilice bien aspre pour meurtrir le corps plustost que pour le couurir, vne grosse chorde à trois nœuds, avec lesquels il faut se coucher sur vn peu de paille, qui est propre à faire veiller toute la nuit plustost qu'à
 repo-

reposer. Dans ces gros habits comme dans des nacres sales au dehors il y auoit des perles pretieuses de toutes sortes de vertus. Il n'y auoit rien de si ardent, de si Seraphique, rien de si virginal, de si pauvre, de si rauï en deuotion. Tout le monde les regardoit comme des hommes tombez du ciel. on couroit à la foule ou pour les admirer, ou pour se ioindre à eux, & viure dans le paradis terrestre de cette nouvelle Reformation. Ilz estoient les premiers à toutes les bonnes œuures conformes à leur vocation. Mathieu de Balsi avec 12. de ses compagnons s'exposa aux pestiferez de la ville de Camerin, & ils sembloient proprement douze Apostres,

On ne croiroit pas comment Dieu enfla cette Reformation, & la respandit par l'vniuers: tellement que l'an 1578. il y auoit desia eu 17. Chapitres generaux. Ce malheureux Bernardin Ochin, qui auoit si bien commencé, comme vn cadaure pourri fut vomï par cette mer qui ne veut point souffrir d'ordure. Cela fut cause d'une grande persecution & affliction à ce saint Ordre. Mais Ochin ne fit non plus de tort aux bons Capucins, que Lucifer aux Anges, & Iudas aux Apostres. Paul III. eut quelque pensée de desfaire ce saint Ordre, comme le Pape l'auoit eu l'an 1543. car tout l'enfer se souleua contre ces grands seruiteurs de Dieu, & il sembloit que ce petit Moyse flottant sur les eaux à l'abandon s'en alla couler au fond: mais la tressainte Vierge defendit ses enfans, & les fit sortir victorieux de toutes ces tempestes. Aussi est ce le propre de cet Ordre d'honorer & d'aimer d'amour nostre Dame, & la seruir parfaitement comme sa chere Patrone. On ne croiroit pas le soin que ces premiers Peres ont eue de ca-
cher

cher leurs Saints, & leurs miracles; ilz aiment mieux les canonizer dans le silence de l'humilité, que dans l'esclat des honneurs du monde. Ilz font comme S. Francois, qui defendit au B. Pierre de Catane de faire plus de miracles apres sa mort, craignant que l'honneur du monde ne fit esuaporer en fumée de vanité la sainteté solide de leur profession. Mais ilz ont beau cacher, puis que le ciel & la terre font deux tesmoins irreprochables des vertus eminentes que Dieu a mises en cette sienne famille. Vn orage suruint l'an 1543. qui fit que le Pape leur osta la predication, mais l'an 1545. cela leur fut rendu avec eloge. Et c'est merueille que l'an 1526. & 1527. cette pauvre barquette ne fut abyssée au milieu des orages qui vouloient ce semble l'engouffrer sans resource. Mais Dieu qui a soin de ses bons enfans, comme de la prunelle de ses yeux, l'a tousiours garantie de tant de furieuses tempestes. Outre que la sainteté & extreme rigueur de leur vie faisoit pitié à ceux qui balançoient cela avec vn bon sens naturel. Car qui pourroit hair des gens qui estoient bien naiz, plusieurs yssuz de maisons fort illustres, n'auoir pour tout qu'vn chetif Breuiaire emprunté du Superieur? ilz ne viuoient que de racines, & de legumes, & encor bien petitement; quelques vns estoient les deux & trois iours sans manger. Long temps passoit sans que iamais on vid sur leur table rien de cuit, ni vne goutte de vin; mais toute leur nourriture estoit de quelque lopin de pain tel quel mendié par la ville, vn peu d'eau, & quelques herbes crües, ou des fruits. Les maladies suruenantes, & quelque peu de viande enuoiée pour l'amour de Dieu, fut cause qu'on faisoit courir cela par la table: & quasi nul d'entr'eux ne vouloit gouster ni


vne


Annal.
Cap. an.
1529.
n. 83.

une goutte de vin, ni un pauvre morceau de viande: que si par infirmité on forçoit quelqu'un de boire un peu de vin, ilz y mettoient tant d'eau, que l'eau ainsi rougie estoit plus fade que l'eau toute pure. Mais en mesme temps que tout leur defailloit en terre, le ciel respandoit en leurs ames grande abondance des biens spirituels. Ilz sembloient des Anges du paradis, & en effect c'estoient de seminaraires des Saints, des escoles de perfection, & une vie façonnée sur le modelle de l'Euangile, & une imitation des Apostres.

LES MAXIMES DE CE
SAINT ORDRE:

1. Les pauvres qui sont véritablement pauvres, sont les imitateurs de Iesus Christ, & le royaume des cieux est à eux.
2. Dieu me garde de me glorifier en rien du monde, qu'en Iesus Christ crucifié.
3. Nous n'avons point icy de citté permanente, mais nous cherchons l'éternelle.
4. Nostre vie est cachée dans Iesus Christ, quand il paroîtra en sa gloire, nous paroîtrons avec Iesus Christ.
5. Tout nous manque icy bas, mais du costé du ciel i jamais rien ne nous manque.
6. Parmi tous noz travaux tousiours nous roulons dans noz cœurs la pensée de S. Francois : Fratres pro his omnibus paratur nobis regnum cælorum.
7. Iettez vostre confiance en Dieu, & ce sera lui qui vous nourrira.
8. Celui qui nourrit les oyseaux, laissera il nourrir ses enfans?
9. O! qu'heureux est qui comme Iesus Christ est si pauvre qu'il n'a rien en ce monde, & ne veut rien avoir que le seul Iesus Christ!
10. Nous sommes fort pauvres en ce monde, mais nous serons bien riches si nous aimons bien Dieu.





XXXIV. S. IGNA CE.

CE fortuné coup de canon, qui fracassa la iambe de ce ieune soldat, d'une mesme vollée brisa heureusement les cœurs de plusieurs millions de personnes. Il vint au monde à la bonne heure l'an 1492. & naquit en Guipuscoa en Biscaye dans vne estable, conuertie depuis en chapelle. Son pere se nommoit Bertrand de Loiola, sa mere Marie Saez de Balde, de maisons fort illustres. On mit ce ieune Gentilhomme à la cour, de là à la guerre, où il receut ce coup de canon l'an 1521. soustenant le siege de Pampe-lonne. Lisant la vie des Saints, enuie le prit d'estre Saint, & quitter les vanitez du monde. Il balançoit en son esprit, mais la tressainte Vierge s'apparut à lui tenant le petit Iesus qui lui donna courage; S. Pierre à son tour en fit de mesme. Il fit donc vœu de chasteté, & secrettement quitta tout, mesme ses habits qu'il donna à vn pauvre, & s'alla sacrifier à Dieu, & offrir à sa tressainte Mere en l'eglise de Mont Serrat. Là il prit vn sac, & s'habilla en pelerin pour aller en Ierusalem. Il faudroit vn gros liure pour descrire ses voiajes à pied, les maux qu'il souffrit par mer & par terre, les prisons où il fut, les embusches du diable, les indignitez que les hommes lui firent souffrir, & la patience inuincible & toutes ses vertus. Iamais homme ne fut plus contredit sur la terre que ce saint homme icy, qui sembloit estre le blancoù tout le monde tiroit impunement. Ses penitences estoient horribles, il ieusnoit des huit iours sans rien manger, il se massacroit tous les iours de disciplines, il

verfoit tout son cœur par ses yeux, ses prieres n'estoient que du feu. Il s'en alla à Rome visiter les saints Apostres, & baiser les pieds d'Adrian VI. De là il alla à Venise pour passer en Ierusalem, où ie ne scay comment il ne mourut pas ou de cordiale deuotion, ou des peines qu'il lui fallut souffrir. Il logeoit tousiours dans les hospitaux fort pauurement; il fut pris par les soldats pour vn espion, les Espagnols lui firent mille maux, mais les soldats Francois lui firent courtoisie.

Dieu qui l'auoit choisi pour establir la Compagnie, lui inspira d'estudier, & d'auoir des compagnons de ses peines. il commença en Espagne, mais cela ne reussit pas: il alla donc à Paris la Reine des Vniuersitez, où il commença à estudier l'an 1528. estant desia d'aage. On ne scauroit dire les maux qu'on lui fit à Paris, mesme on lui voulut donner la salle à sainte Barbe, si Dieu n'eut changé le cœur de Gouea principal du College. Malgré l'enfer il gaigna les cœurs de neuf ieunes escholiers, vn Nauarrois, vn Picard, vn Dauphinois, deux Sauoyards, trois Espagnols, & vn Portugais. Ces dix ieunes soldats de Iesus Christ bien instruits par S. Ignace, firent leurs premiers vœux au lieu où S. Denis fut decapité à Mont martre l'an 1534. le iour de l'Assomption. Apres ilz se resolurent d'aller à Rome, à Venise, & en Ierusalem. ilz arriuerent à Rome l'an 1537. où le Pape les receut paternellement: mais comme Dieu les auoit destineez ailleurs, au lieu d'aller à la Terre sainte, ilz furent dispersez par l'Italie pour y faire beaucoup de biens. S. Ignace fut vn an à se preparer pour dire sa premiere Messe. Dieu lui donnoit tant de lumieres, & lui faisoit tant de faueurs, qu'il ne se peut quasi dire. Il eut ce grand
trans-

transport en Espagne, où il vid les grandeurs de la tres-sain-
te Trinité. Pres de Sienne Dieu le Pere le recommanda à
son Filz chargé de sa croix, qui lui promit de l'assister à Ro-
me, & là il apprit qu'il falloit nommer cette Compagnie
de Iesus, qui en vouloit estre le Fondateur. Il le fallut bien:
car on lui fit des difficultez non pareilles d'approuver ce
nouuel Ordre. En fin le Pape Paul III. dit que le doigt de
Dieu estoit là, & les Cardinaux l'aduouierent aussi, & l'an
1540. le 27. de Septembre il donna des Bulles authentiques
de sa reception.

L'An 1541. on le voulut faire General: mais Ignace estoit
si humble qu'il le fallut forcer. Il ne fut pas si tost esleu, qu'il
se voulut deposer; ne pouuant pas, il commença son Gene-
ralat par se faire garçon de cuisine, & seruiteur du cuis-
nier. Il commença à enseigner le catechisme, & à prescher
avec vn tel ascendant sur les cœurs, qu'il faisoit des con-
uersions admirables. Il distribua ses compagnons par tou-
te l'Europe, il enuoia aux Indes, & de rien il fit tant de
choses, que c'est vn coup de la main toutpuissante de Dieu.
Il crigea à Rome tant de maisons de pieté, n'ayant rien du
monde, qu'on admiroit son courage. Tout le monde se
bandoit contre lui, & tout l'enfer enrageoit de voir le bien
que ce saint homme faisoit, & que ses enfants alloient fai-
re par toute la terre. Il sembloit qu'il ne fit autre chose que
prier Dieu, cependant lui seul faisoit plus d'affaires que
plusieurs ensemble. Il fit des Constitutions, mais avec tant
de larmes, que c'est chose incroyable. Il auoit vn tel torrent
de larmes, qu'il alloit perdre la veüe si Dieu ne lui eut
estanché. Il disoit la Messe avec tant d'amour, qu'vn iour
de Noël son cœur pensa brusler. On ne scauroit dire quel-
le

le a esté la vertu la plus grande : car chacune semble estre plus grande que toutes les autres, les aiant toutes en vn degré transcendant.

La pensée la plus douce estoit celle de son heureuse mort : car quand il pensoit qu'il iroit voir Iesus Christ qu'il aimoit si chèrement, cette pensée liquefioit son cœur. Or il importuna tant le ciel, qu'en fin on lui reuela qu'il partiroit bien tost de ce miserable seiour. Il s'y disposa comme vn Saint pourroit faire, il ne fit pas grand bruit, ni semblant de tout cela, hors mis qu'il enuoia le P. Polanque demander la benediction & l'Indulgēce pleniere à sa Sainteté. On ne croioit pas qu'il fut si pres de sa fin. lui estoit si humble, qu'il ne voulut ni nommer vn Vicaire General, ni faire vne exhortation à ses enfans, ni leur dire Adieu, ni faire aucun acte qui ressenoit l'autorité d'vn Fondateur. tant y a que tout d'vn coup, les yeux collez au ciel, le cœur rempli de douceur, disant amoureuſemēt *Iesus Maria*, il expira si doucement, que nul le vid rendre l'ame. ce fut le 31. Iuillet, l'an 1556. de son aage le 65. de sa conuersion le 35. le 16. depuis son Generalat. Il fit tant de miracles en sa vie & apres sa mort, que Gregoire XV. le canoniza fort solennellement l'an 1621. au mois de Mars, avec vn applaudissement vniuersel des quatre parties du monde.

Son corps fut inhumé avec vne grande célébrité, & bienheureux qui pouuoit auoir quelque chose d'vn si saint personnage. Comme Dieu a permis qu'il n'y a euguiere de Saints en l'Eglise de Dieu plus generalement persecuté que lui, aussi veritablement il se peut dire, qu'il y en a eu bien peu dont la canonization ait esté plus vniuersellement solennizée, avec de grands applaudissements, que celle


celle

celle de ce saint hōme. Il faudroit vn gros volume pour dire les visions qu'il eut, les propheties, les miracles, les morts resuscitez; il en faudroit vn autre pour desplier ses vertus, & les faire voir selō leur estēdie. Son obeissance a estē si parfaite, qu'il ne se peut rien dire de plus. Le Vendredi saint le medecin lui ordonna de māger de la viande: lui qui auoit ieusné si rigoureusēmēt, vn enfant n'eut pas obei plut innocemmēt: le medecin s'en estōna, & lui respōdit, *Monsieur il faut obeir, & puis c'est tout.* Sa charitē estoit excessiue, & il embrassoit plus d'affaires lui seul que cent autres, & tousiours il disoit qu'il ne faisoit rien. On fut cōtraint de le dispēser de dire le Breuiare, à chaque verset il estoit ravi, & demeuroit là englouti dedās Dieu: la iournée n'eut pas estē assez longue pour dire Prime seulemēt. S. Philippe Neri vid son visage raionnant, la grace de son ame poussant iusqu'au corps la splēdeur de son cœur. Il se baignoit dās les torrents des persecutions, & n'estoit iamais si content, que quād il pouuoit rendre bien pour mal. Il se martyrisoit de rudes penitences, & bien souuent se mettoit tout en sang. Le diable dit souuēt par la bouche des possedez qu'il n'auoit point de plus grād ennemi au monde que lui, qui estoit assiz dans le ciel parmi les Fondateurs des Ordres. Il auoit vn grand don de sagesse profonde, coniointe avec vne grande candeur. Il se iouoit de ses passions, & entroit en cholere quand il lui plaisoit, & en sortoit de mesme sans aucune alteration. Il auoit vn ascendant sur les cœurs incroyable, & ses paroles estoient fort penetrantes, & propres pour percer les cœurs. Toute sa plus grande peine estoit de cacher ses vertus, & c'est chose admirable qu'estant si excellent en vertus eminentes, tousiours il se tint à couuert sous le voile d'une profonde humilité.

SES MOTS D'OREZ, ET
SAINTES ASPIRATIONS:

1. O que le ciel sent bon, & que la terre me pût; quand ie vois ces belles voutes d'or, ie ne scaurois rien aimer sur la terre!
2. Que le monde est petit, à qui a vn grand cœur! quand i' aurois conuertit tout cela, que seroit ce au prix de ce que ie voudrois faire?
3. Quand l'amour presse vn cœur, rien ne le peut plus presser, & rien ne lui semble impossible, ni mesme difficile.
4. Ie suis si amoureux de la gloire de Dieu, & de sa plus grande gloire, que ie sacrifierois volontiers mille vies.
5. Ce qui me creue le cœur, c'est qu'il me semble que ie ne fais rien pour Dieu, & cependant ie lui ay des obligations infinies.
6. Quand ie pense qui i' ay esté, qui ie suis, & qui ie serai, certainement mon cœur fond tout en larmes.
7. Que i' aime d'amour ce beau mot d'or de S. Paul: Qui n'aime point Iesus, maudit soit il, & soit il anatheme!
8. Ie serois bien content d'estre damné, s'il en pouuoit arriuer à mon Dieu quelque nouveau degré de sa plus grande gloire.





XXXV. SAINTE TERESE.

Vous voyez bien ce saint Esprit qui vole: il va droit dans le cœur de cette sainte Vierge, que ces deux Serafins vont transpercer avec leurs dards foudroyants: c'est pour faire la merueille de nostre siecle, à scauoir vne vierge qui sera Mere de beaucoup d'enfans, de beaucoup de Saints, & d'une Hierarchie d'Anges. C'est Terefe de Iesus, qui naquit à Auila l'an 1515. de nobles parens, Alphonse de Cepede, & Beatrice de Ahumade. Cette pucelle fut sainte dez son enfance, si bien qu'ayant leu quelque vie des Martyrs, elle en l'age de sept ans voulut fuir en Afrique avec son petit frere Roderic, affin que ces deux innocents fussent martyrisez; mais vn oncle les rencontrant les ramena à leurs parents, & la pauvre fille ne cessoit de plorer. A l'age de 12. ans elle perdit sa mere; elle pria Iesus & Marie de vouloir estre son pere & sa mere. Elle mouroit d'enuie de biē seruir Dieu. son pere l'aimoit si desperdument, que iamais il ne lui eut permis de se faire Religieuse: Dieu cependant l'y appelloit fortement. A l'age de 20. ans elle s'eschappa, & se rendit au monastere de l'Incarnation d'Auila l'an 1535. où estoient les Carmelines mitigées: elle y fit son nouitiat & sa profession, & y vescu comme vne fille du ciel. quoy que l'espace de 18. ans elle fut dans vne aridité si cruelle, qu'elle n'auoit nul goust spirituel. Vn iour pourtant prosternée deuant le crucifix, elle lui demanda quelle goustelette de la douceur spirituelle: mais on lui en versa des torrens, & dez lors elle apprit tout ce qui se peut dire de toutes les sortes d'oraisons, de visions, de lumieres, qu'on lit en la vie des Saints.

Se voiant dans ces excez, elle eut peur de quelque illusion, elle prit conseil des premiers hommes du siecle, & obeit innocemment aux conseils qu'on lui donna. Parmi ses ferueurs elle sentit vne puissante touche de Dieu, qui la pouffoit à prendre l'austerité de la regle primitiue des Carmes. elle s'y resolut, & erigea dans Auila vn petit conuent de S. Ioseph, non obstant la plus cruelle tempeste du monde, qui s'esleua contre elle. Mais elle disoit, que Dieu & elle estoient trop forts, & qu'ilz viendroient eux deux à bout de toute chose. En effect malgré tout l'enfer elle bastit 17. monasteres de filles, & les gouuerna, & de plus aida 15. conuents d'hommes, qui la prindrent pour leur sainte Mere, & leur bonne maistresse: & le Pape Pie IV. confirma & approuua leur regle l'an 1562. le 7. de Iuillet.

Le diable preuoiant bien les maux que cette fille lui alloit faire, lui donna bien de l'exercice. sa vie ne fut qu'une enfileure de maladies, de peines interieures, de persecutions furieuses & de toutes façons; les Potentats, les Prelats, les Superieurs de son Ordre, tout le monde sous diuers pretextes lui firent la guerre les vns apres les autres. ce courage invincible iamais ne serendit, & vint à bout de tout. Le Seigneur Iesus lui dit vn iour que son conuent estoit le paradis de ses delices; qu'elle ne s'amusast point à l'amitie des creatures, mais des Anges; qu'elle entreprit courageusement l'establissement de son Ordre, qu'il la seconderoit.

Toutes ses vertus estoient si eminentes, qu'on ne scait pas laquelle estoit la plus grande. Elle aima si tendrement S. Ioseph, qu'elle fit tout son possible pour le faire honorer dans l'Eglise: tellement que nostre Dame l'en remercia. Particulierement l'amour qu'elle portoit à la tressainte Mere de Dieu,

Dieu, c'est chose qui veritablement ne se peut dire digne-
ment. Iesus Christ la prit pour son espouse, nostre Dame
pour sa fille, toute la tressainte Trinite pour vn grand in-
strument de sa gloire. Les Anges se iouoient à lui trans-
percer le cœur de dards Seraphiques & embrasez. Elle vi-
uoit plus d'ecstases, de prieres, de larmes, que d'autres
choses. Iamais elle ne rioit de meilleur courage, que
quand tout lui defalloit: tant elle aimoit la pauureté. Son
visage estoit blanc & vermeil, son esprit excellent, sa con-
duite pleine de sagesse. A sa canonization il fut dit, que sa
sainteté estoit esgale à sainte Catherine de Sienne, mais
que ses liures estoient plus releuez. L'Autre dit, que dans
toute la terre il ne croioit pas qu'il y eut vne ame plus
sainte; on la nommoit Debbora, Iudith, Esther, & toutes
les saintes femmes auoient quelque chose qu'on uoioit en
elle. *Je puis, disoit elle, estre trompée en toutes les choses, hors-
mis en l'obeissance.* Le Pape Gregoire XV. dit qu'elle auoit
vne pureté Angelique au corps, & au cœur mesme. La
plus grand ambition qu'elle eut, c'estoit d'estre moquée
des hommes, estre la derniere de toutes, estre non seule-
ment mesprisée, mais mesprisable, & tout à fait inconnüe,
ou bien oubliée des creatures. On ne vid iamais vne telle
ardeur, ni vn si puissant desir de souffrir. Dieu lui auoit don-
né vn tel esprit de sagesse, vn si clair discernement des
esprits, vn desgagement si absolu de toute sorte d'interests
ou de pretensions, vne intention si cristalline & si pure, que
toute l'Espagne l'admiroit: son Prouincial receuoit ses ad-
uis comme des oracles, & son Confesseur disoit qu'elle
estoit vn Seraphin en terre. Ses filles l'aimoient d'amour si
pur, si fort, si tendre, qu'il sembloit qu'elles ne peussent vi-
ure

ure

ure sans elle. Le plus grand miracle qu'elle ait iamais fait icy bas, parmi vn nombre infombrable de miracles admirables, c'est qu'elle ait fait d'une pauvre fille vne si grande Sainte, parmi tous les obstacles, que l'enfer, que le monde, que le ciel, & la terre lui donnoient d'ordinaire. Elle portoit sur son visage vne tranquillité si grande, que iamais elle ne perdit couleur pour accident horrible qui lui pût arriuer. Elle auoit vne si parfaite confiance en Dieu, qu'un escu, elle, & Dieu pouuoient venir à bout de fonder quelque monastere qu'on eut voulu; & ces trois choses assemblées la rendoient toutpuissante. Ainsi a elle fait la plus grande partie de ses fondations. Comme elle brusloit d'amour diuin, il n'est pas croiable quelle soif elle auoit du salut des ames, ce qu'elle faisoit, & ce qu'elle souffroit pour y cooperer. Le diable enrageoit, & lui faisoit mille maux pour la diuertir: mais elle ne s'en faisoit que rire. Au fort de ses plus grieues maladies, & de ses trauaux les plus insupportables, elle exercoit des actes de si grande conformité avec Dieu, qu'elle disoit, *Mon Dieu si c'est pour vostre gloire, ie vous prie que cecy dure insqu'au bout du monde.* Sa profonde humilité estoit si aimable, & si puissante à esmouuoir les cœurs, qu'elle faisoit mille fois plus par son exemple, que par tous les discours pour releuez qu'ilz fussent. Elle coniuroit nostre Seigneur de ne la rauir pas en ecstase ni si souuent, ni en public, de peur qu'on ne l'estimast quelque chose, elle, hélas! qui estoit la miserable des miserables. Quand nostre Seigneur lui disoit vne chose, & son Confesseur vne contraire, elle obeissoit au Confesseur: & Iesus Christ lui dit, qu'elle faisoit fort bien, & qu'il le faisoit pour esprouuer la pureté de son cœur. Le chemin
le

le plus court & le plus asseuré pour arriuer à vne grande perfection, elle disoit que c'estoit l'obeissance. Tout le reste estoit subiect à erreur, horsmis l'obeissance. Vne des plus fortes obeissances qu'elle esprouuast. fut d'estre contrainte d'escrire des liures, & reueler ce que Dieu lui auoit reuelé.

On ne scait pas comment vn corps flouet d'une fille tousiours malade pouuoit souffrir tant d'austeritez, disciplines, vrties, chaisnes, ieusnes, mortifications exterieures & interieures.

Sa plus grande & vnique ambition estoit d'aller voir son espoux: elle l'importuna tant qu'en fin cela lui fut accordé. La maladie qui la saisit, fut vn assaut d'amour diuin, qui embrasa si fort son cœur, que son corps s'abbaissa en moins de rien. Elle receut le saint Sacrement avec vn visage Angelique, & l'Extreme onction: elle pensa faire mourir ses filles, leur demandant pardon: en fin avec vne paix incroyable, le crucifix à la main elle mourut l'an 1582. à Alue le 4. d'Octobre, laissant vne odeur si douce, qu'on vid bien que c'estoit l'odeur de sa sainteté. elle auoit 67. ans de vie, & 47. de Religion: elle fut beatifiée le 24. Auril l'an 1614. par Paul V. & à force de miracles canonisée de Gregoire XV. l'an 1622. le 12. Mars.

1. De sa
vie.

2. De la
perfection.

3. Des fon-
dations.

4. Chasteau
de l'ame.

5. Sur les

antiques
qu'elle
brusla.


Mm

SES

SES PAROLES CORDIALES
ESTOIENT:

1. *Misericordias Domini in aeternum cantabo.*
2. *O in aeternum! ô in aeternum! ô in aeternum!*
3. *Domine da mihi hanc aquam, ut non sitiam in aeternum.*
4. *Deus meus da mihi aut pati, aut mori.*
5. *In omnibus falli possum, in obedientia falli non possum.*
6. *Millies mori mallem quàm vel leuiter peccare in Deum meum.*
7. *Non me, neque utilitatem meam aut meritum quero, sed pu-
rè maiorem gloriam Dei mei.*
8. *Nihil umquam petij à S. Iosepho, quod non impetrarim.*
9. *Si vis breui perfectus esse, esto obediens, etiam in minimis.*
10. *Vita hæc beata est illi, qui ardentè desiderat exire ex hac
vita.*
11. *O quàm amarus est mundus illi, cui suavis est Dominus
Iesus.*
12. *Absit mihi gloriari nisi in cruce Domini mei Iesu Christi.*
13. *Cùm serua Dei sem, non magis timeo dæmones quàm muscas.*


F. IOANNES DEI



Lusitanus, inchoavit Ordinem
fratrum qui infirmos curant, a
litteris et sacris abstinent, Ignoran-
tes se vocant, confirmatum sub Regula
S. Augustini a Pio V. anno 1571.
Decessit anno 1550.

Carolus Galle sculpsit.

T. Galle exc. cum privilegio.



XXXVI. LE B. IEAN DE DIEU.

LE grand S. Paul dit tresbien, que Dieu prend les fols pour confondre les sages mondains, & tire de la pouffiere des gens de neant, pour les mettre sur la teste des plus puissants de la terre. Iean filz d'André Ciudad, & d'une mere qu'on ne scait pas le nom, naquit en la ville de Monte maior en Portugal l'an 1495. A sa naissance les Anges sonnerent toutes les cloches de la parroisse. Ses parents estoient extremement pauvres. l'Enfant dez son enfance aima les pauvres, & enseignoit ses petits compagnons à prier Dieu. Il n'estoit rien de si chetif que lui, il fut vallet d'un berger, puis berger 14. ans, apres goujat en guerre, puis soldat, & il ne tint à rien qu'il ne fut pendu. Il fut apres vendeur d'images, crocheteur à porter du bois, en fin vallet des pauvres. Et qui diroit iamais que de cela on pût faire un si grand homme de Dieu? Ses premieres deuotions estoient de dire tous les iours le Rosaire, & 24. fois le *Pater*, & l'*Aue* à l'honneur des 24. ans que vescu nostre Dame apres l'Ascension. Toute sa vie il fut deuot du petit Iesus, de sa tres-sainte Mere: & l'Ange Raphael lui dit, qu'il estoit son Ange Gardien, qui lui apparut plusieurs fois, & l'aida tousiours à nourrir les pauvres. Iesus Christ prenoit plaisir de le venir voir, tantost en forme d'enfant, se faisant porter sur ses espaulles, & ce fut lui qui lui donna ce nom de Iean de Dieu, tantost en pauvre malade, & la Vierge Marie en bergere, lors qu'il estoit berger: & le paradis se iouoit avec la simplicité de ce saint homme. Il contrefit le fol assez long temps,

M m 3

il

il se laissa lier, enfermer, battre, comme vn fol enragé, & en cachette disoit à son corps, *Je vous domterai bien asne vestu que vous estes.* Il dressa vn hospital pour y mettre les pauures malades, & les seruir. Il les portoit souuent sur son dos, puis il lauoit leurs pieds, les baisoit, les mettoit au lit, les faisoit confesser, & communier, puis il pansoit leurs plaies, les baisoit amoureusement, & auoit vn soin comme vne mere de ses propres enfans; il alloit quester la nuit pour les nourrir, & durant la iournée il seruoit ses malades. S. Raphael venoit quelque fois lui porter quantité de pains, & lui dit: *Jean mon frere nous sommes icy deputez toy & moy, pour soigner ces pauures miserables.* Il auoit vn zele incroyable pour retirer les femmes desbauchées. Et on ne scauroit croire les miracles que Dieu fit par lui, & par son petit crucifix qu'il portoit dans sa manche. Il fut sauué d'vn incendie qui l'auoit enuoloppé, d'vn orage sur mer, & de la resolution des pilotes qui le vouloient ietter dans la mer. Il perçoit les nuits en priant Dieu, il disoit qu'vn seruiteur de Dieu ne deuoit pas perdre le temps à dormir. Il dormoit vne ou deux heures sur la terre, la teste sur vn caillou, & quelque haillon puant estoit sa couuerte. Le diable enrageoit, & lui fit mille maux; & il disoit, *Traistre que tu es, pense tu que i'aye enuie de quitter ce que ie fais par le commandement de Iesus mon bon maistre.* Il appelloit tous les hommes ses freres, & le Roy son grand frere. Il deschiroit son corps à coups de disciplines, il ieusnoit quasi tousiours, ne mangeoit qu'à genoux, quelques herbes, & sucroit tout de cendres pour oster tout le goust. On le nommoit Pere des pauures, il se nommoit Jean le pecheur: il faisoit sa confession generale à haute voix au milieu de la place, pour se couvrir de confusion. Dieu lui reueloit les choses futu-

futures, & le secret des cœurs. il appelloit le petit Iesus, sa caution.

En fin il faut finir, il tomba malade: l'Archeuesque de Grenade le fit porter hors de l'hospital: les pauvres sauterent hors de leur lit, pour se ietter à ses pieds, & le retenir: Jean de Dieu se pasma de tendresse, & de douleur, de laisser ses enfans. l'Archeuesque apres lui dit la Messe en sa chambre, lui donna tous les Sacrements, & lui demanda s'il auoit rien sur le cœur. Oui, dit il, trois choses. 1. Qu'ayant receu tant de biens de Dieu, ie l'ay si mal serui. 2. Que ie ne pourrai plus seruir Iesus Christ en ses pauvres, & ie crain qu'ilz ne soient abandonnez. 3. Les debtes que i'ay pour les pauvres. Le Prelat se chargea de tout cela. La tres sainte Vierge & S. Iean l'assisterent pendant qu'on lui donnoit la sainte Communion, & de sa main virginalle elle essuyoit la sueur de son front, & lui dit; *Jean, ne crain point la mort, car ie ne manque iamais d'assister à cette heure mes seruiteurs.* Il fit retirer tout le monde de sa chambre, puis il se leua, s'habilla, se mit à genoux, le crucifix au poing, & en cette posture il rendit son heureux esprit, disant: *Iesus Iesus, ie mets mon ame entre vo^x mains:* & demeura à genoux, sa face belle comme d'un Ange, sa chambre pleine d'une odeur du paradis. Il mourut l'an 1550. de son aage 55. le 13. du seruice des pauvres, le 8. Mars un Vendredi. toutes les cloches de la ville furent sonnées par les Anges à l'instant de sa mort, & depuis il s'est fait quantité de miracles. Ha! que Dieu est admirable à faire de grands Saints, & qu'il prend grand plaisir à esleuer les ames simples, & profondement humbles!

IL SOVLOIT DIRE:

1. *Doux Iesus, que voz espines soient, mes roses; & voz souffrances, mon petit paradis.*

2. *Asne vestu, disoit il à soi mesme, vous faites icy le delicat, ie vous domterai bien.*

3. *Il crioit souuent: Faites du bien pour vous, Messieurs, faites du bien pour vous, tandis que vous auez du temps.*

4. *Quand on lui disoit des iniures atroces, il disoit, Te vous donnerai deux reales, à la charge que vous irez dire tout cela au milieu de la place: & ie vous en supplie.*

5. *Il disoit à ses ennemis, Mon frere, tost ou tard il faut que ie vous pardonne, vaut mieux que ce soit tout maintenant.*

6. *Esperons en celui qui ne desespere personne, & qui ramene les desesperez.*

7. *O que Dieu me fait de biens, hélas! & que ie lui fais peu de seruire!*


8. *Faisons des biens aux pauvres, puis que le doux Iesus tient tout cela fait à sa propre personne.*



S. PHILIPPVS
NERIVS

*Florentinus, Romæ instituit congregationem Oratorij, a Gregorio
XIII. anno 1575. confirmatam. Moritur vitâ et miraculis
clarus, anno Christi 1595. ætat. suâ 80.*

*C. Galle sculp. T. Galle excud.
Cum privilegio.*



XXXVII. S. PHILIPPE NERI.

LE ciel fit vn riche present à la terre l'an 1515. quand il fit naistre S. Philippe Neri à Florence, de Francois Neri & de Lucrece de Soldi. De sa ieunesse il monstra bien que Dieu l'auoit choisi pour en faire vn Saint. Allant à Rome en l'aage enuiron de 20. ans, il ne mangeoit que du pain & quelques oliues, & ne beuuoit que de l'eau, & vne fois le iour. Il n'estoit pas encor homme, & il estoit desia saint. Car il fut vierge, & comme certains frippons le vouloient traifner ie ne scay où, il leur parla d'vn tel accent, qu'il les gaigna lui mesme. Il aimoit fort la solitude, & plus encor l'oraïson mentale, il passoit bien souuent les nuits en contemplation, & le iour à l'estude de Theologie, & il y monstroït vn excellent esprit. En l'aage de 23. ans il quitta les estudes, vendit ses pauures liures, & s'addonna entierement à l'oraïson, où il receuoit souuent telle abondance de graces, qu'il crioit, *c'est assez mon Dieu, c'est assez, me voulez vous faire mourir de douceur?* Il visitoit les hospitaux, & prenoit grand plaisir de consoler les agonizants. Il se glissoit dans les compagnies des ieunes hommes pour essayer de les gaigner à Iesus Christ. Le diable enrageoit, & pour l'estonner il lui paroïssoit quelquefois en figure treshorrible. Vne fois il le fit enfermer avec deux coquines pour lui faire perdre sa virginité; il eut recours aux larmes, & aux prieres, & chassa cette canaille maudite, conseruant le lis de sa virginité.

Nn 2

Le

Le iour de la Pentecouste presãt fort le saint Esprit d'embraser son cœur de ce feu diuin, il sentit vn assaut si puissant, & vne telle palpitation de cœur, qu'il en pensa mourir, & Dieu lui eslargit le sein, affin que le cœur peut palpiter à son aise. Cette chaleur diuine brasilloit si fort dans son sein, & eschauffoit si fort tout le corps de ce saint homme, qu'il fut forcé iusqu'à sa derniere vieillesse de dormir les fenestres & portes ouuertes, & le sein descouuert pour rafraischir ses ardeurs si puissantes. Il se mit à seruir les pauvres, & secourir les pelerins, & faire mille biens à Rome. Mais comme il aimoit la solitude, il estoit fort en peine: S. Iean Baptiste lui apparut, & puis deux ames qui lui dirent que Dieu vouloit qu'il vescu au milieu de Rome, comme dans vn desert. Il se fit donc Prestre par commandement de Persian son Confesseur, ce fut l'an 36. de son aage. Il dit la Messe tous les iours de sa vie: ou il communia quand il estoit malade. C'est chose incroyable que de voir les faueurs qu'il receuoit à l'autel: son visage estoit ou trempé de larmes, ou raionnant de ferueur, ou tous deux: il ne vouloit pas que celui qui le seruoit, le regarda au visage. leuant la sainte hostie, comme s'il eut tenu Dieu en ses mains (comme en effect il le tenoit) il demeueroit si surpris, & si ravi, qu'il ne pouuoit par fois abaisser les bras, & il demeueroit là. Apres la Messe il estoit demi mort, à cause des assauts que son cœur auoit souffert durant le sacrifice.

On ne scauroit dire si aux confessions il souffrit plus de maux qu'il n'y fit de biens: il aida grande quantité de personnes à se faire Religieux; il souffrit des horribles persecutions. le diable paroissoit souuent en forme effroyable pour l'estonner. Vne effrontée feignant d'estre malade, le
 voulut

voulut perdre: mais ce chaste Ioseph s'enfuit victorieusement: cette Megere en pensa creuer de despit. Dieu lui donna vne si grande pureté, que les derniers 50. ans de sa vie, il ne sentit nulle peine contre la chasteté; *Autant m'est il, disoit ce saint homme, de toucher vne femme, comme vne statue de marbre, ou vn cailloux.* Il penetroit les cœurs des personnes, & le secret des cœurs: il voioit la beauté des ames saintes par des raisons du visage, comme de S. Charles, & de S. Ignace.

Enuie le prit d'aller aux Indes, mais le Prieur de Trois fontaines lui dit, que S. Jean l'Euangeliste lui auoit dit de lui intimer, que Dieu vouloit que Rome lui seruit d'Indes Orientales. il n'en sortit donc iamais plus. Il fit vne congregation de personnes remplies de pieté, & il faisoit tous les iours faire quelque exhortation familiere & fort vtile. Les cœures de Dieu ont cela qu'elles sont tousiours bien battües. le Vicair du Pape, & quantité de gens d'Eglise & d'autres se banderent puissamment contre lui, & contre son Oratoire: son humble patience surmonta tout cela. Sa chambre estoit ouverte à toute heure de iour & de nuit, pour consoler tout le monde. Il s'est apparu mesmes aux absents de son viuant, & auoit vn grand ascendant sur les cœurs des hommes. s'Il n'eut diuertit son esprit, il eut esté bien souuent rai en ecstase. Il disoit d'ordinaire, que la plus belle oraison estoit de laisser Dieu pour Dieu.

Pape Pie V. fut mal informé de lui & de son Oratoire, & fit espier toutes ses actions: mais la sainteté est comme le bon baume, plus on le manie, & plus il remplit tout de douceurs. Sa sainteté fut reconnüe, & Gregoire XIII. permit qu'il s'establit à sainte Marie dite la Valicella, & l'an 77. Alexandre de Medices depuis Leon XI. y dit la premiere Messe

Pontificalement. l'An 83. il commença à establir cet Oratoire, y donna des loix, seruit de miroir à tous, & fut fait General l'an 87. quoy que par son humilité il se gendarma fort long temps pour ne prendre point cette pesante charge. Il fit tant au bout de quelque temps, qu'il substitua Cæsar Baronius, pour ne vaquer plus qu'à Dieu seul, & à soy mesme. Il viuoit dans l'Oratoire comme vn soleil dedans le firmament; pour scauoir ce qu'il falloit faire, il falloit voir sans plus, ce qu'il faisoit.

Les Papes & les Cardinaux l'estimoient infiniment. Il tenoit vn grand empire sur les ames de ceux aux quels il parloit des choses spirituelles. Il oioit souuent la Musique des Anges. Il estoit parfaitement deuot de nostre Dame, qui le visitoit bien souuent: vne fois entr'autres l'an 1594. qu'estant condamné à mourir par les medecins, elle s'apparoissant à lui le guerit tout sur le champ. Mais sa grande vieillesse ne faisoit qu'enfiler maladie sur maladie, & le saint homme ne viuoit quasi plus qu'en mourant tous les iours. Sa charité auoit paru durant le cours de sa vie, encor falloit il voir de quelle valeur estoit sa patience. C'estoit vn vray miroir de constance & de serenité. Il arriua vn crachement de sang, qui le pensa emporter, tellement que saint Charles lui donna le viatique, & Baronius l'Extreme onction. Mon Dieu qu'il fait bon mourir en de si bonnes mains! En fin il fallut paier ce tribut à nature, & il predict le iour qu'il mourroit: en effect surpris d'vn grand vomissement de sang, armé des armes de Dieu, s'assid en son lit comme pour combattre la mort, benit tous ses enfans, dit des mots transperçants les cœurs, & avec vne tranquillité incroyable il rendit son heureux esprit à son createur l'an 1595. le 26. de May, de son aage de 80. En mesme instant

instant il s'apparut à quelques personnes, tout raonnant de gloire, disant qu'il s'en alloit au ciel. Les miracles qu'il fit en sa vie, & apres sa mort, sont tresillustres & en grand nombre. au reste cela est si autorizé, qu'il fut solennellement canonizé par le Pape Gregoire XV. l'an 1622. le 12. Mars, avec quatre autres Saints Isidore, Ignace, Xauier, & Terefe. Et on ne croiroit pas quelle douceur en demeure encor à Rome dans les bonnes ames. Le corps a demeuré fort long temps frais & entier, & quand il fut ouuert, on vid que les parties nobles estoient toutes bruslées de l'ardeur de sa charité, tellement que l'opérateur dit que sa vie auoit esté vn continuel miracle.

LES

LES BELLES MAXIMES
DE S. PHILIPPE :

1. *Qui aime Dieu a la vie en patience, & la mort en desir.*
2. *Se peut il bien faire, qu'un homme qui croit un Dieu, puisse aimer autre chose que Dieu?*
3. *Jamais ie ne suis content de ma vie: s'il plait à Dieu ie commencerai un iour à le bien servir.*
4. *Manger tous les iours Dieu, & ne pas viure de Dieu, & selon les loix de son saint amour, est ce pas chose horrible?*
5. *Dieu, qui est tant aimable, & qui nous a tant commandé de l'aimer, pourquoy ne nous at il donné qu'un seul cœur, & encor si petit?*
6. *Si on laissoit faire Dieu, & sa sainte grace en noz ames, hélas! que ne feroit pas un homme en ce monde?*
7. *Puis que Dieu a donné tout son sang pour vne ame, dois-ie plaindre ma peine pour la consoler de mon costé?*
8. *Ce m'est vne ioye ineffable de croire que nostre Dame n' aime, & qu'elle daigne agreer mes petits seruices.*



Nobilis Belga, virtute et libris celebris, Latenses
suos reformavit, approbante Paulo III.
anno 1545. Obijt 1566. aetatis 59.

Corn. Galle sculp. T. Galle excudit. cum privilegio.



XXXVIII. DV V.P. LOVIS DE BLOIS.

CE bel astre parut dans le ciel de l'Eglise l'an 1506. au commencement d'Octobre, & ce fut vn bon augure pour tous les Pais bas, & pour l'Ordre du glorieux S. Benoit. Louis de Blois descend des Comtes de Blois, & de Champagne, & des Seigneurs de Barbançon deux familles tresillustres. Il fut nourri dans la cour de Charles V. parmi les pages d'honneur: aiant là receu par malheur vne playe, il voulut que la cicatrice fut tellement soudée & cousüe, que cela eut la forme d'vne croix. Le saint Esprit lui donna cette pensée, & prit occasion de l'appeller à la Religion du grand S. Benoit. Il entra à Lieffies monastere de Haynaut, qu'il trouua fait de briques, mais il le rendit en son temps & de marbre, & de fin or, & temporellement & spirituellement. Il fut receule 14. de son aage le 25. d'Octobre l'an 1520. Le progres de sa vie monstrera bien de quel lait il fut nourri dans le nouitiat, apres lequel il fut enuoïé à Louvain pour faire ses estudes: de là il fut pris pour estre Coadiuteur de D. Gilles Gippus Abbé de Lieffies. mais le bon Religieux fit ce qu'il pût pour eschapper cette dignité s'en estimant indigne; il n'y eut que la sainte obeissance qui lui fit faire ioug. l'An 1530. le bon Gippus venant à defaillir, de Coadiuteur il deuint Abbé, oà solennellement il dit sa premiere Messe, & fut sacré Abbé. Et il faudroit escrire en lettres d'or ces années benites & ces iours fortunez à Lieffies, à la Flandre, & à toute l'Eglise. l'Etat du monastere se resentoit des guerres, & des malheurs du temps. Le bon Abbé

auoit bien auant dans le cœur le dessein , de remettre cette famille dans son lustre premier , & y faire voir l'esclat de l'ancienne pieté monastique. On ne croiroit pas aisement les obstacles que tout l'enfer y mit , craignant ce qui arriva du depuis par les soins de ce grand personnage. Il vouloit introduire quelques austeritez : mais cela fit peur à ces Religieux , qui n'estoient pas si feruens que cela . Par l'inspiration de Dieu & des sages il medita d'introduire vne douce rigueur , & vne austerité modérée , s'accommodant à la portée des autres , plustost que de suiure les ferueurs de sa deuotion. Il fut fort loué , & tout le monde canoniza les constitutions , qu'il auoit dressées avec tant de sagesse ; & Rome mesme & Paul III. approuua fort cela.

Sa vie estoit le miroir de toutes les vertus , & ses liures estoient des allumettes du paradis , qui allumoient le feu de la deuotion dans les cœurs de ces Religieux. Il disoit que les deux aisles d'un bon cœur c'estoit l'oraison , & la lecture des liures bien spirituels. Il composa des liures pour ce subiect ; mais ce sont liures pleins de manne du ciel , & qui charment les cœurs , & les malheurs de la vie. Les Papes , les Empereurs , les Potentats , les Prelats , tous les scauants de l'Eglise admirent sa douceur & son efficace. C'est le cœur qui parle quand il parle , & ses mots sont des torrents de douceur. Il embellit fort la maison , & eslargit les cloistres pour eslargir les cœurs ; il donna à chacun son petit iardinet pour y planter des fleurs , & apprendre par là à rendre leurs cœurs des parterres du paradis. Il donnoit des recreations innocentes à ses freres , pour les attirer aux plaisirs de la vie monastique. Il aimoit mieux voir les cœurs remplis de ioye , que ses coffres d'or : il n'espar-
gnoit

gnoit rien pour contenter saintement ses freres, à la charge que Dieu fut bien serui. Il fit vne chapelle remplie de saints reliques tenües pretieusement: tellement qu'on disoit que les Saints estoient bien aises de voir leurs ames en paradis, qui est le seiour de liesse eternelle, & leurs corps dās la chapelle de Lieffies, qui estoit vn petit paradis terrestre.

On admiroit en Mōsieur de Blois vne esgalité de cœur, & de visage admirable: c'estoit la douceur mesme. Si la douceur vouloit faire des liures, elle prédroit le stile de Blossius: car ce n'est que nectar & mäne du paradis. avec ce baume il penetroit les cœurs de tous les Religieux, & en faisoit tout ce qu'il lui plaisoit. Il aimoit fort la solitude, & les doux entretiens avec le crucifix. Il sembloit que son sein fut le sein d'Abraham, où il logeoit tous les pelerins: car tout le monde estoit receu dans cette Abbaye, comme si c'eussent esté des Anges du ciel, que Dieu lui eut enuoié: mais en leur faisant tant de biens, il auoit cela de bon, qu'il desfroboit tous les cœurs des pelerins qui abordoient à Lieffies.

Il garda pretieusement la fleur de sa virginité, à laquelle il auoit donné deux Anges gardiens, à scauoir le silence, & la fuite des occasions. Ce lis est d'autāt plus miraculeux, qu'il auoit esté assez long temps dans la cour de Charles V. or la cour c'est vn mauuais climat pour la chasteté, & l'air de ce climat est d'ordinaire fort enuenimé. Il enuironnoit & armoit cette fleur de tant d'espines d'austeritez, que les petits volleurs, ni les serpents, ni les tentations n'ozoient s'approcher de ce cœur virginal. il l'arrousoit avec tant de larmes, tant de pieté, & tant de souspirs, qu'il n'y auoit rien de si Angelique. Parmi les malheurs desguerres du pais, & les misereres de la vie il auoit vn cœur inuincible: *Voiant Iesus*

Christ dans la croix, qui oseroit se plaindre, disoit il, quelque chose qui lui arrive? Quand il voulut reformer sa maison qu'il auoit trouuée vn peu destraquée, il trouua des esprits si reuoltez, & si mutins, que c'est merueille comment il pût domter tout cela. Mais cet agneau surmonta ces lions, & qui plus est, il les changea tous en agneaux, & en simples colombes. Il ne faisoit non plus d'estat de l'argent, que de la bouë. Parmi les necessitez extremes du Pais, il ouuroit les greniers, sa bourse, son cœur, ses mains, & respendoit abondamment tous ses biens pour secourir les pauures: tellement qu'on nommoit Lieffies, l'asyle & le refuge des pauures, comme il l'est encor à l'heure que j'escri cecy, & ie l'ay experimenté moy mesme. Charles V. le voulut faire Archeuesque de Cambrai; il s'en excusa. on lui voulut donner S. Martin de Tournay: mais il demâda de si bonne grace, qu'il plût à l'Empereur de le laisser dans son petit desert de Lieffies, qu'en fin Charles V. admira sa bonté, & lui accorda tout ce qu'il lui plût demander, bien estonné de voir cette nouvelle forme de suplique, où on demandoit tresinstamment de n'estre ni Archeuesque, ni quelque grand Prelat, nageant dans les delices & dans les torrents d'or. Son zele pour la Religion estoit du tout admirable.

Il a escrit des liures d'or pour ramener les heretiques, vn collyre pour leur ouuir les yeux; vn flambeau pour leur allumer le cœur; & d'autres escrits qui sont emanez d'vn cœur tout plein d'vne charité tresardente. Son cœur estoit vniuersel, & embrassoit tout le monde, non seulement ceux de son Ordre, mais de tous les Ordres du monde. Il coopera puissamment, pour introduire en Flandres la Compagnie de Iesus. Et quand il vit les orages, qui la battoient sans
 cesse,

celle, & sembloient la vouloir abyfmer; ce cœur Apostolique ne les abandonna iamais. Il fit tout ce qu'un homme plein de vertu & de zele pouuoit faire en tel cas. La lettre dorée qu'il escriuit à Monsieur Viglius Zuichemus President du Conseil, parle si hautement des Peres de la Compagnie, que iamais l'obligation qu'ilz lui ont, ne doit estre effacée de leur memoire.

Quand il vid Lieffies en sa perfection, enuie le prit d'aller en paradis. Les calamitez publiques, les guerres, les heresies lui transperçoient le cœur, il desira le seiour de l'eterinite, & l'emporta. *Vn iour voyant ses bastimets, il luita contre vne piece de bois, & se bleça assez legerement: cet accident lui causa la fieure, & la fieure le limant & le minant trois mois durant, en fin le conduisit au trespas. Le discours qu'il fit à ses freres, les dispositions de son cœur, la deuotion à receuoir tous les Sacrements, les aduis qu'il donna, ce sont choses dignes de ne iamais mourir dans les ames bien faites. Il mourut comme meurent les Saints le 7. Ianuier, l'an 1565. aagé de 59. ans, de Religion 45. de Prelature 35. il se fit ensepuclir fort simplement à l'entrée du chœur vers la porte dorée: & pour tout epitaphe, il ne voulut qu'un quarreau de marbre avec ces mots: 1565. Louis de Blois Abbé 34. s'il ne l'eut defendu, il eut fallu mettre: Cy gist la deuotion, la douceur, & la modestie, & quasi toutes les vertus enchassées dans le cœur de Louis de Blois Abbé du siecle d'or, qui fut le bonheur & l'honneur de son siecle, & Abbé de Lieffies, vray filz de S. Benoit.*

QVEL.

QUELQUES VNES DE
SES MAXIMES:

1. La seule & la solide consolation d'un bon cœur en ce monde, c'est l'espérance de voir un jour Dieu.
2. Si on scauoit les douceurs de la solitude, & de la priuauté avec Dieu, tout le monde ne seroit qu'un monastere.
3. Qui veut estre le roy des cœurs, il faut qu'il soit plein de douceur: tout est possible à la benignité.
4. Ne vous laissez jamais serrer le cœur: car tandis que vous aurez un peu de bonne volonté, Dieu vous fera misericorde.
5. Je tien un cœur bien malheureux, qui n'aime point Iesus & Marie, ou qui aime autre chose que pour Iesus, & pour sa sainte Mere.
6. Mes plus douces pensées sont de me perdre dans les misericordes de mon Dieu, & me cacher dans les plaies de Iesus.
7. Mon cœur aime si fort le cœur de Iesus Christ, qu'il ne scauroit aimer autre chose.
8. Je me sens si fort obligé à Dieu, & il me semble que ie fais si peu pour son service, que cela me remplit de confusion.
9. J'ay tant de bons desirs, i'ay tant de bons propos: mais ce qui me donne grand peine, c'est que la vie m'eschappe, & ie perds tant d'occasions de bien seruir mon Dieu.

F I N.

Attendite ad PETRAM, unde excisi estis; et ad CAVERNAM laci, de qua praevisi estis:
 Attendite ad ABRAHAM, Patrem vestrum; et ad SARAM, qua peperit vos. *cap. 11.*




RELIGIONIS FVNDATORIS ET REGVLAS SEDES S. PETRI APPROBAT
 ITA IVBET DECRETVM

I. INNOCENTII III. a. 1215. in Concil. Laterā. IV. II. GREGORII X. an. 1264. in Concil. Lugdun. II.
 I. Can. 13. cap. Ne nimia. de Religiosis domibus II. Can. 23. cap. Religionem. de Religiof. dom. in 6.

Corn. Galle fecit.

Th. Galleaux. cum privilegio.



LE SAINT SIEGE APPROVVE

LES RELIGIONS.

Tous ces saints personnages que le merite a eleuez possible sur les testes des Anges, abbaissent icy leurs testes sous les pieds du Vicaire de Iesus Christ, pour en recevoir la benediction, & l'approbation. Il faut qu'ilz soient bastiz, & bien affermiz sur cette pierre qui ne tremble iamais, pour estre des Ordres qui subsistent en l'Eglise, & que ce soient de vrayes Religions. Le Pape les regarde avec des yeux rians & pleins d'un contentement non pareil. Car Sa Sainteté void bien que ce sont des nouvelles estoilles qui vont luire dans le firmament del'Eglise, pour l'enrichir d'un nombre innombrable de raions, & de beautez du ciel. On dit que l'arc en ciel couronne le throsne de Dieu: & tous ces saints personnages couverts de blanc, de noir, de gris, & de tant de couleurs & d'habits, font vn arc en terre, & vn arc en ciel qui couronne & embellit le throsne du Vicaire de Iesus Christ. & cette varieté enrichit notablement la beauté de l'espouse du Sauueur. Or comme de leur leur costé ilz offrent leur sang, leur vie, & leur tout, pour seruir l'Eglise de Dieu: aussi le Pape les honore de faueurs & de priuileges, pour les animer au combat contre les puissances d'enfer. Ces vaillants Capitaines des armées de Dieu leuent des regiments infiniz pour combattre sous l'estendart de la croix: & le font si heureusement, que couverts de lauriers & de palmes, ilz entrent au royaume des

cieux. Leur liurée c'est blanc & rouge; innocence & charité. Leur deuise est: Quiconque quitte tout pour Iesus Christ, regnera eternellement avec Iesus Christ. Leurs armes, sont toutes les vertus. La pauvreté a charge de pourvoir de viures & de tout; la chasteté les armes de cilices, de haïres, & d'armes toutes à l'esprouue; l'obeissance, c'est le mot du guet. Le General c'est Iesus Christ; le Lieutenant c'est le Pape; les Anges sont les sentinelles; autant de Religions sont autant d'escadrons foudroyants, qui combattent iusqu'à la dernière goutte de leur sang. Ces bataillons effroyables renuersent toutes les puissances d'enfer, & sous l'autorité de l'Eglise combattant & vaincant fort heureusement repeuplent les Hierarchies des Anges, & remplissent le ciel, que les Anges apostats auoient deserté ignominieusement. Voilà ce que veulent dire tous ces Saints prosterner deuant les pieds du Vicaire de Iesus Christ.

F. I. N.

FACVL.

FACULTAS R.P. PROVINCIALIS.

EGO infrascriptus Societatis IESV per Flandro-belgicam Præpositus Prouincialis, potestate ad id mihi facta ab Adm. Reu. P. N. Mutio Vitellesco Præposito Generali eiusdem Societatis, concedo Martino Nutio Typographo Antuerpiensi facultatem typis mandandi librum R. P. Stephani Binetti, cui titulus est *Elogia siue Compendium vitarum Fundatorum Ordinum Religiosorum*. In quorum fidem has literas manu mea subscriptas, & officij mei sigillo munitas dedi, Gandavi 27. Maij ann. 1634.

GVILIELMVS DE WAEL.

APPROBATIO CENSORIS.

CEs Eloges, ou Abbregez, de la vie des saints Fondateurs des Ordres Religieux, avec leurs Maximes, selon les Images du Chœur de l'Abbaie de Lieffies, composez par le R. P. Estienne Binet de la Compagnie de IESVS, sont fort louables, & conuenables pour estre mises en lumiere à la gloire de Dieu & des mesmes Saints. A Anuers l'an 1633. le 26. d'Octobre.

Gaspar Estrix Plebanus & libr. Censor.

LE SOMMAIRE DV PRIVILEGE
DV ROY.

PHILIPPE par la grace de Dieu Roy d'Espagne & des Indes, Archiduc d'Austrice, Duc de Bourgogne, Brabant, &c. & Seigneur souuerain du Pais bas, a permis en son Conseil de Brabant, à Martin Nutius Marchand libraire iuré d'Anuers, d'imprimer, vendre & debiter luy seul vn liure intitulé *les Eloges ou abbregez de la vie des saints Fondateurs des Ordres Religieux avec leurs Maximes selon les images du Chœur de l'Abbaie de Lieffies, par le R. P. Estienne Binet de la Compagnie de IESVS*; faisant tresexpresses inhibitions à tous autres libraires de pardeça de les imprimer ou contrefaire, ou d'en exposer en vente d'autre impression que de celle du dict Martin Nutius, pour le temps de 9. ans: sur peine aux contreuenans de confiscation des exemplaires, & de payer 30. florins pour chasque exemplaire importé, ou contrefaict, comme plus à plein est contenu es lettres du priuilege, données à Bruxelles, le 22. de Iuin l'an 1634.

Signé par le Roy en son Conseil

Steenhuysse.

LES FAULTES SURVENUES.

En l'epistre au Lecteur *volu* pour *voulu*.

Pag.22. *croit* pour *croist*. Et *peu apres*, pour *on*.

Pag.37. *mourit* pour *mourut*.


Pag.72. *Qui*, pour *Que ie serois*.

Pag.100. *di* pour *de Sicile*.


Pag.104. *Si vous seriez* pour *Quand vous seriez*.

LES BAVIÈRES SYLVAINES

Les Bavières Sylvaines
par M. de la Roche
Paris chez la Citoyenne
de la Bibliothèque
Nationale le 1792



Das Buch
manifelt ~~ist~~ Made



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIPPEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black

Handwritten text on the right page, possibly a signature or date.



No 86

neu eingetragt 4862x.

C. K. Boij senior

P. Boij junior 1730.

[Faint, illegible handwritten text]

R
V

